



المقدمة

"قدميها جعلتني كاتباً" هكذا كتبَ بطل هذه الرواية في مقدمة روايته عندما وقع بصره على اقدام ابنة اخت رب العمل الذي يعمل به، ومن هنا امسك بقلمه واخذ يكتب في أول رواية له، ولذلك بدأ بجملة "قدميها جعلتني كاتباً" وكتبَ أيضاً: كانت حياتي محاطة باليأس مليئة بالحزن والكرب وكنت اتمنى أن يعجل الله باليوم الذي اكون فيه محمولاً على الأعناق بدون النظر الى مقعدي في جنة الخلد أو في قاع جهنم، حتى رأيتُ الوشم الذي كان مرسوماً على كعبيها على هيئة ثعبان باللون الأسود ويتخلله دوائر فارغة لكي تظهر هذه الدوائر جمال المزيج بين اللون الأسود وبياض لونها البراق، وهذا الأمر الذي جعلني أناجي ربي في ظلام الليل ان يمد في عمري حتى انتهي من وصف هذا الثعبان دائرة تلو الأخرى وما أنا بمنتهي.

تمهيد

التعرف على شخصيات الرواية

الصعيد

عائلة العمده حامد المصري

1. عبدالعزيز حامد المصري
2. جابر حامد المصري
3. حسان حامد المصري
4. دعاء حامد المصري
5. عفاف حامد المصري

أسرة عبدالعزيز حامد المصري؛ وزوجته سهير ذكريا المصري.

أبناء عبدالعزيز

● رحيم عبدالعزيز حامد المصري (بطل الرواية)

شخصيته:شاب طموح...رجل جاد...يحب العمل...وهو من انصار مقولة كن عصامي
 وليس عظامي
 موهبته:يعشق الكتابه
 وصفه:صاحب البشره السمراء....طويل الشعر...صاحب العيون البني.....صاحب
 اللحية الجميله...طويل القامه مفتول العضلات...

- غاده عبدالعزيز حامد المصري
- عماد عبدالعزيز حامد المصري

أسرة جابر حامد المصري؛ وزوجته احلام
 أبناء جابر

- يوسف جابر حامد المصري
- حنان جابر حامد المصري
- صالح جابر حامد المصري

أسرة حسان حامد المصري؛ وزوجته مروه
 أبناء حسان

- ياسر حسان حامد المصري
- منى حسان حامد المصري

الأسكندريه

المهندسه دلال الشرقاوي شقيقة الحاج فاروق الشرقاوي
 رجل الاعمال عادل محمود طليق المهندسه دلال الشرقاوي
 ابنة عادل

- مريم عادل محمود (البطل الثاني في الروايه)
- وصفها:صاحبة البشره البيضاء اللامعه... ذات الشعر الأسود الطويل...ذات العيون
 الزيتونى الساحره....الطول 175/الوزن73.....

الحاج فاروق الشرقاوي شقيق المهندسه دلال الشرقاوي
 ابنة الحاج فاروق الشرقاوي

● أسماء فاروق الشرقاوي

أسرة طابع الضبع، وزوجته دعاء حامد المصري
أبناء طابع الضبع

- لوچين طابع الضبع
 - زينه طابع الضبع
 - خالد طابع الضبع
-

الأصدقاء

حسام: صديق رحيم
تامر: صديق رحيم
الدكتور عمر: صديق رحيم

لوچين طابع الضبع: صديقة مريم عادل محمود
ساره سامي: صديقة مريم عادل محمود، وصديقة لوچين طابع الضبع

الفصل الأول

إذا كانت البدايات وحدها جميلة دعنا نبدأ مجددا، دعنا نبدأ مرار وتكراراً، دعنا لا
نتهي أبداً ، دعنا لا نتوسط ولا نتعمق

ولانمل فننتهي ، دعنا نبدأ ثم ننسى اننا بدانا ونعيد البدايه

دعنا ننسى الى اللانهاية

كيف يكون للحب قدرة على صنع المعجزات في قلب كل إنسان احتواه اليأس وظلام
الخوف من المستقبل ، ماكنت اصدق ان يأتي الحب بعاصفة تقتلع كل هذا من جزوره

وهذا الذي حدث لرحيم المصري بعدما احتواه الخوف من ماضي بلا اهداف ومن مستقبل عقيم التفكير ،حتى جاء الحب كأنه رسولا مرسل من السماء فاحول هذا الخوف الى عز الأمن وحول الخوف من مستقبل عقيم التفكير الى كاتباً يفكر ويكتب كل خاطرة وهاهو الآن يكتب اسمه على اول رواية بعد عاصفة الحب خرج حسام ذات يوم من حجرته فاوجد رحيم جالساً على مكتبه يكتب فاتوقف مندهشاً ويحدث نفسه ويقول:ماذا يكتب.

تعجب حسام من ذلك الأمر لأن هذه المره ليست اول مرة يجده يكتب ولكن فى هذا اليوم زاد الفضول عند حسام وهذا الأمر الذي جعله يسأله حسام:يتعمل ايه يارحيم يامصري...انت من يوم ما جيت الشركه...وانت تخلص شغل من هنا تمسك القلم من هنا وتفضل تكتب...قولى بتكتب ايه رحيم:يكتب روايه

حسام:روايه مره واحده...واسمها ايه بقا الروايه دي رحيم:روفي

حسام:روفي؟يعنى على اسم الشركه اللى احنا بنشتغل فيها رحيم:ايوه

حسام:طب اشمعنا

رحيم:عشان الثعبان ألتف على كعبيها

حسام:ثعبان ايه؟مش فاهم حاجه

رحيم:ماتوجعش دماغي بقا عايز أنام معانا شغل بكره

حسام:غريبه اول مره هتنام بدري يعنى

رحيم:عشان خلصت الروايه

حسام:طب حيث كده روح نام انت وسبني اقرأ الروايه دي وشوف موضوع الثعبان اللى بتقول عليه ده

رحيم:تمام ياصديقي...بس خلى بالك من الثعبان

حسام:ايه خايف عليا احسن بيخ سمه

رحيم:لا ماتخفش ده سمه شافي

حسام:ياجدع.....طب يلا عشان اشوف انت كاتب ايه

رحيم:تصبح على خير

حسام:وانت من اهل الخير

(وأخذ حسام يقرأ ماكتبه رحيم في هذه الروايه)

في يوم جديد تشرق فيه شمس الصعيد على سرايا العمده حامد المصري

(ام سعاد تضع الشاي على السفره)

العمده: يا ام سعاد

ام سعاد: نعم يا جناب العمده

العمده: روي شيعي لرحيم بيه ينزل يفطر معانا

ام سعاد: رحيم بيه طلع من بدري يا جناب العمده

العمده: ماتعرفيش راح فين

ام سعاد: هو طلع وقل..... قاطع حديثها دخول رحيم

رحيم: صباح الخير يا جدي

العمده: صباح الهنا يا ولدي.... ايه اللي مطلعك بدري أكده

رحيم: روحت الأرض أباشر علي الأنفار وعديت علي المزرعه خلصت شوية شغل

العمده: قلقنتني عليك يا ولدي

رحيم: متخافش عليا يا جدي العمر واحد ورب واحد سيبها علي الله

العمده: طيب يا ولدي ربنا يحميك ويحرسك من العين

رحيم يوجه حديثه لياسر: لياسر لما تخلص وكل شيعلي عشان نروح المزرعه نجيب

العجول عشان مولد سيدي ابو الحجاج

ياسر: حاضر ياود عمي

العمده: خبر ايه عاد يا رحيم يا ولدي مش هتقعمز تقطر معانا

رحيم: انا فطرت مع الرجاله في الغيط..... بعد اذنك يا جدي هروح اغير خلاقاتي

العمده: ربنا معاك يا ولدي ويحميك من كل شر

(رحيم يصعد السلم وعيون حنان تراقبه في صمت)

العمده: عفاف يا بنيتي

عفاف: نعم بابا

العمده: ماتنتسيش يا بنيتي ترني علي خيتك دعاء تخليها تحضر معانا المولد

عفاف: حاضر بابا

أحلام بخبث تعقد حاجبيها وتحدث نفسها: وهي المشرحه ناقصه قتله

الأسكندريه في منزل طابع الضبع

دعاء زينه يا زينه انتي يا زفته

زينه: ايه في ايه يا ماما مش شيفاني بسمع المسلسل

دعاء: اختك اتأخرت اوى

زينه: زمانها جايه دلوقتي
 دعاء: كل ده بنتفسح مع اصحابها
 زينه: ماما انا جعانة اوى
 دعاء: هو ده كل اللى هامك الاكل وبس عمرك ما تتحملى مسؤوليه انا مش عارفه
 هتجوزى ازاي
 زينه: زى السكر في الشاي
 دعاء: ادى اللى بناخده منك الكلام البايخ انتى هتجيبلى شلل رباعى
 زينه: وانتي عندي احلى من صابر الرباعي...
 دعاء: يارب صبرني عل... قاطع حديثها جرس الباب
 دعاء: زينه افتحي الباب
 زينه: حاضر
 زينه بهمس: اتأخرتى ليه دى ماما هتتفخك ادخلى ياختى ادخلى
 لوچين: مساء الخير يا ماما
 دعاء: ليه التأخير ده كله... كل ده بنتفسحى
 زينه: اكيد كانت بنتفسح في تركيا وانتي عارفه بأه يا ماما مافيش مواصلات من تركيا
 لسكندريه وكدا فا اكيد وصلها الغازى ارطغرول علي حصانه
 دعاء بغضب: اخرسي انتي
 زينه: حاضر هسكت خالص اهو... ايه ده مافيش حد طايقني في البيت ده اوف
 لوچين: يماما يا حبيبتى انتى مكبره الموضوع احنا وراجعين عدينا على المول عشان
 مريم وساره كانوا عايزين يشتروا هدوم وانا كمان اشتريت هدايا لجدو وخالتو والعيله
 كلها في الصعيد
 دعاء: وليه هدايا بقى هو انتى هتنزلى الصعيد
 لوچين: مهو لسه ماكملتش كلامى ياست الكل
 دعاء: كملى ياختى
 لوچين: خالتو عفاف رنت عليا وكلمتني وقلتلنى انها بترن عليكى والفون بتاعك مغلق
 وكلمتني ابلغ حضرتك ان جدو عايزنا ننزل الصعيد نحضر المولد بس ياستى دى كل
 الحكايه.
 دعاء: طيب... يلا بأه غيري هدومك عشان تاكلى معانا
 لوچين: ماليش نفس..... انا هدخل انام.

حسام: الحمد لله يا رحيم

رحيم: بقولك ايه

حسام: قول

رحيم: عايزك تجيني بكره ان شاء الله عشان عايزك في موضوع مهم

حسام: حاضر يا غالي

رحيم: بالله ما تتساش زي ما قولتلك يحسام لازم تجيني بكره

حسام: حاضر يا صديقي

الساعة 6 صباحا

(عفاف تتحدث مع شقيقتها دعاء على الجوال)

عفاف: كيفك يا بنت ابوي عسى الله تكوني مليحه

دعاء: الحمد لله بخير يا فوفه انتي طمني علىكم عاملين ايه وبابا عامل ايه

عفاف: احنا زانبين قوي قوي وابوكي زين قوي ومليح

دعاء: طب الحمد لله يارب دايم

عفاف: ها امتي هتوصلو يا بنت ابوي

دعاء: خلاص ساعه ولا ساعتين بالكثير نكون على محطة الأقصر

عفاف: توصلو بالف سلامه يا بنت ابوي

دعاء: الله يسلمك يا فوفه بس ابعتي اى حد يجي يوصلنا

عفاف: من عنيا.....

زينه تحدث نفسها: يارب تبعت عماد عشان وحشني اوى

لوچين تحدث نفسها: يارب تبعت رحيم وتبقى فرصه أقرب منه

(غاده تتحدث مع يوسف على الجوال)

يوسف: قلبي ياناس ممكن يطمنى عليه

غاده: لو قلبك صوح يا ود عمى ما كنتش تغيب عليا طول اليوم ماشوفكش في البيت

وانا افضل زعرانه عليك

يوسف: طب اعمل ايه يا بنت عمي اللي يشتغل مع اخوكي ميشوفش راحه

غاده: اه اخوي ومين زي اخوى رحيم ربنا يكون في عوننا شايلى هموم الدنيا والآخرة

فوق راسه

يوسف:اه والله صعبان عليا قوي بس هو اللي مش بيحكي وجعو لحد مافيش غير
ياسر ود عمك هو اقرب واحد ليه
غاده:المهم اتوحشك قوي يا ود عمي اتوحشتك قوي قوي ياقلبي
يوسف:يابوي انا في حلم ولا علم ونبي قولها تاني
غاده:هي ايه اللي اقولها تاني ياود عمي
يوسف:كلمة ياقلبي طالعه من حنكك زي الشهد
غاده:خبر ايه عاد ياود عمي اتحشم امال
يوسف:انتي هتخلي برج من عقلي يطير يابت عمي
يوسف:بحبك
غاده:وانا كمانى

(رحيم يجلس في مكانه المفضل وهو اسطبل الخيل)
ياسر:كنت متأكد ان هلاقيك قاعد هنا لوحدك مالك ياود عمي فيك ايه
رحيم:مخنوق شويه

ياسر:ومن ميته بتخبي علي ود عمك عاد
رحيم:مافيش ياود عمي كل الحكايه ان عايز اسافر
ياسر:اتسافر فين يا ود عمى وليه
رحيم:اشتغل
ياسر:تاني ياود عمي الموضوع ده مش كفايه كنت تشتغل وتصرف على نفسك لما
كنت في الجامعه حتى لما خدت الشهاده عايز تشتغل وتتغرب تاني بزيداك عاد ياود
عمي غربه

رحيم:هو الشغل عيب ولا حرام ياود عمي
ياسر:لا مقولتش اكده.... عمر الشغل مكان عيب ولا حرام لكن ياود عمى تدخل مخ
مين تهمل أرضنا ومالنا والخير ده كله وتروح تشتغل عند الغريب وتخلي اللي يسوى
واللى مايسواش يتحكم فيك لا.... لا انا مش معاك فى الكلام ده يا ود عمى مش لادد
عليا حديثك ده واصل

رحيم:افهمنى ياود عمى... انا بقول عليك اكثر واحد بتقهمنى هنا... انا عايز ابني
نفسى بنفسي عايز ابدأ حياة جديده طريق اكون انا اللي راسم معالمه بيدي فهمنى ياود
عمى

ياسر:طب وانا هتهملنى دا انا ماليش غيرك اتحددت معاه والأرض والمزارع كل ده
مين اللي هيديره ويباشره وانت عارف احنا كلنا بلاك مانسواش ولا حد فينا عارف

حاجه واصل الكل بيشتغل تحت يدك.... اعمامك وابوك و عيال عمك كلنا بنشتغل
 بكلمه منك كل ده هتهملو لمين بس ياود عمي طب ما فكرتش ازاي هتهمل مرت
 عمى سهير.... ازاي هيجيلك قلب اتهملها
 رحيم: ان كان على الأرض والمزارع انا هباشرها بالتليفون معاك وانت طبعا دراعى
 اليمين كل كبيرة وصغيرة عرفتهالك وهبقي اتابعك وان كان علي مرت عمك.... ان
 شاء الله هتوافق بس ادعيلى انت ووقف جنبى ياود عمى
 ياسر: هقولك ايه عاد ياود عمى طول عمرك راسك ناشفه كيف الحجر اللي في راسك
 هو اللي بيمشي... يقاطع حديثهم صوت جوال رحيم...
 رحيم: الوو
 عفاف: فينك ياود اخوي
 رحيم: خير ياعمتي في حاجه
 عفاف: خير مفيش حاجه بس عمك دعاء و عيالها وصلو علي محطة الأقصر وعايزه
 اى حد ياخذها
 رحيم: حاضر ياعمتي هكلم عماد يروح ياخذهم

في سرايا العمدة حامد المصري
 صالح: يا اهل الدار راحوا فين دول انا جعان ياخلاق يا هو
 منى بدلع: ثوانى يكون الاكل قدامك ياود عمى
 صالح بيتسم: اموت فيك يا بيض يا مبررب انت
 منى باستحياء: خبار ياود عمى كفاياك حديثك ده
 صالح: هههههه ايه مالك يابت عمى لساكى بتتكسفي منى اياك
 منى باستحياء: بس عاد كفاياك ياود عمى
 (ذهبت منى الى المطبخ ثم تبعها صالح)
 منى بخوف: اعقل ياود عمى ايه اللى دخلك اهنه
 صالح: وان معقلتش يعنى هتعملى ايه طب انا بحبك يا عسل انت
 منى بخوف: اعقل ياود عمى عاد احسن ام سعاد تعاود وتشوفك اهنه وتبقي فضيحتنا
 بجلاجل

عماد: يلا يا رجاله شدو حيلكم امال عايزين نحمل المحصول ده بسرعه
 عماد: يامرعى يامرعى انت يازفت يا مرعى
 مرعى: ايوه يا عماد بيه

عماد: عايزك تقف على الانفار عايزين نخلص بسرعه انهارده مش عايزين نتأخر
والا هنسمع كلمتين من رحيم اخوى ملهمش لازمه
مرعي: خلاص يابيه كله هيبقي تمام بس ف..... يقاطع حديثه صوت جوال عماد.
عماد: الووو
رحيم: ايوه يا عماد انت فين
عماد: انا في الأرض ياخوي
رحيم: خلصتو تحميل المحصول
عماد: خلاص كلها ساعة زمن ونخلص ياخوى متقلقشي
رحيم: عفارم عليك يا عمده... طب سيب اللي في ايدك وخلي مرعي يكمل مع الانفار
وانت اخطف رجلك لحد المحطة جيب عمك وعيالها
عماد بفرح: حاضر ياخوي حمامه هكون هناك

مرعي: يا عماد بيه عايز اقولك ان..... يقاطع حديثه عماد
عماد: متقولش حاجه دلوقتي مش فاضيلك لما اعاود ابقا نتكلم...

محطة الأقصر

لوجين: هو مين اللي هيجي ياخذنا يا ماما
دعاء: مش عارفه باه يابنتي
زينه: عماده اهو يا ماما
زينه بصوت مرتفع: يا عمده احنا هنا
دعاء بغضب: بس يازفته ايه الهمجيه دي اللي انتي فيها انتي فاكره نفسك في
اسكندريه
زينه: وفيها ايه ياماما ده ابن خالي عادي
دعاء: يا بنتي احنا هنا في الصعيد يعني في عادات وتقاليد.... يقاطع حديثهم اقتراب
عماد
عماد: حمدلله بالسلامه يا عمتي نورتونا ونورتو الصعيد
دعاء: الله يسلمك يا عماد
عماد: حمدلله بالسلامه يا لوجين كيفك يابت عمتي
لوجين: الله يسلمك يا عماد الحمدلله كويسه
عماد: حمدلله بالسلامه يازينه كيفك ياست البنته
زينه: الله يسلمك يا عمده

جابر: حديث ايه ده عاد يابوى صووح الحديث ده
العمده: ايوه صووح

حسان: كيف يابوي تعمل أكده وانت عارف ان احنا بيناتنا عداوه
العمده: انا كنت رافض الموضوع من اساسه لكن رحيم هو اللي طلب منى اعمل اكده
عبدالعزيز: ولدى رحيم بيعمل اكده ليه هو عايزنا نحط ايدينا في ايد ناس قتلوا منينا
راجل

العمده: اللي عملوا رحيم هو عين العقل يا ولدى كفاينا دم
عبدالعزيز: يابوى دول قتلوا اخوك عمي ذكر يا طب ما فكرتش هيعمل ايه ود عمي
عاصم لما يشوف اللي قتلوا أبوه عندينا.
العمده: بزيديك عاد يا ولدى متنساش كمانى ان عيله زهران قدموا الكفن يعني خلاص
فضوها سيره عاد

جابر: مهما كان يابوي استحاله برضيك ننسي انهم قتلوا واحد منينا
العمده: كفايه حديث مالوش عازه واصل... رحيم عمل الصووح كفايه
دعاء: رحيم ديما عاقل واللى عمله ده هو المفروود يتعمل من زمان كفايه بأه دم وقتل
وخراب..... يقاطع كلامها دخول عاصم
عاصم: السلام عليكم

الكل: وعليكم السلام ورحمه الله وبركاته
عاصم: حمد الله بسلامه يا بت عمي

دعاء: الله يسلمك يا بن عمي
غاده: قعمز اتغدى يخالي

عاصم: الف هنا يا بت اختي

العمده: خلصت الأوراق المطلوبه عشان نبدأ نبي المصنع
عاصم: لسه يا عمي لما انزل البندر هخلص الورق ان شاء الله
لوچين: ايه ده انت هتبنى مصنع يا جدو

العمده: ايوه يا عروسه

لوچين: ودي فكرتك بأه يا جدو

العمده: لا دى فكرة ابن خالك

لوچين: اكيد رحيم

العمده: ايوه

حنان تعقد حاجبيها وتحدث نفسها: شوف شغل المحن بتاع بنات بحري عاد... يارب
عدى الايام دى على خير

رحيم: عايزك تطلع على المزرعه تعزل البهايم المريضة عن السليمة بسرعه وانا
هتصرف

مرعي: أوامر جنابك

العمده: وهتعمل ايه يا ولدي بعد اكده وما فيش دكتور في البلد

رحيم: قولتلك متقلقشي يا جدي انا هكلم عمر صاحبي ايام الجامعة وهو دكتور
بيطري ومش هيتأخر متقلقشي واصل

العمده: يارب جيب العواقب سليمه

رحيم: الله عمتي دعاء حمد الله بسلامه يا عمتي معلش عاد يا عمتي ما خدتش بالي

دعاء: الله يسلمك يا رحيم ولا يهملك يا حبيبي

رحيم: يوجه حديثه للوجين وزينه: حمد الله بالسلامه بينات عمتي

زينه ولجين: الله يسلمك يا رحيم

رحيم: واه خالده اتوحشتك قوي قوي يا صغير

(خالد يحضن رحيم)

خالد: ممكن طلب صغرن اد كده

رحيم: واه عاد انت تطلب واحنا كلنا انفذ احنا عندينا كام خالد... ها ايه طلبك عاد

خالد: عايز اركب الخيل

رحيم: بس اكده بسيطه قوي قوي انا هاخذك معايا اسطبل الخيل وركبك الفرس اتفقنا

خالد: اتفقنا

لوجين: طب ممكن ابقا اروح معاكم ولا..

رحيم ظهره عليه علامات الرفض: اصلا مش..... تقاطع حديثه غاده طبعا ممكن

رحيم اخوى خيال وسيد الرجاله لما تشوفيه هو وراكب الفرس روى مفياش حاجه

رحيم ظهر الغضب في عينيه: طب بعد اذنكم..

حنان بغيط تحدثت نفسها: بعدين معاكى عاد يابت البندر مش ناويه اتجبيها البر هي

حصلت كمانى تروحي معاه

(أمسك رحيم بالجوال لكي يطلب صديقه الدكتور عمر)

عمر: الووو

رحيم: اخبارك ايه يا دكتور اتوحشتك قوي

عمر: وانا كمانى يا ابن الأصول

رحيم: كيفك يا دكتور طمني عليك

عمر بصوت يظهر عليه الحزن: اهي ماشيه يا رحيم

رحيم:مالك يا صديقي

عمر:ما فيش

رحيم:عليا انا برضو الحديث ده... دا انا رحيم المصري ولا انت نسيت

عمر:طب هقولك ايه عاد..... المشكله في الشغل

رحيم:مالو ما انت شغال فى البلد يعني مش متغرب ايه اللي مضايقتك عاد

عمر:شغال ايه هو فين الشغل ده..... بشتغل يوم وعشره لا... الحال واقف واصل

وانا دلوقتى بشتغل في محل ملابس واهي ماشيه

رحيم:طب واللي يلقالك وظيفه تديله ايه

عمر:انت بتضحك عليا ولا على نفسك هو في وظائف اليومين دول... البلد كلها واقعه

رحيم:طول عمرك فقر خليني اكمل كلامي

عمر:كامل يارحيم يامصري

رحيم:ايه رايك تاجى تشتغل عندينا في المزرعه وبيقالك مرتب ثابت

عمر:ايو بس..... ويقاطع حديثه رحيم

رحيم:مابسش ولا حاجه انت تاجي عندي السرايا وهنقعد ونظبط الحديث كله ها

قولت ايه عاد

عمر:هقولك ايه عاد موافق طبعا

الأسكندريه

في فيلا المهندسه دلال صاحبة اكبر شركه في الشرق الأوسط (شركه روفي لمنتجات

الألبان)وشقيقها الحاج فاروق الشرقاوي

دلال ياريس جمعه انا عايزه منك طلب هتقدر تنفذه ولا

الريس جمعه:اكيد طبعا يابشمهندسه

دلال:الشغل محتاج عماله كثير تقدر تجيب عمال

الريس جمعه:بس أكده دي بسيطه قوي قوي مش عايز حضرتك تقلقي واصل

دلال:تمام ياريس جمعه...ومش عيزاك تقلق خالص من ناحيه المرتبات....وانا هكلم

الحاج فاروق يتفق معاك على مرتب كل عامل هتجيبه

الريس جمعه:مش مهم الفلوس عند الصعايده....المهم التقدير والأحترام يابشمهندسه

دلال:تمام تمام بس..... يقاطع حديثها صوت الجوال الخاص بها

دلال:الوووو

مريم:ايوه ياماما

دلال:طميني وصلتى الصعيد

مريم: اه وصلت علي محطة الأقصر وكلمت لوجين تيجي توصلني
 دلال: انا معرفش وافقت على السفرية دي ازاي بس.... مكنش لازم اوافق انا خايفه
 عليكي اوى

مريم: ياماما يا حبيبتى انا اللي طلبت من لوجين ان احضر معاها المولد في الصعيد
 وهو اغير جو وانتى عارفه ان من زمان كان نفسي اروح الاقصر وبعدين انا مش
 لوحدى انا معايا ساره متخفيش عليا يا ماما
 دلال: طيب يا غلابويه خلي بالك على نفسك
 مريم: حاضر يا احلى ماما في الدنيا

في سرايا العمدة حامد المصري
 لوجين: زينه قوليلي اعمل ايه دلوقتي
 زينه: تعملى ايه في ايه؟
 لوجين: مريم و ساره وصلوا محطة الاقصر و عايزانى اروح اخدهم
 زينه: طب و ايه المشكله في كده
 لوجين: المشكله ان لو روحت المحطة هاجى الاقي رحيم و خالد ميشو و راحو الأسطبل
 و انا ماصدقت الاقي فرصه ابقا قريبه منه.
 زينه: خلاص ابعثى حد من ولاد خالك
 لوجين: يا سلام يا ذكيه و اولاد خالي يعرفوا من فين مريم و ساره
 زينه: روى انتى و عماد المحطه ولو اتأخرتى علي رحيم و خالد انا هتصرف اوك
 لوجين: و هتعملى ايه بأه
 زينه: ملكش فيه دي بتاعتى انا بأه اوك
 لوجين: اوك
 زينه: يلا باه انزلى كلمى عماد و روى المحطة يلا

في سرايا العمده حامد المصري وفي مكتب رحيم تحديدا
 (أمسك رحيم بالجوال الخاص به لكي يطلب صديقه حسام)
 حسام: الوووو
 رحيم: ايوه يا حسام اخبارك
 حسام: الحمد لله بخير
 رحيم: عملت ايه فى الموضوع اللي قولتلك عليه

حسام: انت ابن حلال انا لسه مخلص مكالمه مع خالي الرئيس جمعه وطلب منى رجاله
 لشغل في شركه اسمها روفي في اسكندريه
 رحيم: تمام تمام عفارم عليك توكلنا على الله بقو..... يقاطع حديثه دخول خالد
 رحيم: طيب سلام دلوقيتي يا حسام اكلمك بعدين
 رحيم: تعالى اهنه يا وش السعد انت
 خالد: شكلك مبسوط اوى
 رحيم: ايوه مبسوط وعشان أكدا يلا أطلع فوق غير خلاتك عشان نروح الأسطبل
 خالد بفرح: بجد
 رحيم: ايوه بجد يلا.
 خالد: ممكن سؤال
 رحيم: انت اكده هتأخرنا عاد
 خالد: معلىش سؤال صغنن اد كده
 رحيم: اسأل ياسيدي
 خالد: ايه الكتب دى كلها اللي انا شيفها عندك.... انت بتقرأ الكتب دي كلها
 رحيم: دى كتب أدب وشعر وروايات كمان
 خالد: الله انا بحب اقرأ روايات
 رحيم: طب كويس... اخيرا لقيت حد في العيله بيحب الروايات زي
 خالد: الكتاب ده شكل الغلاف بتاعه يجنن... الله ده مكتوب عليه اسمك.... هو انت
 اللي كاتبه
 رحيم: اه ياعم خالد
 خالد: طب ممكن استعير الكتاب ده ولو في كتب تانيه انت اللي كتبها ممكن... ده لو
 مفهانش غلاسه
 رحيم: اكيد طبعا بس يلا بقا علشان مانتأخرش عشان المولد بليل احسن نتأخر
 خالد: حاضر.... حمامه هتلاقيني جاهز
 (صعد خالد الى الغرفه وأخذ يتردي ثيابه بعدما وضع الكتابين على حافه السرير)
 خالد: انا كدا جاهز
 رحيم: يلا بينا يا بطل
 خالد: طب مش هنستنى لوچين
 رحيم: لا لا يلا بينا مفيش وقت

عماد: اتفضلوا يامرحب يامرحب نور تونا

كاجمود العين في قاع البحار كأنها عصفور مبلول من ماء المطر وفي لحظه ما رجع
عمر لصوابه.

عمر بصوت متقطع: هو رحيم موجود

عفاف: لا مش موجود

عمر: طب لما يعاود خبريه ان جيت

عفاف: طب اقولو مين عاد

عمر: قوليلو الدكتور عمر.....سلامو عليكم

عفاف: و عليكم السلام

ساره: مريم ممكن تفتحي التكيف الجو حر اوى مش عارفه انام

مريم: حاضر

ساره: وانتى مش هتنامى ولا ايه

مريم: لا مش جايلي نوم

ساره: هنام انا ولما ترجع لوچين صحيني

مريم: حاضر.

(وضعت مريم رأسها على الوساده..بعدها أمسكت بكتاب رحيم لكي تقرأه)

مريم تحدث نفسها: لما اشوف الصعيدي كاتب ايه ياكش تكون حاجه فيها قتل ودم حكم

انا عرفاكم ياصعايده تموتوا في الدم والقتل زى عنيكم

مريم بتقرأ اسم الكتاب: Il punto II لما نشوف البننتو بيقول ايه

مريم تقرأ مقدمة الكتاب التي كان مكتوبا فيها

Il punto

مش خمارة

لكن مكان للزيارة ف كاس واين شفاف شارع فؤاد بيخاف من أي شخص غريب

ومحطة الرمل شعره بين قدر ونصيب ونصيبي كان هيّ

مريم: ايوووو يا جدهان ده طلع بيحب عمرو حسن ومين نصيبك بأه ياسي رحيم... دا

انت حكايتك حكايه ياصعيدي

عاصم: وادى ياعمي الأرض اللي هنبني عليها المصنع زى ما قال ود اختى رحيم

العمده: على خيرة الله

عاصم: لا وكماني قريبه من المزارع علشان مبيقاش في صعوبة في نقل المواشي
والألبان

العمده: عفارم عليكم

العمده: عارف ياود اخوي انا بحب رحيم ليه

عاصم: ليه

العمده: عشان رحيم ذكي وراجل ومفيش خطوه بيخطيها إلا ويكون حسبها مليون
حساب و انا بعتمد عليه في كل حاجه وعشان أكده كماني انا قررت اجوزو عشان
اطمن عليه قبل ما اموت.... واهو اكون كفرت على اللي عملتو معاه زمان هو
وصغير.

عاصم: بعد الشر عليك يا عمى ربنا يطول في عمرك لكن هتجوز مين عاد
العمده: مش وقته دلوقيت... كل وقت وليه ادان يلا بينا نعاود عشان في العشية المولد
وكبارات البلد والبندر هياجو ولازمن نكون هناك

سهير: انا خايفه قوي علي رحيم

عبدالعزیز: حدیت ایه ده اللى عم اتقولیه هو رحيم ده صغير ولا صغير ولدك بقا
راجل بشنابات يا وليه شكلك اكبرتى وعم تخرفي

سهير: انا مقولتتش حاجه... ولدى راجل وسيد الرجاله كماني بس انا خايفه يرجع
لموضوع الشغل ده من تانى ويهملى

عبدالعزیز: حدیت ایه ده عاد ومين قلک الكلام الماسخ ده

سهير: ايوه انا سمعتو هو وبيتكلم في التلافون وبيكلم صاحبو اللى اسمه حسام ده علي
شغل

عبدالعزیز: لو الكلام ده صوح بيقا مفيش غير حل واحد والحل ده هو اللى يخليه يقعد
معانا في البيت

سهير: هتعمل ايه ياابو رحيم

عبدالعزیز: هجوزو بت من بنات أعمامه

سهير: ياخوفي يعصي كلامك وسعتها يهملى... وسعتها هموت فيها

ام سعاد: مالك يسعاد فيكي ايه مش عوايدك تقعدني ساكته أكده

سعاد: مفيش حاجه يماي

ام سعاد: انتى بنتي وانا عرفاكي....قولى مالك

سعاد بحزن: مخنوقه يماي

ام سعاد:ليه يابنيتي
 سعاد:على حظى الاسود...حلمى اللى بحلم بيه خلاص ضاع يماي
 ام سعاد:ليه يابنيتي.....رحيم بيه وعدك ان هيقف جنبك لحد ما تدخلى كليه الطب
 وتأخدي الشهاده...ورحيم بيه لما يوعد لازم يوفي...كلمته سيف على رقبته
 سعاد بحزن:رحيم بيه هيسافر يماي ويعالم هيعاود تانى ولا مش هيعاود.
 ام سعاد:وانتي عرفتي من فين ان هيسافر
 سعاد:انا سمعت الست سهير بتقول اكده لعبدالعزيز بيه
 (في هذه اللحظه كانت حنان تستمع حديث ام سعاد وسعاد من خلف الباب)

غاده:ايه ده انا اول مره اشوفك سرحانه اكده ياعمتي
 عفاف:انا سرحانه...لا ابد
 غاده:عليا انا برضو..ياعمتى مفيش حد هنا يعرفك كويس قدي...من ساعت ما شوفتي
 الدكتور عمر وانتي سرحانه وقاعده لوحدك
 عفاف:بصراحه مش عارفه من ساعت ما شوفته وانا ملبوخه ومش عارفه ايه اللى
 حصلي
 غاده:اممم شكلك وقعتي يافوفه
 عفاف:قصدك ايه يابت اخوي
 غاده:الحب..قصدى الحب ياعمتى
 عفاف:يس يابت بلا حب بلا كلام فاضي

عمر يحدث نفسه:معقوله يكون هو ده الحب

غاده:ايوه هو ده الحب وانا عارفه الحب بيكون ازاي اسأليني انا يافوفه
 عفاف:معقوله يعنى يكون الحب من اول نظره اكده

عمر يحدث نفسه:الحب من اول نظره ومستغرب ليه ياعمر....ايوه انا سمعت عن
 الحب من اول نظره وهو ده فعلا اللى حصلي انهارده....لا لا ياعمر مش ممكن
 يكون حب...ممكن يكون مجرد اعجاب...مافيش حاجه اسمها حب من اول
 نظره....لكن لو مافيش حاجه اسمها حب من اول نظره ايه اللى حصلي ده انهارده
 واللى انا حاسس بيه دلوقتي

غاده: انتى حاسه دلوقتى انك مش شايفه غيره وان هو اللي مسيطر على خيالك وديما
صورتها قصادك ومش بتفارقك لحظه واحده وان نفسك تشوفيه تانى صوح
عفاف: صوح يابيت اخوي
غاده: بييقا هو ده الحب من اول نظره يافوفه... بس ادعى ربنا ان ميزهقش من بلدنا
زي الدكتور معتز ويسافر

حنان تحدث نفسها: هيسافر خلاص يحنان هيسافر حبيبك ويهملك قاعده لوحده
هنا... حتى من غير ما يعرف ان عمري ما حبيت في الدنيا قده... انا لازم اتكلم
معاه وقولو ان بحبك

صالح: بتحبيني
منى: ايوه بحبك قوي قوي ياود عمي
صالح: طب ما انا عارف انك بتحبيني يا عبيطه... وانا كمانى بحبك
منى: وانا كمانى عارفه انك بتحبيني
صالح: يعنى بتفكرى فيا زي ما انا بفكر فيكي
منى: انت مش بتغيب عن خيالى لحظه وديما بدعي ربنا تكون ليا ونتجوز... ولا انت
مش عايز تتجوزنى عاد
صالح: عايز اتجوزك طبعا
منى: طب متى ياود عمي
صالح: قولى يارب

عفاف: يارب يابيت اخوي... مايزهقش ويهملنا
غاده: طب هسيبك انا دلوقتى تكلمى سرحان وتفكير في الدكتور اللي خطف قلبك من
نظره... وروح اشوف رحيم وخالد فين عشان مش شيفاهم في السرايا

عماد: اهم رحيم وخالد اهم اهنكهي تي لسه منزلوش من العربيه
لوچين: الحمد لله وصلنا معاهم
زينه تهمس في اذن لوچين: عد الجمال ياموز
(لوچين تبتمسم)
عماد: يلا وصلنا انزلو عاد
عماد: يارحيم ياخوي

رحيم لازال يتجول بالفرس وفي مكان ما توقف وفي هذه اللحظة تحركة لوجين نحو رحيم وهى تتمايل بخصرها وجمالها وثيابها وكانت ترتدى البنطال الاسود والقميص الابيض والحذاء البوت وكانت ذات شعر جميل كالحرير يندسل على خصرها ونهديها ذات العيون الخضراء الساحره.

لوجين:رحيم عايزه اقولك علي حاجه بس خايفه تكسفي
رحيم: حاجة ايه اللي عايزه تقوليها وليه خايفه اكسفك
لوجين بإستحياء: عايزه اركب الحصان ممكن ولا...

رحيم: ههههه

لوجين: اول مره اشوفك بتضحك..... بتضحك علي ايه بأه... بس تصدق ضحكك حلوه اوي

رحيم:بضحك علي المقدمه اللي قولتيها عشان تركبي الفرس وايه عاد اللي هيخليني اكسفك يابت عمتي

لوجين:يعنى افهم من كده انك موافق

رحيم:بس..... يقاطع حديثه صوت جوال لوجين.

لوجين:الووو

ساره بصوت استغاثه:ايوه يالوجين انتى فين الحقينى بسرعه

لوجين:اهدي.. اهدي وفهميني في ايه

ساره:مريم..مريم

لوجين:مالها مريم

ساره:صحيت من النوم لقيتها واقعه علي الارض مغمى عليها ومش عارفه اعمل ايه

لوجين: طب خلي اي حد عندك في السرايا يروح معاكي المستشفى وانا جايه بسرعه
هحاصلكم على هناك..

رحيم:في ايه عاد يابت عمتي خير

لوجين:مريم اغمى عليها

رحيم:مريم مين؟

لوجين:هقولك واحنا في العربيه يلا بس بسرعه

مروه:يقولك ايه يابو ياسر

حسان:قولى يا وليه
 مروه:نفسى افرح بياسر قبل ما اموت
 حسان:نبقى نشوف الموضوع ده بعدين
 مروه تعقد حاجبيها:هو انا كل ما اقولك علي حاجه اتقولى بعدين
 حسان:بعدين عاد سببىنى أقيل ساعه عشان المولد باليل
 مروه بخيبه امل:نام نام ياخويا

ياسر:العافيه يا رجاله شدو حيلكم امال وكل سنه وانتم طيبين
 ياسر:مرعي
 مرعي:نعم يابيه
 ياسر:عايزك بعد ما تخلص شغل في الارض انت والرجاله تاخدكم السرايا عشان
 المولد وكل واحد ياخذ اللي فيه النصيب
 مرعي:تمام يا بيه وربنا يخليكم لينا وميقطعهاش عاده واصل ويبارك في العمدة حامد
 ويطول في عمره
 ياسر:اللهم آمين يلا عاد علشان متناخرش انت والرجاله

في مستشفى الأقصر الدولي
 (لوجين وساره في انهيار وبكاء علي مريم)

زينه:في ايه مالكم بأه بطلو عياط ان شاءالله هتقوم بالسلامه
 عماد:ادعولها وهى هتبقي مليحه
 (خرج الدكتور من العنايه المركزه)
 لوجين:طمنا يادكتور مريم بخير
 الطبيب:مع الاسف حاله سيئه جدا هبوط حاد في الدوره الدمويه والهبوط ده لما
 بيتكرر ببسبب خطر علي حاله وتقريبا مش اول مره تجيها
 ساره:فعلا مش اول مره
 رحيم:طب والعمل ايه يادكتور
 الطبيب:محتاجين نقل دم فوراً والا حاله هتبقي في خطر
 رحيم:طب ما تتقلها دم حضرتك مستتي ايه
 الطبيب:مع كل اسف مافيش عندنا في المستشفى أكياس دم من فصيلة الدم O

عماد: طب والعمل ايه عاد
الطبيب: مفيش غير ان تشوفوا حد يتبر عليها بنفس الفصيله.
(الكل فصيله الدم مختلفه الا رحيم كانت فصيلة دمه O)
رحيم: انا فصيلة دمي O' ممكن اتبر عليها
الطبيب: ماشي بس لازم نكشف عليك الاول نشوف جسم حضرتك يستوعب ان ناخذ
الكميه المطلوبه ولا لا
(خرج الطبيب بعدما فحص رحيم)
الطبيب: مع الاسف مش هقدر اخذ من حضرتك الكميّه المطلوبه زائد ان نبض قلبك
سريع جدا
رحيم: يادكتور خذ الكميّه المطلوبه
الطبيب: انت بتقول ايه مقدرش انا كدا هعرض حياتك للخطر وهتحول مسائله قانونيه
وجنائيه انا اسف يا فندم
رحيم: ملكش صالح واصل يادكتور خذ المطلوب بس اهم حاجه حاله تعيش وان كان
علي المسأله القانونيه انا هكتلك اقرار علي نفسي ان كنت اعلم بهذا الشئ وان انا
اللي طلبت من حضرتك كده ارجوك بسرعه
لوچين بخوف: لا لا يارحيم متعملش كدا انت عايز تضحي بنفسك لا لا لو انت كنت
عايز تضحي بنفسك انا مش هو افقك
رحيم: مش عايز كلام زياده محدش ليه دعوه واصل انا مقدرش اسيب انسانه تموت
وانقاذ حياتها في يدي.... يلا يادكتور اعمل اللازم بسرعه
الطبيب: طب اتفضل معايا حضرتك

ياسر: ها عملت ايه
يوسف: كل تمام ياود عمي... جهزنا الفراشه والأضائه
ياسر: والرجاله بتوع الملاهي.... في حد ناقصه حاجه فيهم
يوسف: الكل اتعدى واتبسط
ياسر: تمام... بس اهم حاجه باليل عايز كل حاجه جاهزه.... عشان كبارات البلد
هيحضروا المولد
يوسف: متقلتش ياود عمي كل حاجه تمام
ياسر: تمام... هو فين صالح... مش واقف معاك ليه
يوسف: صالح عند الحريم بيتمم على الوكل
ياسر: تمام... مش عايز حد انهارده ناقصه حاجه

في مستشفى الأقصر الدولي
 (خرج الطبيب من العناية المركزه)
 رحيم: طمني يادكتور
 الطبيب: الحمد لله الحاله اتحسنت وده بفضل ربنا ثم بفضل شهامتك
 رحيم: طب ممكن نقدر ناخذها معانا
 الطبيب: اه ممكن بس بشرط الراحه التامه
 رحيم: متشكرين قوى قوى يادكتور
 الطبيب: علي ايه يافندم انا بعمل واجبي اللي مفروود يستحق الشكر هو انت انا عمري
 ماشوفت إنسانية وشهامه بشكل ده تعرض حياتك للخطر عشان تنفذ حياة غيرك
 بصراحه انا كنت خايف جدا عليك بس الحمد لله انت سليم ومافيش اي ضرر عليك
 بس ده مايمنعش ان حضرتك ترتاح انت كمان..
 بعد اذنكم.
 ساره: بجد انا مش عارفه اشكرك ازاي يارحيم بيه
 رحيم: ومافيش داعي ده اقل واجب واي حد مكاني كان هيعمل كده.. يلا ندخل نطمن
 عليها عشان ناخذها مع..... قاطع حديثه صوت جواله الخاص به.
 رحيم: الووو
 عمر: انت فين يا رحيم انا روحتك السرايا وقالولي مش موجود
 رحيم: انا في المستشفى
 عمر: خير مالك
 رحيم: انا بخير ابقى اقولك بعدين
 عمر: طب اقبالك فين
 رحيم: اسبقني علي المزرعه عشان تكشف علي البهايم وانا هحصلك مسافة السكه
 عمر: خلاص تمام متأخرش
 رحيم: لا مش هتأخر.
 رحيم: عماد
 عماد: نعم ياخوي
 رحيم: انا لازم امشي دلوقتي هروح المزرعه عشان الدكتور عمر هناك وابقا انت
 خلص باقي الاجراءات بتاعت المستشفى والدكتور سمح ان ناخذ مريم معانا.. يلا
 همشي عاد ولو عوزة حاجه رن عليا

عماد: تمام ياخوى.
(رحيم غادر المستشفى بدون ان يرا مريم)

مروه: نفسي اعرف هي راحت فين الحربايه دي
عفاف: تقصدي مين عاد يامرت اخوي
مروه: اللي ما تسمى
عفاف: قصدك احلام
مروه: هي زفته.... انا نفسي اعرف هي بتروح فين
عفاف: طلعيها من دماغك يامرت اخوي... دي شرانيه
مروه: شرانيه على نفسها..... انا مش هرتاح ولا يهدالي بال الا ما اعرف هي بتروح
فين كل ليلة وتختفي فجأه

احلام: وانا مش هخليك ترتاح
خليل: ليه عاد يا حبيبيتي
احلام: قولتلك موضوع ان اطلق من جابر عشان اتجوزك ده صعب ومش وقته خالص
خليل: يعنى انتى كنتى بتضحكي عليا عاد... ومفهماني انك بتحبيني
احلام: انا بحبك وانت عارف كده كويس... ولا انت مش عارف احنا بنعمل ايه
خليل: لا مش عارف
احلام: يا عبيط.... انا كرهت جابر.. وعيزاك انت... واكبر دليل على كلامى ان مش
بخليه يلمسنى... وكل ليله جسمي بيكون تحت امرك.. ولا دي كمان هتكرها
خليل: مش هنكر... بس ليه منتجوزش دلوقتي
احلام: صعب يا خليل.... انا ماينفعلش اطلق غير لما اكون ضمننت حقي في الثروه اللي
عايش فيها العمده... الثروه دي لازم تكون ملكى انا... انا وبس
خليل: اه يابيت الشياطين وانا اللي كنت فاكرك ساهله... طلعتى انتى اللي بتعلمى
الشیطان في مدرستك..... يلا عاد قومي ارقصي بالقميص الأسود اللي جايهولك من
مصر مخصوص هيبقي حلو عليكى قومي يلا.. عايزك تتسيني هموم الدنيا الليله

في سرايا العمده حامد المصري
لوجين: حمد الله على سلامتک يا قمر
مريم: الله يسلمك يا لوجين
ساره: انتى اتكتبتك عمر جديد

زينه:الف سلامه عليكي يامر يوم...
 مریم:الله يسلمك يازينه

لوچين:انا ماكنتش فاكراه ان بحبك اوى كده...انا كنت هموت من الخوف عليكي
 مریم:انا آخر حاجه فكارها ان كنت بقراً في كتب رحيم وبعدها محستش بنفسي..ممكن
 تحكولى ايه اللى حصل

رحيم:بس ياسيدي ادي كل اللى حصل
 عمر:طول عمرك راجل شهم يارحيم...لكن قولى انت تعرفها
 رحيم:لا...ولا شوفتها حتى
 عمر:يعنى انت لا شوفتها ولا تعرفها وكنت هتموت نفسك علشانها

مریم:مايعرفنيش ولا شافنى ولا اتكلم معايا قبل كده ويعمل معايا الموقف ده..يضحي
 بحياته علشاني علشان واحده ميعرفهاش...ده كان ممكن يموت فيها بالوچين...

رحيم:حياتي فداها ياعمر...مش شرط ان اعرفها قبل كده علشان انقذ حياتها من
 الموت...الإنسانيه ملهاش شروط ولا ليها وقت معين...انا كل اللى اعرفه ان الإنسانيه
 هي الوسيله المباشره بين العبد ورب الرحمه؛
 عمر:ايوه معاك في كل اللى انت بتقوله ده..بس متنساش ان الدكتور حظرك يعنى
 محاوله زى دي كان فيها خطر على حياتك ولا قدر الله كان ممكن تموت فيها

لوچين:بعد الشر...تقي من بوقك يامر يم انتى هتقولى على ابن خالى...
 مریم:ربنا يطول في عمره ومايحرمكمش منه ابدًا...انا الجميل ده هفضل فكاره لحد ما
 اقابل ربنا

رحيم:واهلا بالقاء ان كان مع الله...طب بزمتك وانا عايز ايه تانى اكثر من ان
 اموت وانا ضميري مستريح...مش احسن ان هي تموت وانا افضل عايش طول
 عمري بتأنيب الضمير والشعور بالذنب..عارف ياعمر لو كان ده هو اللى حصل انا
 عمري ماكنت هسامح نفسي لحظه واحده بعد كده.
 عمر:يلا ياعم الحمد لله ان انت وهى بخير
 رحيم:الحمد لله...المهم طمنى كشفت على البهايم

عمر: متقلتش يارحيم دى سخونيه عشان ارتقاع درجة الحرارة يعنى حاجه بسيطه
 كلها يوم ولا يومين ويرجعوا ياكلوا ويشربوا زى الأول بس دلوقتي نسبة الاكل
 هتكون قليله وده الطبيعي بس بعد كده كله هيبقا تمام
 رحيم: مش عارف اشكرك ازاي يا عمر
 عمر: عيب عليك متقولش كده احنا اخوات
 رحيم: حيث كده يلا بينا يا صديقي على السرايا عشان تحضر المولد معانا
 عمر: حاضر بس اروح البيت اغير خلاتي واحصلك
 رحيم: تمام.... وانا هسبقتك على السرايا... اريح شويه

زينه: طب ممكن ياست لوچين انتى وساره تبطلوا رغي شويه وتسيبوا مريم تستريح
 شويه

لوچين: اوك... يلا يساره افرجك على... يقاطع حديثها دخول غاده وحنان ومنى.
 غاده: الف سلامة عليكى ياست البنات
 مريم: الله يسلمك يا غاده
 حنان: الف سلامة عليكى
 مريم: الله يسلمك يا حنان
 منى: الف سلامة عليكى... دى عين وصابتك
 مريم: الله ياسلمك يا منى... شكرا بجد على وقفتم جنبى... قاطع حديثها دخول عفاف.
 عفاف: انتم هنا وانا بدور عليكم... يلا بينات سيبوا مريم تستريح...
 زينه: والله بقولهم كده ياعمتو... بقولك ايه ياعمتو مش هو انه ارده المولد... والمولد
 ده مفروود نفرح فيه... انا باه عايزه افرح عايزه ارقص
 عفاف: بس وبس يلا بينا... يلا بينات كلنا هنرقص

احلام: اه تعبت من كتر الرقص

خليل: تعالى جنبى يا جميل

احلام: عيزاك في موضوع

خليل: مش وقته دلوقتي... المهم انتى الليله دى ليا

(اخذ خليل يقبل احلام ولكنها رفضت)

احلام: لا لا...

خليل: ليه عاد... ما كنا حلوين... ولا هى اول مره يعنى... ما احنا كل يوم بنعمل اكده
 احلام: لا يحلو... من انه ارده ورايح مش هتلمسني تاني... الا لما تتفذللى هطلبه منك

خليل: وايه طلبك عاد
 احلام: عيزاك تقتل
 خليل: ومالو اقتل... عيزاني اقتل كام مليون
 احلام: لا مش مليون.... هو واحد بس
 خليل: ومين ده اللي شاغلك وعايزه تخلصي منه
 احلام: رحيم
 خليل: بخوف: رحيم
 احلام: مالك ياسبع الرجال.. خوفت ولا ايه
 خليل: ما خوفتش... بس ده رحيم وانت عارفه يعنى ايه رحيم كويس.. يعنى لو فشلت
 ان اقتله... قولي علينا انا وانتى يارحمن يارحيم
 احلام: خلاص... اشوف غيرك معطلكش
 خليل: استتي بس.... انا موافق بس ده تمنه غالي
 احلام: قصدك نتجوز
 خليل: لا
 احلام: امال ايه بأه
 خليل: مليون اجنيه
 احلام: بس ده كثير اوي
 خليل: مش كثير على حرم جابر ابن العمده حامد المصري.. مليون اجنيه بنسباليهم نقطه
 في بحر
 احلام: ماشي... بس تخلصني منه الليله
 خليل: وحياتك هتسمعي خبره الليله

في سرايا العمده حامد المصري
 الجميع في السرايا في حاله من الفرح والرقص والغناء من الراجل والنساء... وفي
 لحظه ما.... كف الجميع عن الرقص والغناء لدخول رحيم بهيبته ونظرته الحاده.. كأن
 النساء وقع في قلوبهم الرعب من جلال هيبته.
 رحيم: السلام عليكم
 الجميع: وعليكم السلام ورحمة الله وبركاته
 العمده: ايه عوقت اكده ياولدي... زمان الناس على وصول
 رحيم: كنت في المزرعه انا والدكتور عمر
 العمده: طب طمنى ياولدى قلك ايه

رحيم:اطمن يا جدي كل تمام
العمده:طب ليه يا ولدي ما جببتش الدكتور عمر يحضر المولد ويتعشا معانا
رحيم:قولتلو يا جدي وهو زمانه على وصول دلوقتي

(غاده تهمس في اذن عفاف:ابسط يا عم اهو حبيب القلب جاي هنا
عفاف:بس يابت وطي حسك هتقضحينا)

رحيم يوجة حديثه لساره:هي الأنته مريم عامله اية دلوقتي
ساره:الحمد لله بخير احسن من الأول
خالد:رحيم

رحيم:نعم يا خالد بيه
خالد:عايز اركب المراجيح عندكم
رحيم:بس وبس نركبك المراجيح يا خالد بيه... انا هروح اغير خلقاتي واخذك معانا

المولد

في مولد سيدي ابو الحجاج في محافظة الأقصر في جو يسوده الفرح والسرور وكانت
الألفة والمحبه تحف كل الحاضرين بجميع اطيافهم وقد جئوا من شتى محافظات
مصر لحضور هذا اليوم الطيب الطاهر الذي يذكر فيه اسم الله حتى طلوع الفجر
الثاني مع سماع حفالات الذكر والمديح....وعلى الجانب الآخر يوجد ملاهي بشتى
انواعها...ويعد هذا اليوم منتظر اهل الصعيد عامه واهل الأقصر خاصة لأنه يعد
بمناسبة عيد عندهم.

رحيم:ها اتبسط يا عم خالد

خالد:اوي اوي

صالح:تعالى منك ليه يلا

عماد:على فين اكده ياود عمي

صالح:على الراجل بتاع البومب

ياسر:هههه على اساس بتقوز ياخي....ما انت كل مره بتخسر

صالح:لاه...النوبادي مش هخسر وانا اللي هفوز عليكم واحد واحد

يوسف:لساتك ياخوي قاعد على امل انك تقوز

صالح:خبار امال كلكم عمالين تتمقلتو عليا....طب عليا اليمين لا فرجكم الليله هعمل

ايه

عفاف: تعالي بس قبل ما حد يشوفنا
 غاده: واخذاني على ملئ وشي ورايحه بيا على فين
 عفاف: هوريكي الدكتور
 غاده: طب هنشوفه كيف وسط الزحمة دي ساحة السرايا كلها رجاله
 عفاف: من الشباك عندي في الأوضة يلا
 غاده: طب يلا بسرعه قبل ما حد ياخذ بالو
 عفاف: اهو شيفاه
 غاده: فين ده انا شايفه ناس كثير يا عمتي
 عفاف: اللي قاعد جنب رحيم اهو
 غاده: ايوه شوفته... ده قمر قوي يا عمتي
 عفاف: اتحشمي يابيت
 غاده: ههههه... ايه انتي بتغيري عليه ولا ايه
 عفاف: بس عاد كلامك الماسخ ده... تصدقي انا غلطانه ان قولتلك على حاجه
 غاده: انا بهزر معاكي يا عمتي... ربنا يجعله من نصيبك يارب.

(ومن نافذة آخر تطل لوجين وزينه وساره)
 ساره: الله اليوم ده انا عمري ما هنساه في حياتي فعلا يوم من العمر زي ما بيقلو
 لوجين: لأ ولسه لما تشوفي رحيم هو وراكب الحصان وبيرقص على صوت المزمار
 حاجه تخطف العقل
 زينه: امممم ومين يشهد لحبيب القلب
 لوجين: بس يارخمه
 ساره: اهو ركب الحصان اهو.

(وعلى الجانب الآخر توجد حنان وسهير)
 سهير: خيال من يومك يا ولدي
 حنان: قولي ماشاء الله يامرت عمي
 سهير: خايفه عليه يا حنان
 حنان: طبعا مش ود عمي لازم اخاف عليه
 سهير: عشان ود عمك ولا حاجه تاني
 حنان: يوه... حاجة تاني كيف يعني
 سهير: انا عارفه عاد... ومال وشك احمر اكده ليه... مكسوفه اياك

حنان: وهتكسف من ايه عاد

سهير: انتي بتحبيه

حنان: ايوه بحبه يامرت عمي... ونفسي اتجوزه و عيش خدامه تحت رجليه واخده في

حضني

سهير: اتحشمي يابت

(تتظر حنان في عيون سهير بعد هذه الكلمه حتى اصابهم الضحك)

حنان: يوه يامرت عمي مش بحكيك اللي جواي

سهير: يا حبيبتي... تعالي في حضني... ربنا يجعله من نصيبك يا حنان

حنان: مش باين يامرت عمي

سهير: ماتقوليش اكده... ان شاء الله هيبقى من نصيبك... ربنا يسعدك يابنيتي

(لازالت مريم تقرأ في كتاب رحيم حتى اوقفتها فقره في الكتاب وكان مكتوبا فيها
الآتي: وهبة نفسي لإسعاد الآخرين فإن نصف جمال الدنيا في اسعاد الآخرين وانا اخذة
عهدا على نفسي ان اسعى جاهدا في ارضاء واسعاد الآخرين حتى لو كان ثمن ذلك
روحي ودمي ومالي واعلم جيدا عزيزي القارئ لو سمعت عني ان قد توقفت عن عمل
الخير والسعي في ارضاء واسعاد الآخرين فاعلم بأنني قد فارقت دنيا الناس وان الله
اخذ امانته.

*وهنا مريم بعدما انتهت من قراءة هذه الكلمات سمعت بعقبها صوت الرصاص الذي
اطلقه خليل والذي اصاب رحيم وجعله يسقط على الأرض وعقب اطلاقه الرصاص
فرا خليل هاربا وسط الزحام ولم يتمكن احد من الألاحق به وبدون ان يتعرف عليه
احد.

في مستشفى الأقصر الدولي

في غرفة العمليات وينتظر الجميع خروج الطبيب المعالج؛

سهير ام رحيم في حاله من الانهيار والبكاء وكذلك اخوته وابناء عمه وجدته ووالده

.....

الجميع قد فقد صوابه القلوب ترجف وتتمزق والدموع تنهمر والروح تكاد أن تتخطفها
الطير والعقول تشرذ نحو مستقبل وحياه بدون رحيم.

سهير بدموع: كان مستخبيك فين ده كله يا ولدي... ااه ياولدى يا حبيبتي ياولدي

ياسر بدموع: ااه لو اعرف مين اللي عمل اكده لقرقشو بسنانى.

(الجميع على اعصابهم ويتقلبون على جمر الغضى منهم من ينوح ومنهم من اعتلاه
الغضب وفكرة الانتقام ومنهم من اعتلاه الشك في فاعل الجريمة ومنهم من يجلس
مره ويقف مره ومنهم من يتجول في طرقات المستشفى يفكر ومنهم من هو صامت
من شدة الصدمه الموجهه وفي لحظه ما خرج الطبيب المعالج ولتف الجميع حوله
العمده: طمنى يادكتور
الطبيب: اطمنوا الحاله مستقره والحمد لله بفضل ربنا لحقنا الحاله على آخر لحظه
ولكن هو هيفضل هنا علشان مايحصلش اي خطر عليه والجرح لسه جديد
سهير: انا عايزه اشوف ولدي
الطبيب: انا اسف ممنوع
عبدالعزيز: طب ولدي بخير يادكتور هيعيش
الطبيب: اطمن ابنك بخير بس مش هينفع حد يشوفه دلوقتي
عماد: طبيب يادكتور امتى نقدر نشوفه
الطبيب: مش دلوقتي خالص المريض محتاج راحه تامه وممنوع أن يتكلم والا يبقى
خطر عليه فا بعد اذنكم وجودكم هنا مالوش اي لازمه وانا زي ما قولتكم هو هيفضل
هنا تحت عنينا بس ف..... ويقاطع كلامه دخول ضابط الشرطه
ضابط الشرطه يوجه حديثه لطبيب: ممكن اخذ أقوال المجنى عليه
الطبيب: مع كل اسف المريض في حاله من التخدير حاليا وصعب حضرتك تاخذ
أقواله
ضابط الشرطه يوجه حديثه للعمده: تعرف مين اللي قتل المجنى عليه
العمده: ماخبرش يابيه
ضابط الشرطه: طب هو ليه اعداء
العمده: مالوش اعداء يابيه... رحيم ده الناس كلياتها بتحبه وسأل عليه أهل البلد
ضابط الشرطه: طب بتشك في حد معين او ليه مصلحه من قتل رحيم
العمده: لا يابيه
ضابط الشرطه: طبيب ياعمده ابقى عدى عليا بكره عشان نكمل باقي الاجراءات ولو
فى اى حاجه بلغني... بعد اذنكم
العمده: تمام يا بيه
ياسر: انت ليه عملت اكده يا جدي وانا متأكد ان اللى عملها عيله زهران
العمده: بزيديك عاد انا مش ناقص حديث فارغ احنا مانقدرش نتهم حد يا ولدي
ياسر: طب تقدر تقولى ليه ماجوشي المولد عندنا وانت عزمهم

العمده:كل واحد وليه عزره ومش عايزين نفتح في القديم عاد عشان مانفتحش علينا
بحور دم ماليها اول من اخر
العمده:يلا بينا اقعادنا هناتي مالوش عازره واصل
سهير بدموع:انا مش هتحرك من هنا وسيب ولدي
العمده بدموع:الله الامر من قبل ومن بعد

مروه:بزيدياك بكى عاد ياولدي
ياسر بدموع:ماقدرش يماي ماقدرش واصل ده رحيم عارفه يعنى ايه... يعنى ود
عمي واخوي وابوي كمانى انا هولع في البلد كلياتها لو جراله حاجه ااه ااه يماي لو
اعرف مين عديم الشرف اللي عمل اكده
مروه:ربنا ينتقم من اللي عمل اكده...وخرب علينا فرحتنا
ياسر:انا الشك هيموتي يماي...بقيت اشك في اقرب الناس...نفسى اعرف اللي عمل
اكده هيستقاد ايه من قتل رحيم...طب رحيم عمره ماذى حد وديما بيساعد الناس
وبيسعى في الخير
مروه:كفياك عاد ياولدي ريح تفكيرك....ورتاح انت مانعستش من امبارح
ياسر:انعس كيف...وانا مش عارف مين اللي قتل ود عمي
مروه:طب قوم ياولدي غير خلاتك وتوضى وصلي ودعيله ربنا يقومه
بالسلامه...وسيبها على ربنا هو قادر على كل شئ

زينه:لسه برضك مش عايزه تاكلي
لوچين بدموع:ماليش نفس
زينه:اللى بتعمليه ده مش كويس علشانك انتى عايزه تموتى نفسك ولا ايه باه
لوچين بدموع وتتهيد:يازينه انا بحبه اوى... ووحشني اوى ونفسى اشوفه نفسى اخدو
في حضني انا هموت يازينه في قلبي نار نار ماحدث حاسس بيا
زينه:ان شاءالله هيبقى كويس ويرجع لينا بسلامه
لوچين بدموع:ليه يارب كده هي ليه الدنيا مستكتره عليا الحاجه الوحيده اللي حبيتها
في حياتي
زينه:مانقوليش كده واستغفري ربنا وان شاءالله هيرجع احسن من الاول
لوچين:استغفرالله العظيم يارب

مريم:كفايه عياط ياغاده ارحمي نفسك انتي كده هتتعبي

غاده:مش قادره....حاسه ان روجي بتروح مني
 مريم:ما تخفيش ان شاء هيرجعلكم بسلامه..ممکن بأه تاكلي عشان خاطري
 غاده:ماليش نفس يا مريم
 مريم:لا كده غلط ولازم تاكلي....طب عشان خاطر رحيم
 غاده بدموع:حاضر

حنان:طب عايزين يقتلوه ليه هو عمل ايه
 سهير:ربنا ينتقم منهم....يا عيني عليك يا ولدي حظك في الدنيا قليل...مالحقتش تتهنى
 بشبابك
 حنان بدموع:ماتقوليش اكده يامرت عمي...رحيم هيعيش وهيرجعلنا بسلامه....وربنا
 مش هيهملنا واصل
 سهير بدموع:مش قادره يا حنان....حاسه ان هموت لو حصل حاجة لرحيم
 حنان:بعد الشر عليكى وعليه....ان شاء الله هيرجع بسلامه وتفرحي بيه...وتشيلي
 عياله على يدك....قولي يارب ودعيلى

بعد مرور اسبوع

في سرايا العمدة حامد المصري
 مريم:ممکن اقعد جنبك
 غاده تبتم:تعالى يا مريم
 مريم:ليه قاعده لوحك....وماسكه العروسه دي وبتعيطي
 غاده:عشان فيها ريحة الغالي....جبهالي يوم المولد
 مريم:بس شكلها حلو...ممکن اخدها هديه...ولا فيها غلاسه مني
 غاده:ماتقوليش اكده...انتي لو طلبتي عنيا مش هتأخر.. عارفه يا مريم انا حبيبتك قوي
 قوي
 مريم:وانا كمان يادودو
 غاده:ونفسي كمانى تفضلي قاعده عندينا
 مريم:هههه يا خبر لا كده كتير والله انا حبيبتك وحببتكم كلكم وبجد انا مبسوطه ونفسي
 اكون معاكم بس ماما عارفه ان هأخذ اسبوع ورجع وكمان انا نفسي.....
 غاده:نفسك ايه....سكتي ليه
 مريم:بصراحه ما كنتش عايزه اسافر قبل ما اطمن على رحيم

غاده:طب وفيها ايه لو قعدتي كام يوم كمان لحد مايخرج رحيم من المستشفى
 مريم:ماهو...يقاطع حديثها صوت الجوال الخاص بها.

مريم:الووو

دلال:ايوه يامريم طمنيني عليكي يابنتي

مريم: الحمد لله يا ماما بخير

دلال:ايه مش ناويه ترجعي بأه كل ده في الصعيد ولا الصعيد عجبك... انا قلقانه

عليكي اوي

مريم:هههه اطمنى يا حبيبتي انا بخير اطمنى انتى

دلال:طب يلا ارجعى بأه كفايه....انتى وحشتيني

مريم:حاضر يا ماما

دلال:طيب ياحبيبتي تيجي بسلامه.

غاده:مالك يامريم فى ايه ليه وشك اتغير اكده فى حاجه زعلتك

مريم:ماما عيزانى ارجع

غاده:وطبعاً زعلانه انك هترجعى ولسه ماشوفتيش رحيم ولا حتى اطمنتى عليه

صوح

مريم:بصراحه اه

غاده تحتضن مريم:ياحبيبتي ان شاءالله رحيم هيبقى بخير انا الود ودي ماهملكشي

اتسافرى واصل لكن امك ليها حق عليكي... سافري واطمنى وانا هبقى اطمنك عليه

بالتليفون

مريم:هتوحشيني اوى يا دودو

غاده:وانتى كماني

اسكندريه

مريم:ادخل

دلال:الله انتى مش هتاكلى معايا ولا ايه

مريم:ماليش نفس يا ماما

دلال:لا مهو لازم تقوليلى فيكى ايه انتى من يوم ما رجعتى من الصعيد وانتي متغيره

كل ما اقولك تاكلى تقولى ماليش نفس وديما قاعده لوحداك وماسكه العروسه دي

والكتاب دوت طول اليوم ولا بتنزلى مع صحباتك ولاحتى بتردى علي حد وديما

سرحانه فيه يابنتى مالك فيكى ايه احكيلى

مریم: مافیش یا ماما تعبانہ شویہ
 دلال: لا فیہ ولازم تحکی انتی بنتی وانا عرفاکی کویس..ولا هتخبی علی ماما
 مریم:بصراحه یاماما فی موضوع کده شاغلنی شویہ
 دلال:خیر...اتکلمی
 مریم:بصی یاستی
 (واخذت مریم تقص علی دلال ماحدث معها فی رحلة الصعید ومافعله رحیم وما
 حدث معه)
 دلال: یاااااه کل ده حصل.. انا لازم اکلمه واشکره بنفسی فعلا راجل بجد.. وربنا
 یطمن اهلہ علیہ یارب ویقومہ بسلامہ.... طیب یاستی ممکن تقومی تاکی باہ
 مریم: حاضر یا ماما

بعد مرور اسبوع

تم خروج رحیم من المستشفى

یاسر: لکن انت بتشک فی حد معین یارحیم
 رحیم: کل حاجه هتبان یاود عمی مش عایزک تقلق واصل
 یاسر: ازای مقلقشی عاد یاود عمی العیار اللی ما یصیبش یدوش احنا ایہ اللی یضمننا
 ان اللی عمل اکده یعملها تانی
 رحیم: لا معیعملهاش تانی
 یاسر: تقصد ایہ یا واد عمی
 رحیم یفکر: بقولک ایہ یاود عمی
 یاسر:قول
 رحیم:تقدر توصلنی لأكبر تاجر سلاح عندینا فی البلد
 یاسر: تمام یاود عمی بس قولى هتعمل ایہ
 رحیم: بعدین یاود عمی بعدین قوم بینا نشوف شغلنا وبعد اکده هتقهم کل حاجه

یاسر: اتکشفتی یاحربایہ...کنتی عایزه تخلصی من ود عمی لجل ما تستولی علی
 کل حاجه...خلاص لعبتک اتکشفت
 احلام: وانت بأى حق تتهمنی ایہ دللیک
 رحیم: خلیل یامرت عمی عارفاه ولا ماتعرفهوشی

احلام بتوتر وخوف: خليل.. خليل مين انا معرفش حد بالاسم ده
(وهنا يظهر خليل مربوط الأيدي وعليه علامات الضرب)
خليل: كدابه يارحيم بيه هي اللي طلبت منى ان اخلص عليك عشان تعرف تتحكم في
الأرض والمزارع بعد ما تخلص منك
احلام: ماتصدق هوش يارحيم انا ماليش دعوه في اللي حصل
ياسر: مافيش داعي... خلاص انتي نهايتك قربت يامرت عمي...
رحيم: انتي كنتي عايزه تخلصي مني.... معنى اكده يا انا يا انتي... وانا زي ما تقولي
اكده زي العفريت اللي يحضرني وما يعرفش يصرفني.. بييقا يقول على نفسه يارحمن
يارحيم
(اخرج رحيم سلاحه الناري)
احلام: انت هتعمل ايه... سامحنى يارحيم... سبني اعيش وانا هفضل خدامه تحت
رجليك... مش عايزه اموت
رحيم: مافيش فايده... محمكة رحيم خلاص حكمت بموتك بيقا لازم تموتي
احلام: مش عايزه اموت مش عايزه اموت حرام عليكم
ام سعاد: اصحي ياست هانم... ياست احلام اصحي
احلام: خير اللهم اجعله خير
ام سعاد: صباح الخير ياست هانم
احلام: صباح النور يا ام سعاد هي الساعه كام
ام سعاد: احنا بقينا الضهر يلا علشان تتغدي
احلام: طيب روعي انتي دلوقتي
احلام تحدث نفسها: هتعملى ايه يا احلام لو رحيم عرف ان انتي وري قتلته... انا لازم
اشوفلى حل اخلص بيها من الكابوس اللي انا عايشه فيه ده... بس ازاي؟

رحيم: ايه رأيك عاد يادكتور في الشقه دي
عمر: ماشاء الله تبارك الله جميله قوي يارحيم
رحيم: يعنى عجبتك
عمر: هي حلوه... بس عجبانى انا ليه اشمعنا
رحيم: علشان دي هتبقى شقتك الجديده
عمر: برضو مش فاهم حاجه.. شقتي الجديده اللي هو ازاي يعنى

رحيم: انا افهمك بص عاد انت من هنا ورايح هتبقى واحد منينا وشقتك دي جاهزه مش ناقصه ايتها حاجه وكمانى هيبقالك مرتب ثابت كل شهر وشغلك هيكون في المزارع عندنا ايه قولك عاد

عمر: بس..... يقاطع حديثه رحيم

رحيم: مابسش عاد خلاص

عمر: مش عارف اقولك ايه يارحيم

رحيم: ماتقولش حاجه يصاحبى انت اخويا مش صاحبي وبس

عمر: ربنا يدوم المعروف يابن الأصول

مريم: ماما كنت عايزه اقولك علي حاجه بس من غير ما تزعلي

دلال: خير يا حبيبتى

مريم: بابا كلمنى وعايزنى اروح اقعد معاه

دلال بغضب: لا مش هسيبك تروحي انا ماصدقت ان شوفتك انا لسه مالحقتش اشبع منك

مريم: ياماما يا حبيبتى انتى لما بتطلبى اجى اقعد معاكى وبقول لبابا مش بيعترض... بابا شخص ديمقراطى وانتى عارفه كده وعمره مازعلنى ولا حتى شخط فىا علشان خاطرى يا ماما سببى اروح اقعد معاه كام يوم وهاجى تانى... زى ما حضرتك ليكى حق عليا هو كمان ليه حق عليا ماتخافيش يا ماما هما كام يوم وهرجع

دلال: طيب روجى وخلي بالك على نفسك... وماطوليش هناك

مريم تعانق دلال: ربنا يخليكى ليا يا احدى ماما فى الدنيا

مريم: ماما هو انتى لسه بتحبى بابا

دلال: بصراحه اه

مريم: طب ليه انفصلتو

دلال: انا وعادل كنا اجمل قصة حب... فى البدايه كنا متفقين ان هكمل فى دراستى

وشتغل.. وفجأه بعد الزواج خيرنى بينه وبين شغلي... فا كانت النتيجة زى ما انتى

شايفه.. بس انا عمرى مانسيت حبي ليه

مريم: وهو كمان لسه بيحبك

دلال: خلاص بأه مالوش لازمه الكلام ده دلوقتي... ويلا باه عشان تتغدي مع خالك

من امبارح بيسأل عليكى

مريم: حاضر يماما

في سرايا العمدة حامد المصري.. في المطبخ تحديدا.
 عفاف: الوكل دياتي لمين يا ام سعاد
 ام سعاد: رحيم بيه قلي جهزي وكل ووديه للدكتور عمر في استراحة المزرعة
 عفاف: اممممم قولتيلي طب انتي خلصتي عاد ولا لسه
 ام سعاد: ايوه خلصت ياست هانم والوكل جاهز
 عفاف: طب هاتي عاد انا هوديه وكملى شغل انتي هنا
 ام سعاد: مايصحش ياست هانم
 عفاف: اسمعي الكلام امال
 ام سعاد: حاضر ياست هانم

ياسر: اعمل حسابك علشان هنروح عند محروس
 رحيم: محروس مين؟
 ياسر: ده اكبر تاجر سلاح حدانا في البلد
 رحيم: اه تمام عفارم عليك ياود عمي.... اخر النهار نروح

اسكندريه في □ يلا رجل الأعمال عادل في غرفة مريم تحديدا
 عادل: جميلتي ممكن ادخل
 مريم: اتفضل يا بابا
 عادل: ايه ده كتاب ايه ده
 مريم: ده كتاب ابن خال واحده صحبتي لوجين ما انت عرفها
 عادل: اه... بس باين عليه مثقف
 مريم: دى كلمة مثقف قليله عليه يا بابا.. ده راجل ومحترم وشهم وجدع وكله هيبه..
 اصلا هو صعيدي يا بابا
 عادل: اه... لازم اما يكون فيه كل الصفات دى يبقى لازم يكون صعيدي.. وده بأه
 عرفنيه ازاي.. احم.. قصدى عرفتى ان هو جدع وشهم وراجل ازاي من الكتاب يعنى
 ولا ايه بالظبط مش تفهمي بابا حبيبك
 مريم: انا احكيك ياسيدي
 (أخذت مريم تروى كل ما تعرفه عن رحيم وما حدث منه ومعه)
 عادل: فعلا شخصيه غريبه وغامضه بس ده مايمنعش ان فى المقام الاول اعطى اكبر
 مثال للشهامه والرجوله والإنسانية كمان... انا لازم اشوفه واتكلم معاه وشكره على
 اللي عمله معاكى

مريم بصوت منخفض: وانا كمان نفسي اشوفه
 عادل: بتقولي حاجه ياعروستي
 مريم: ها لا ابدأ يا بابا... بقول طبعاً لازم تشوفه وتشكره
 عادل: هههه انتى قولتى كدا برضو عينك فى عينى
 مريم بكسوف: ومين يقدر يقاوم عيونك يا دولا ياعسل انت
 عادل: طيب ياغلابويه.. صحيح... طمئنى على مامتاك
 مريم: الحمد لله كويسه
 عادل: الحمد لله يارب ديما
 مريم: بقولك ايه يادولا
 عادل: قولى يا مريومي
 مريم: هو انت بتحب ماما
 عادل: ابقى كداب يابنتى لو قولتلك لا... ايوه بحبها
 مريم: بابا ممكن سؤال
 عادل: اسئلى ياستي
 مريم: هو ممكن الحب يحصل بين اتنين ماشفوش بعض بس حصلت ما بنهم حاجات
 عن بعد.. وفي عامل مشترك بنهم؟
 عادل: طبعاً.. اجمل حب فى الكون هو حب إلتقاء الارواح
 (واخذ عادل يتحدث عن الحب... حتى جعل مريم تشرد بخيالها فى عالم آخر)
 عادل: مريم... مريوم.. انتى يابنتي
 (أشار عادل بيديه امام وجهه و عيون مريم حتى تنتبه)
 مريم: ها كنت بتقول ايه
 عادل: بقول ايه... لا دا انتى مش هنا خالص طب انا هسيبك دلوقتي شكلك تعبانه
 ذهبت عفاف الى

استراحة المزرعه لكي تعطي الدكتور عمر الطعام ولكن لم تجد عمر بداخل
 الاستراحة.. ووضعت عفاف الطعام على المكتب الذي يوجد بداخل الأستراحة ثم
 ذهبت الى مكينه المياه التى توجد بجوار الأستراحة (مكينه المياه هى عباره عن مكينه
 لرفع منسوب المياه ويوجد اسفل منها حوض كبير مليئ بالمياه) وتجلس عفاف علي
 حافة الحوض وتضع يدها في المياه وفي هذه اللحظة جاء عمر ولكن كان حريص
 علي ألا تراه عفاف واخذ ينظر اليها من خلف شجرة وهى جالسه تتلاعب بالمياه حتى
 ان رآها سقطت في حوض المياه وكانت عفاف ترتدى عباءة سوداء واظهر الماء
 جمال جسدها الفتان حيث أظهر الماء بروز نهديها بدقه وتفاصيل قدميها وفخذيها بينما

هي كذلك اخذ عمر ينظر ويراقب ويتصعب عرقا حتى امسكت عفاف بالعباءة من الاسفل لكي تخلعها لتتنشفها حتى تستطيع ارتدائها مرة أخرى فرفعت عفاف العباءة من الأسفل حتى ظهرت قدميها البيضاء وفي هذه اللحظة أخرج عمر منديلا ينشف عرقه الذي يسكب منه بغزارة من جمال ما يرى ثم خلعت عفاف العباءة كاملة وكانت ترتدي أسفل منها قميص نوم اسود قصير وهنا ينظر عمر بتمعن اكثر ويعض على شفته السفلى من جمال عفاف الذي سحره وهو ينظر ويدقق في تقاطيع جسد عفاف الذي أصبح شبه عاريا امامه ينظر الى عينيها تارة و ينظر الى جمال شعرها تاره ويمعن النظر في بروز نهديها... حتى رجع إلى صوابه وانصرف بسرعه الى الاستراحة.

عفاف:ياحوستك السوده يا عفاف ياحوستك السوده يا عفاف اعمل ايه ياربي في المصيبة اللي انا فيها دي دلوقت يومك اسود يا عفاف لو شافوكى اهل البلد وانتى متغرقه أكده في الميه ياموري ياموري
(بعد مرور وقت ليس بقصير..اخذت عفاف ترتدي ثيابها مرة أخرى)
(ذهب عفاف إلى الاستراحة)
عفاف:عاجبك الوكل يادكتور
عمر:اه طبعاً عجبني متشكر قوى علي الوكل
عفاف:طب الحمد لله ان عجبك الوكل بألف هنا...طب اتعوز حاجه تانى يادكتور
عمر:لا متشكر ياست البنات..الا.. هو انتى اسمك ايه عاد
عفاف:اسمي عفاف
عمر:وتقربي ايه لرحيم
عفاف:انا عمت رحيم...اتعوز حاجه تانى
عمر:استنى...انا شوفتك وانتى عند حوض الميه
عفاف:وانت از اى تسمح لنفسك تبص عليا اصلا انت ماتعرفش انا بنت مين...انت انسان مش...يقاطع حديثها عمر
عمر:من غير ما تكلمي...انا عارف ان اللي عملته ده غلط بس والله انا غرضي شريف وعائز اتجوزك
عفاف:تتجوزنى
عمر:ايوه...من اول يوم شوفتك فيه وانتى مش مفارقه خيالى
عفاف:اللى غرضه شريف بيدخل البيت من بابيه مش يقعد يبص على بنات الناس

عمر: انا بحبك... وعائز اتجوزك على سنه الله ورسوله... وانا هفاتيح رحيم في الموضوع... بس قبل ما اكلم رحيم عائز اعرف رأيك الأول.. انتى عيزانى ولا لا (عفاف في حاله من الاستحياء والصمت)

عمر: ها قولتي ايه

عفاف: ما انا قولتلك... بص يابن الناس اللي بيحب حد وشريه يدخل البيت من بابيه مش هقولك اكثر من كده

عمر: يعنى موافقه.

عفاف: انا لازم امشي دلوقتي اتأخره...

عمر: هو صلك

عفاف: لا... انا عارفه سكتى

غاده: الوووو

يوسف: قلبي اتوحشتك قوي

غاده: ما انا قدامك كل يوم ياود عمي

يوسف: وايه يعنى.. براضو بتوحشيني... وانا بقا مش قادر استحمل اكثر من اكده

وعائز اتجوزك

غاده بإستحياء: وانا كمانى يا ود عمى

يوسف: وانتى كمان ايه؟

غاده: اتجوزك طبعاً

يوسف: خلاص انا هكلم رحيم الاول وشوف رأييه وبعد كداتى اتكلم مع عمي وجدي

ان شاء الله

غاده بفرح: بتتحدث صوح ياود عمي

يوسف: خبر ايه عاد هو لعب عيال ولا ايه ايوه صوح

غاده: بحبك قوى قوى قوى

يوسف: وانا كمانى

غاده: بقولك ايه عاد قبل م..... ويقاطع حديثها الانتظار على الجوال والطالب مريم.

غاده: طيب اقفل دلوكيت يا ود عمي عشان مريم علي الانتظار هكلمك بعدين عاد

سلام

غاده: الوووو

مريم: أيوه يادودو وحشتيني اوى اوى اوى

غاده: وانتى كمانى اتوحشتك قوى قوى قوى
 مريم: طمنينى عليكى وعلى العمده وعليكم كلكم
 غاده: الحمد لله كويسين وعال العال
 مريم: سلميلى على كل اللى عندك السلام امانه يادودو
 غاده: الله يسلمك يوصل
 مريم: طمنينى على رحيم هو عامل ايه دلوقتي
 غاده: الحمد لله بخير
 مريم: يعنى بقى كويس
 غاده: ايوه بقولك بقى كويس وخرج من المستشفى وبيشتغل كمانى
 مريم بفرح: بجد
 غاده: ايوه امال هكذب عليكى ليه عاد
 مريم: الحمد لله ان هو بخير.. انا كنت خايفه عليه اوى
 غاده: امممممم خايفه عليه
 مريم: قصدى خايفه يعنى ليكون حصلت حاجه وانا ماعرفش وكدا
 غاده: امممم ما انا عرفاكى عاد لما تحبى اتزوجى فى الكلام
 مريم: المهم وصلتلو الهديه اللى قولتلك عليها
 غاده: ايوه
 مريم: مش ممكن واخدها كدا عادى مقالش حاجه ولا اعترض
 غاده: ههه اسكتى ده كان يوم اسود عليا
 مريم: ازاي باه حصل ايه
 غاده: قولتله خذ الهدية دى من مريم قلى بمناسبة ايه عاد قلنتله يعنى عشان الموقف
 اللى عملتو علشانها لقيتو هب فى وشي وحمرة عينيه وشرار طالع من عينه وقلبي وهى
 فاكره الانسانيه بيدفع فيها فلوس اياك وهى تدهانى ابتاع ايه ها خطيبها ولا حبيبها
 اكون اياك وانا معرفشي بلاش كلام فارغ قولتلو ياخوى النبي قبل الهديه علشان
 خاطرى وخاطرها وخاطر النبي ماتكسر بقلبها هى البنيه نفسها تعمل المستحيل
 علشان ترد الجميل بس مش عارفه.. وبعدين النبي قبل الهديه ياخوى.. عشان خاطر
 النبي أقبل الهديه متبقاش بخيل وبعد مرار اخدها مني..
 مريم ياه ده صعب اوى.. بقولك ايه
 غاده: قولى
 مريم: هو رحيم حب حد قبل كده

غاده: معرفاشي بس كل اللي اعرفه ان مش بيحب البنات اصلا ومش بيطبق يسمع
سرتهم حتى.... بس ده مايمعشي ان رحيم راجل وحنين قوى قوى وكمان بيقول
كلام عن الحب...

مريم: اممممممم... اهو ده اللي مستغرباه في رحيم.. ان مألّف كتب وبيقول كلام فوق
الخيال في الروايات بتاعته وفي نفس الوقت انطوائي وغامض
غاده: ماشاء الله انتى عرفتى كل ده.. ده انا اللي اخته ماعرفش حاجه.. بس عندك حق
في كل كلمه قولتيها... انا مستغربه زيك.. بس اكيد في حاجه هو مخبيها احنا
منعرفهاش.
مريم: جايز

(ملحوظة الهديه كانت عباره عن سلسله علي شكل قلب صغير الجانب الاول مكتوب
عليه آية الكرسي والجانب الثاني مكتوب عليه اسم مريم)

رحيم: انت متأكد ان هنا مكان اللي اسمه محروس ده
ياسر: ايوه ياود عمي انا سألت عليه دلونى علي مكانه هنا وده مكان في كل يوم طبل
وزمر ورقص وغوازي وخمر يعنى اكيد هو ده مكانه متقلقشي من حاجه واصل ياود
عمي لكن مقولتليش انت عايز تاجر السلاح ده في ايه
رحيم: هتعرف بعدين بس يلا نشوفه الاول
(ياسر يسأل رجل من الماره)
ياسر: بقولك ايه ياود عمي ماتعرفش المعلم محروس فين
الرجل: المعلم محروس في الخيمه اللي فوشك طوالى
ياسر: متشكرين ياود عمي
(يدخل ياسر ورحيم علي محروس)
محروس: يامرحب يامرحب اتفضلو
رحيم: يزيد فضلك
محروس: طلباتكم ياعمد اي نوع اسلح اتحبو
رحيم: قناصه
محروس باستغراب: بس القناصه دي مافيش حد هناتي في الصعيد بيستخدمها
رحيم: ليه عاد
محروس: علشان انت عارف ان طلقه واحده يعنى ببيقا هتقتل بيه شخص واحد لان
زي ما انت عارف طبع الصعايده في القتل والتار بيستخدمو اللي يقتل مجموعه او

عاصم: وبتفكر في ايه ياعمى
العمده: خايف اموت قبل ما اظمن على رحيم واولاد عمه واخواته عايز اجوزهم قبل
ما اموت

عاصم: العمر الطويل ليك ياعمى ان شاءالله هتقترح بيهم وتجوزهم
العمده: انا خايف لرحيم يرفض لان هو مش ف دماغه فكرة الجواز واصل وانا مش
عايز اغصب عليه
عاصم: عندك حق ياعمى ده ود اختى وانا عارفه دماغه ناشفه

أحلام تجلس أمام المرآه وهى تفكر
أحلام تحدث نفسها:وبعدين بأه في الكابوس اللي مش هخلص منه ده...رحيم ذكي
ومش سهل...بس أنا مستغربه ليه لحد دلوقتي مش جايب أي سيره للموضوع ومش
بيتكلم مع حد فيه.....قاطع تفكيرها دخول جابر من خلفها بقبله سريعة مع حضن
من الخلف وكانت أحلام ترتدى قميص النوم الأحمر ثم وضع جابر يده على خصرها
بلطف..ثم حملها على ذراعيه ووضعها على الفراش.
جابر:اباااااي عاد كل مره أقرب منك فيها اتعكرى عليا الليله في أيه يابت البندر
أحلام بتتعب مصطنع:تعبانه شويه يا جابر
جابر بغضب:طب وأنا ذنبي أيه عاد دى مابقتش عيشه
أحلام:وأنا أعملك أيه تعبانه الدنيا ماخربتش يعنى الله
جابر:طيب يابت البندر لما أشوف آخرتها معاكي أيه

مرعي:يارحيم بيه أدى كل الحسابات بتاعت المحصول الأخير
رحيم:تمام روح أنت المزرعه دلوقتي شوف الدكتور عمر يمكن يعوز حاجه ولو في
حاجه كلمنى
مرعي:تمام يابيه
ياسر:لكن ماقولتليش إنك عايز تشتري سلاح
رحيم:أنا مش عايز أشترى ولا حاجه
ياسر:أمال أيه اللي قولته دياتى للمهوى اللي أسمه محروس ده
رحيم:ههههه يخرب مظنك ياود عمي... أفهمنى ياود عمي التقرير اللي طلع بتاع
النيابه قال أن نوع السلاح اللي اضرب منه كان سلاح قناصه فا أنا كنت عايز أعرف

مين اللى ممكن يكون بيعرف يتعامل مع السلاح ده لأن سلاح مش اى حد يمسكه أو يستخدمه لازم يكون خبره

ياسر: طب أديك عرفت.... إن اللى أسمه خليل هو اللى معاه السلاح ده دلوكيت رحيم: مش معنى أكده إن هو يكون عملها كل الاحتمالات وارده يمكن مش هو وممكن هو وممكن يكون يعرف مين اللى عملها وممكن يكون هو مالوش مصلحه في قتلى لكن في حد حرضه علي قتلى فا أنا ماقدرش أتأكد إن هو اللى ضرب عليا النار ياسر: طب و خليل دياتى هتعمل أيه معاه ولا هتقابله ازاي

رحيم: ما هي دي المشكله

ياسر: خلاص ارحلو انا وانت

رحيم: طب افتردنا ان هو اللى ضرب عليا النار بيقا انا رحلتو برجلي عشان يقتلنى وسعتها مش هياخد ساعه فيا مش اكده واصل ياود عمى انا مش شاغلى الانتقام لان الانتقام سهل جدا

ياسر: امال ايه عاد اللى شاغلك

رحيم: اللى شاغلى مين المستفيد من قتلى

ياسر: اكيد عيله زهران

رحيم: لا ياود عمى عيله زهران مالهمش صالح بقتلى وبعدين لو هما عايزين يقتلوني كان قتلوني وش لوش لان هما مش اضعاف ولا قليلين ومش طبعنا ولا عوايدنا في الصعيد ان ناجر حد عشان يقتل مافيش صعيدى يعمل أكده احنا الواحد فينا بيفتخر ان قتل

ياسر: امال مين عاد... بتشك في حد

رحيم: بص اللى عمل أكدا لازم يكون موجود فيه حاجتين اتنين... لازم يكون مستفيد من قتلى... والحاجه الثانيه مياجرش حد عشان يقتلنى غير مايكون هو مكسور ومش قادر يواجهنى وماعدوش القدره علي قتلى... اللى عمل أكده حد يعرفني قوى وليه مصلحه في قتلى

ياسر: طب قولى ياود عمى انت بتشك في مين

رحيم: متستعجلشى كل وقت وليه ادا ان ياود عمى

ياسر: طب فهمنى دماغك فيها ايه ياود عمى وبع..... يقاطع حديثه رحيم

رحيم: قولتلك متستعجلشى ياود عمى متقلشى مخك معاي... طب اسمعنى

كويس... احنا دلوكيت معانا العنوان بتاع خليل ده.... عايزك تراقب كل تحركاته من

غير مايحس بيك عايزك تعرف كل حاجه عنه

ياسر: اعتبره حصل ياود عمى

عفاف: ومش عارفه انا اتكلمت معاه بالطريقه دى كيف
 غاده: اللي عملتیه ده هو الصوح يا عمتى... ولو هو شاريكى وعايزك بيقا يا جى ويطلب
 يدك من جدى
 عفاف: هو قلى ان هيكلم رحيم الأول وبعد أكده هيكلم جدك
 غاده: لما نشوف

مرعى: وبعد اكده اعمل ايه يادكتور
 عمر: عايزك تعزل الأبقار المحقونه لوحدها عشان نتابع فترة الحمل وخلقى بالك
 من... يقاطع حديثه اقتراب رحيم.
 رحيم: السلام عليكم
 عمر ومرعى: وعليكم السلام ورحمة الله وبركاته
 عمر: اهلا اهلا المزرحه نورت
 رحيم: كيفك يادكتور مبسوط معانا
 عمر: اكيد طبعا يا صديقي
 رحيم: طب الحمد لله
 عمر: رحيم عايز اتكلم معاك في موضوع
 رحيم: خير يا عمر
 عمر: خير ان شاء الله
 رحيم: طيب روح انت يا مرعى دلوقتى شوف شغلك
 مرعى: أوامر جنابك
 رحيم: ها عايزنى في ايه بقا
 عمر: طبعا انت عارف ان انا ماليش حد في الدنيا دى غيرك بعد وفاة ابوى وامى وان
 طول حياتى عايش وحيد وانت عارف ان الواحد منينا محتاج زوجه يكمل معاها
 حياته فا انا يا رحيم عايز اكمل نص دينى وعايز اتجوز
 رحيم: ده اجمل خبر سمعته في حياتى... انت شاور على اى واحده وانا
 اجوز هالك... لكن ماقولتليش عايز تجوز مين عاد
 عمر: عمته عفاف... انا مش هلاقي احسن من بنت العمده حامد المصري تكون
 شريكة حياتى... ده طبعا بعد رأيك لو وافقت.

رحيم: انا عن نفسي ما عنديش مانع... انا هلاقي فين راجل يصون عمتي ويخاف عليها
اكثر منك يا صديقي.. بس القرار الأول والأخير لجدي ولصاحبة الشأن... انا هاخذ رأى
عمتي.. لو وافقت هكلم جدى وحدد معاه معاد تاجى تقابله.. وربنا يقدم اللي فيه الخير

ياسر: ها عملت ايه يا ابو الليل
ابو الليل: بكل تمام جنابك.. فضلت مراقب خليل زى ما قولتلي.. وعرفت كل حاجه عنه
ياسر: وعرفت ايه عن المخفي ده
ابو الليل: لما سألت عليه عرفت ان عايش في بيت لوحده وما حدش يعرف هو من
فين... كل اللي اعرفه ان هو دخل البلد من زمان اشترى البيت اللي في اخر البلد اللي
على الترعه الغربيه ومعاه محل عطاره... بس ده اللي في الظاهر للناس.. ان بيقف في
المحل.. لكن هو بيبيع حشيش للشباب في المدارس وفي الموالد وبيقولو ان خليل ده
كان مسجون قبل اكده وبيقولو كمان ان قاتل محترف الطلقه منه مات هوفش ابدًا.
ياسر: طب مات هوفش ليه اصحاب.. او اى حد بيزوره
ابو الليل: مالوش اصحاب... بس.. يقاطع حديثه ياسر
ياسر: بس ايه انطق
ابو الليل: ما فيش حد بيزوره في البيت غير حرمه بتاجى عنده على فترات وبيقولو ان
بينام معاه في الحرام
ياسر: و الحرمه دى من بلدنا ولا غريبه
ابو الليل: من بلدنا
ياسر: طب متعرفهاش تبقا مين ومن عيله مين؟
(ابو الليل في حاله من الصمت)
ياسر: انطق ياود المحروق انت
ابو الليل: الحرمه دى تبقا مرت عمك جابر
ياسر: ايه انت بتقول ايه
ابو الليل: زى ما بقولك اكده

في سرايا العمده حامد المصري
رحيم: وعمر ده صاحبي وانا اعرف عنه كل حاجه
العمده: انا عن نفسي موافق.. عمر راجل زين وما يتعيبش وراجل يعرف ربنا... ها
قولتى ايه يعفاف يا بنيتي
عفاف: باستحياء: القول قولك يا بوي

العمده: على بركة الله..
احلام: انا عن نفسي مش موافقه... هتناسب واحد ماتعرفش اصله وفصله... كل اللي نعرفه عنه ان دكتور
مروه: وانتى ماحدش طلب رأيك في الموضوع
العمده: لما الرجاله تتكلم النسوان تخرس...
احلام: انا قولت اقول رأي... عفاف دى زى اختى برضو
سهير: وفري رأيك لنفسك يا احلام واطلعى انتى منيها
احلام: خلاص كلكم مش طايقين كلمه ليا... انا مرات جابر يعنى انا بقيت واحده منكم... يقاطع حديثها دخول ياسر.
ياسر: لا مش واحده منينا ولا عمر ك هتبقى واحده منينا... عيله المصري مفهاش حرمه خاينه حرمه قلبها مليون طمع وحقد وغل وكل همها الفلوس..
جابر: انت ازاي بتكلم مرت عمك اكده
ياسر: انا اكلها اكده... وقطع رقبتها كمان
صالح: انت كذا اتجنيت عاد
ياسر: بس يا حليتها... لما تعرف امك عملت ايه مش هتتعرف تمشي في البلد تانى... الحربايه دى هي اللي ورا قتل رحيم ومش اكده وبس دى كمانى بتخون عمى مع الراجل اللي ضرب النار على رحيم.
(الجميع في حاله من الزهول)
مروه: ايوه كلام ولدى صوح انا كنت بشوفها كل ليله بتطلع من السرايا.. ويوم المولد خرجه من السرايا.
سهير: عايزه تموتى ولدى يا حربايه... انا لازم اشرب من دمك
(وهمت سهير بالطم احلام على وجنتيها)
العمده: بزيذاكى يابت اخوى... وانتى اسمعى اما اقولك من الليله ماشوفش وشك هنا..... جابر
جابر: نعم يابوى
العمده: طلق الحربايه دى دلوقتي
رحيم: لا لا يا جدى... هي كانت عايزه تقتلنى انا... وانا هعرف اخذ حقى بطرقتي
العمده: هي كلمه انا قولتها ومش عايز كلمه زياده
رحيم: لا... يا جدى اللي هتعمله ده اكبر غلط...
ياسر: كيف ياود عمى عايز اتسيب الحربايه دى عايشه وسطينا بعد كل اللي عملته
رحيم: ماحدش فيكم فكر هنقول ايه لأهل البلد لما يعرفو اللي حصل ده...

حسان: رحيم ود اخوى بيتكلم صوح...هنقول ايه لأهل البلد لما يعرفو ان مرت ابن العمده خاينه وكانت عايزه تقتل رحيم
 عبدالعزيز: مافيش حاجه بتستخبه في البلد ولازم من اهل البلد هيعرفو
 ياسر: وهتعلم ايه دلوقتي ياود عمي
 رحيم: العمل عمل ربنا...المهم دلوقتي نفرح بعمتى وبعد اكده تتعدل
 العمده: عين العقل..وعشان اكده انا مش هعارضك في اللي هتعمله مع الحربايه
 دى...وزي ما هنفرح بصاحبك عمر وعمتك عفاف لازم نفرح بيك
 رحيم: تقصد ايه يا جدي
 العمده: اقصد ان لازم انت واولاد عمك تكملوا نص دينكم والكل في ليله
 واحده....عايز اطمن عليكم قبل ما موت...وعشان اكده يوم الخميس هيكون فرحك
 على بنت عمك حنان ويوسف على غاده وعماد على زينه بنت عمته وصالح على
 منى وياسر على لوجين بنت عمته
 رحيم: بس انا مش عايز اتجوز دلوقتي
 العمده: هي كلمه ومش عايز كلمه زياده هتجوز بت عمك يعنى هتجوزها..
 (رحيم اعتلاه الغضب وذهب مسرعا نحو باب السرايا)
 ياسر: استتى يا ود عمي رايح علي فين دلوكيت
 رحيم: هملنى دلوكيت
 سهير: ياسر ألحق ود عمك
 (وذهب رحيم الى اسطبل الخيل ولحق به ياسر)

حنان في حالة من الانهيار.. والدموع تنهمر على وجنتيها
 سهير: بزيداكى عاد

حنان بدموع: رحيم مش عايزنى يامرت عمى...ده انا ما حبيتش غيره
 سهير: يا عبيطه انا عارفه ولدى رحيم كويس عمره ما يعصي كلمه لجدو بس اهدى
 انتى وكل حاجه هتبقى تمام انا هخليه يوافق
 حنان بدموع: حتى لو وافق ان يتجوزنى...هيبقى مغصوب على جوازته منى
 سهير: بعدين معاكى بقا يا عبيطه انتى...انا مش عايزه وجع قلب طب ايه قولك بقا انا
 مش عايزه غيرك تكونى مرت رحيم ولدى..ايه قولك عاد...بزيداكى عياط ارحمى
 نفسك.

حنان بدموع: خلاص يامرت عمي رحيم راح مني خلاص... مش هيوافق بعد ما عرف ان امي كانت هي اللي عايزه تقتله.. انا حظي اكده مافيش حاجه بتكلمى على خير.... انا هموت نفسي عشان ترتاحو مني
سهير: استغفري ربنا... وقومي اتوضي وصلي.. ودعى ربنا... وكل حاجه هتبقا تمام... وسيبي الموضوع ده ليا

في منتصف الليل

منى: الووو

صالح: ايوه يا بت عمى

منى: انا مبسوطه قوى قوى اخيرا هنتجوز

صالح: ان شاء الله يا قلبي ربنا يجعل ايامنا كلها افراح وسعاده

منى: بحبك يا واد عمي

صالح: الله طالعه من حنكك زى الشهد عارفه نفسي في ايه

منى: فى ايه عاد

صالح: نفسي في بوسه منك يا بت عمى

منى: اتحشم امال ياود عمي خبر ايه عاد

صالح: فيها ايه عاد مش هتبقى مرتي على سنة الله ورسوله

منى: لما نتجوز اعمل اللي تعمله ياود عمي انما دلوكيت لااه

صالح: ان شاء الله يا قلبي

يوسف: الوووو

غاده: ايوه يا يوسف

يوسف: حبيبتي قلبي لساتها صاحيه مانعستيش اياك

غاده: لااه مش عايزه انعس

يوسف: واهه كنك مش فرحانه عاد ان هنتجوز

غاده: لااهه ياود عمى فرحانه ومبسوطه كمانى

يوسف: امال مالك بس يا بت عمي

غاده: زعلانة على اخوى رحيم وعلى اللي عمله جدى معاه انهارد

يوسف: رحيم عاقل وان شاء الله جدى هيصفي ويحل الموضوع بس عايزك تفرحى

انهارده خلاص هنتجوز يابيت

غاده: افرح كيف وانا خايفه على اخوى يهملنا ويمشي

يوسف: ماتخفيش واصل ان شاءالله كل حاجه هترجع زى الاول واحسن كمانى بس
قولى يارب
غاده: يارب يارب ياود عمي

ياسر: كنت عارف ان هلاقبك قاعد هناتى
رحيم بدموع : ايه اللى جابك ياود عمي
ياسر: و اااه ماقدرش اسبيك واصل ياود عمي انا من غيرك مسواش انا عايش في
الدنيا دي عشانك ياود عمي انا اتعلمت منك كتير ولا يمكن اسبيك واصل
رحيم: ما خلاص ياود عمي ماعدش فيه فايده خلاص مش هتشوف وشي تاني
ياسر: و اااه وانا مش ههملك واصل ياود عمي.. افهمنى جدك خايف علينا وعايز
يطمن علينا هو الجواز حرام ولا ايه عاد
رحيم: حرام لما اكون مكره عليه وبعدين انا مش عايز اجوز بالطريقه دى جواز
الصعيد وجواز الصالونات مايخيلش عليا واصل
ياسر: بس دى عادتنا وتقاليدنا بتقول اكده ياود عمي ولا عايز بت عمك يخدها واحد
غريب
رحيم: طظ في العوايد والتقاليد بتاعكم دى اللى تخلى الانسان عبد عشان عوايد
وتقاليد... ياود عمي احنا نزلنا الارض احرار مش علشان حد يختار لينا مصيرنا احنا
عبيد ومصيرين لله وحده بس.. مش لعبد زيو زيينا... وبعدين انا اتعلمت ليه وسافرت
وتغربت عشان في الاخر اخذ واحدها مش بحبها ولا حتى قلبي اختارها لاااه كان
بلاها تعليم من اساسو لو كان اكده.. وبعدين بت عمي فيها ايه لو خدها الغريب ليه
هو الغريب ده مش انسان برضك زيينا وفيه قلب ويقدر يحميها ويصونها ما ترد عليا
ياود عمي يمكن كلامى غلط ولا بخرف
ياسر: عاقولك ايه عاد طول عمرى بقتت بكلامك دايمه كلامك هو الصوح بس قوم
معاي علشان نرجع السرايا ونشوف حل للموضوع ده
رحيم: لاااه مش هعاود ولو هعاود هيبقي علشان اسلم عليكم علشان هسافر
ياسر: اتسافر
رحيم: ايوه هسافر انا كلمت حسام وهنسافر

العمده يفكر ويحدث نفسه

العمده: اااااه ليه اكده يارحيم يا ولدى مكانشي لازم تعصاني ياولدى كان على عيني
 اللي عملته معاك أنا خايف عليك ياولدى انا رجلى والقبر وعايز اطمئن عليك عايز
 اخليك مستقر هناتي في البلد علشان متسافرش وتهمل مالنا وارضنا لكلااب السكك
 ينهشوا فيها كان لازم اعمل اكده معاك.. اااااه لو طاوعتني ياولدى كنت هخليك
 الكبير على عيله المصري يستتو كلمه منك.. اااااه ياولدى وجعت قلبي وكسرتني لما
 عصيتني ماكنتش مستنيها تاجي منك واصل ياغالي

حسام:الووو

رحيم: ايوه يا حسام

حسام: ايه جهزت الشنطه

رحيم: بجهز فيها... انت فين دلوكيت

حسام: انا على المحطة ومعايا تامر

رحيم: خلاص تمام نص ساعة واكون عندك

حسام: طيب ما تتأخرش احسن القطر يفوتنا

رحيم: تمام ماشي ان شاءالله مش هتأخر

سهير: بتلم خلاتك ورايح على فين يا ولدي

رحيم: هسافر يماي

سهير بدموع : هتسافر وتهملني ياولدى عايزنى اموت عاد

رحيم بدموع: بعد الشر عليك يغاليله

(رحيم يعانق سهير والدموع تنهمر من عينيه)

رحيم: هتوحشيني يماي (ويقبل يديها)

سهير: هتعاود تانى يا ولدى

رحيم: لو كان لينا نصيب يماي

احلام بخبث: الحمد لله ارتحنا منه والساحه فضية كلها ليا وليك يا حبيب قلبي بكره

وبعده ابوك يموت ونستولى على كل حاجه الأرض والمزارع

جابر: على الله ما يعاود تانى واصل

احلام: ماتخفش مش هيرجع تانى

جابر: وناويه تعملى ايه بعد اكده

أحلام: بعد كده دى عايزه ترتيب عشان نعرف نجيب ابوك على حجرنا بس أهم حاجة
 عيزاك راجل.. تقف جنبي
 جابر: وعيزانى اعمل ايه عاد
 أحلام: عيزاك تسمع كلامي وبس اوك يا بيبي
 جابر: اباى عليكى مخك سم
 أحلام: لازم كدا ومش هسمح بعد كده اى حد يتحكم في الثروه دى كلها غيرك يا بيبي
 جابر: بس ياسر قاعد وده هيبقي عقبه قدامنا
 أحلام بخبث: توتو ياسر مهما كان.. كلمه تجيبه وكلمه توديه اهم حاجه ارتخنا من
 رحيم أهو غار في داهيه وبعد كده هتشوف أحلام هتعمل ايه اتفرج عليا
 جابر: طب يالااا عايزك الليله تلبسي القميص الأحمر
 أحلام: هيهيهيهيهي عايز ايه ياشقي انت
 جابر: ها ها ها... ما انتى عارفه انا عايز منك ايه
 أحلام: هيهيهيهيهي الليلة بقى اعمل اللى تعمله خد منى اللى انت عايزه
 جابر: اموت فيكي لما تكون الدماغ معاكى عالية اهو اكده الكلام
 أحلام: طب انا هاخذ شاور وبعد كده اتفرج على أحلام الليله دى بزات هنسيك
 اسمك... رجعالك تانى يا بيبي
 جابر يحدث نفسه: خدي شاور يابت البندر... لما اشوف اخرتها معاكى... لحد دلوكيت
 مش قادر اصدق ان انتى تخونيني... بس ياولك لو كان كلام ياسر صوح... هى
 حصلت تخونى جابر اللى البلد كلياتها تخاف منه وتعمله ألف حساب... بس انا لازم
 اعرف الحقيقه الأول.

في منزل حسام

تامر: مالك يا رحيم انت زعلان عشان فاتنا القطر
 رحيم: مش عايز اقعد لحظة واحدة في البلد مش طابق اقعد فيها واصل
 تامر: روق يا صاحبي امال
 حسام: اتفضلوا الشاى بص منك ليه احنا هنبيت انهارده اهنه في بيتنا وبعد أكده نساقر
 ومجاتش من يوم ياعم رحيم
 رحيم: بس انا هروح السرايا نسيت حاجه هروح اجيبها واجي
 حسام: تمام وخلي بالك على نفسك
 رحيم: على الله

عبدالعزيز: مالك يام رحيم
 سهير بدموع: قلبي مقبوض قوى
 عبدالعزيز: خير ليه
 سهير: خايفه علي رحيم حاسه ان في حاجه حاصله معاه
 عبدالعزيز: متخافيش علي رحيم يعنى هو اول مره يسافر
 سهير: بس المره دى غير اى مره انا خايفه ان ميعاودش ليا تاني
 عبدالعزيز: لااااه هيعاود بس انتى متقلقيش واصل
 سهير: يا حبيبي يا ولدي عمرك ما تهنت.. طول عمرك شايل هم اكبر منك.. وعمرك
 ماشتكيت..
 عبدالعزيز: ولدك راجل يام رحيم

زينه: انت بتتكلم بجد
 عماد: امال بهزر يعنى... طبعا بتكلم جد... وجد الجد كمانى
 زينه بفرح: انا مش مصدقه نفسي... اخيرا وافق جدي على جوازنا
 عماد: صدقي يا حبيبي صدقي... خلاص هنتقي مرتي على سنه الله ورسوله
 زينه: انا مبسوطه اوى اوى... يقاطع حديثها دخول لوجين الغرفه.
 لوجين: وليه مبسوطه بأه... بتكلمي مين
 زينه: تعالى يا لوجين... ده ابن خالك عماد... جدى خلاص وافق على جوازنا انا و عماد
 لوجين: بجد الف مبروك يا حبيبي... هاتى بأه اما ابارك لعماد.
 لوجين: الف مبروك يا عماد وربنا يتم على خير ويسعدكم يارب
 عماد: الله يبارك فيكي يا بنت عمتي... وانتى كمانى مبروك على جوازك
 لوجين: جوازي؟
 عماد: ايوه جوازك... اصلا كلنا هنتجوز في ليله واحده
 لوجين: كلنا مين؟ مش فاهمه حاجه
 عماد: انا افهمك... جدك قال ان الكل لازم يتجوز في ليله واحده الدكتور عمر على
 عمتى عفاف وانا وزينه وصالح ومنى ويوسف وغاده ورحيم وحنان وانتى وياسر.
 (بعدها سمعت لوجين ماقله عماد اغشي عليها حتى سقطه على الأرض)
 زينه بخوف: لوجين... يماما الحقي لوجين

في سرايا العمده حامد المصري وفي مكتب رحيم تحديدا

اخذ رحيم ينظر الى كل ركن في مكتبه الذي حمل معه ذكريات كثيرة...وأخذ يتذكر ليالي سهره في هذا المكان الذي كان يكتب فيه الروايات...ويقرأ فيه العديد من الكتب...وبعدما اخذ رحيم ما قد تناساه قبل ذهابه الى محطة القطار...همّ لكي يرحل الى صديقه حسام....ولكن قبل ان يغادر مكتبه دخل عليه العمده حامد المصري.

العمده:لساك زعلان مني يارحيم

رحيم:انا عمري ما ازعل منك يااجدي

العمده:طب اسمعني زين ياولدي

رحيم:اتفضل يااجدي انا سامعك

العمده:انا جيت عليك كثير...بدون ما افكر في اللي عملته معاك صوح ولا غلط....انا

ظلمتك وانت صغير ومكانش في قلبي رحمه...ظلمتك ياولدى والكبر والسلطه والجاه

كانو السبب..يقاطع حديثه رحيم

رحيم:انت بتقول ايه يااجدي انا مش فاهم حاجه

العمده:ما تقاطعنيش ياولدى...ومش لازم تفهم كل حاجه دلوكيت

انا زى ما قولتلك ان محققك وانا عشت طول عمري اكفر على اللي عملته معاك بس

برضك كنت دايم بحس بذنوب...وانهارده كنت هرتكب نفس الغلط لما جبرتك انك

تتجوز بت عمك..لكن صدقني ياولدي انا عايز اطمئن عليك قبل ما موت

رحيم:بعد الشر عليك يااجدي

العمده:اسمعني ياولدى انا كبرت وخلص ايامي في الدنيا معدوده...ومش عايز

اظلمك تاني واصل...وان كان على جوازك من بت عمك هيكون فيه ظلم ليك..يبقا

بلاش جواز وهسيبك على راحتك...بس كل اللي عايزه منك دلوكيت انك تسامحني

ياولدى

وتسامحني لما اموت وتعرف الحقيقه

رحيم:حقيقه ايه يااجدي

العمده:هتعرف...بس كل وقت وليه اذنان متستعجلش..بس عايزك لما تعرف الحقيقه

تسامحني فاهم ياولدى

رحيم:حاضر يااجدي

العمده:لساك برضك هتهملني

رحيم:معلش يااجدي...انا لازم اسافر

العمده:حتى لو قولتلك عشان خاطري...وان مش عايزك تغيب عن عيني لحظه واحده

لحد ما اموت

رحيم:بعد الشر عليك يااجدي...حاضر هقعده وفضل معاك طول العمر

العمده:حيث اكده...عايزك تعمل فرح لعمتك و اولاد عمك يتحاكه بيه الصعيد كلياته
رحيم:حاضر يا جدي متقلقش كل حاجه هتبقني تمام

دعاء:طمني يادكتور بنتي جر الها ايه
الطبيب:اطمني بنتك بخير...دى صدمه عصبية خفيفه وانا كتبتلها على ادويه وان
شاءالله هتبقني كويسه بس اهم حاجه الراحه التامه ومحدث يز عليها..الزعل مش كويس
عشانها...استأذن انا سلامو عليكم
طايح:متشكرين يادكتور..اتفضل
زينه:الف سلامة عليكى يا جوجو خضتينا عليكى
لوچين:الله يسلمك
طايح:مالك بس يابنتي فيكى ايه
لوچين بدموع:مش عايزه اتجوز يا بابا مش بحب ياسر
دعاء:طب ومالو ياسر ابن خالك شاب محترم وميتعيبش
لوچين بعصبية:مش هتجوزه يعني مش هتجوزه
طايح:خلاص اهدى اهدى مش هتجوزى ياسر بس ممكن تهدي
دعاء:هو كلام عيال ولا ايه...افضل انت دلغ فيها لحد ما البننت تعنز جنبي
طايح:انا قولت كلمة مش هتجوز ياسر...مش عايز اجبر بنتى على حاجه هى مش
عيزاها...ده جواز يا دعاء مش سلق بيض...جواز يعنى اسره وعيله وعيال
ومسؤوليه وشخص هتكمل معاه باقى حياتها...ولا انتى عايزه بنتك تعيش مع شخص
مش بتحبه
دعاء:بس ده ابن خالها
طايح:حتى لو كان ابن خالها ومش بتحبه بيقا عمرها ما هتكمل معاه ولا عمرها
هتقهمه وبعد شهر ولا اتنين من الجواز هتيجي تقعد جنبك...بس هتقعد وهى
مطلقة...فهمتى ولا ليكى كلام تانى يابنت العمده
دعاء:مافيش كلام بعد كلامك يابو لوچين
طايح:حيث كده روحى انتى وزينه وحضرو اكله حلوه كده لست البنات لوچين عشان
ترم عضمها وانا هأكلها بأيدي عشان عايز اقعدها معاه نتكلم شويه يلا

رحيم:ايه مالك كلك مش فرحان ان قعدة ومسافرتش

ياسر: ازاي بتقول اكده ياود عمي.. يعلم ربنا انا كنت هتجنن لما مشيت ولميت
 خلقاتك.. انا ماليش في الدنيا دي غيرك ياود عمي انت الوحيد اللي فاهمني وبحب
 اتحددت معاه

رحيم: ايه الكتابه اللي انت فيها دي... انا بضحك معاك ياود عمي.. طب ما انا عارف
 كل الكلام اللي بتقوله ده... زي ما عارف كماني ان انت مش عايز تجوز بت عمك
 لوجين

ياسر: وعرفت كيف

رحيم: عيب عليك ياود عمي كل حاجه باينه في عنيك

ياسر: طب والعمل ياود عمي

رحيم: انا اقولك تعمل ايه... انت لازم تتجوز

ياسر: اباي عليك ياود عمي... انت انهارده عمال تتمقلت عليا وانا مش طابق خلقاتي

رحيم: افهمني ياود عمي

ياسر: افهمك كيف وانت بتقول كلام مايدخلش العقل... منين عارف ان مش عايز

اتجوز بت عمك.. ومنين تقولي اتجوزها

رحيم: انا مقولتش تجوز بت عمك

ياسر: امال اتجوز مين؟

رحيم: حنان... انت هتجوز حنان... انت مش بتحبها برضك.. ولا خابرنى معرفش

ياسر: وه وه وه... يابوي عليك حتى دى عرفتها كماني

رحيم: عيب عليك ياود عمي مافيش حاجه اهنه الا ما اكون عرفها

ياسر: بس... يقاطع حديثه رحيم

رحيم: بس ايه ياود عمي

ياسر: بس جدك مش هيوافق

رحيم: ومش هيوافق ليه عاد

ياسر: عشان هو قال ان انت اللي تتجوزها

رحيم: لاه... وانا مش هتجوزها... وهو قلبي هسيبك على كيفك ومش هجبرك على حاجه

ياسر: بفرح: صوح ياود عمي

رحيم: ايوه صوح... وسبلي جدك انا هعرف اخليه يوافق

حنان: مش موافقه

جابر: ومن ميتي البنات عندينا بيقا ليها رأي... هتجوزى ود عمك ياسر يعني

هتجوزيه هي كلمه ومش هنتيها

احلام: اسمعي الكلام يا حنان ياسر ود عمك شريكي وبيحبك
 حنان: وانا مش بحبه يماي
 احلام: بكره وبعده تحبيه بعد الجواز
 حنان: يعني خلاص هتجوزوني غصب عني
 جابر: واعيها كلامها قليلة الحي... هتجوزي ود عمك ورجلك فوق رقبتك ومش عايز
 كلمة زياده... ولا عايزه تعصي كلام جدك.. ولا عايزه الناس يقولو عليا مش قادر
 احكم على بتي... لاه ده انا اطوذك عيارين وخلص منك قبل ما حد يقول اكده

فاروق: الف مليون مبروك يابنتي
 أسماء: الله يبارك فيك يا بابا
 دلال: الف مبروك يا أسماء
 أسماء: الله يبارك فيكي يا عمتو
 مريم: الف مبروك يا أسووو
 أسماء: الله يبارك فيكي يا مريمي
 دلال: ها قوليلي بأه... بعد ما نجحتي في الثانويه العامه وجبتي مجموع عالي هتدخل
 ايه
 أسماء: امممم والله انا من راي ادخل طب بس طب بيطري
 مريم: لا انتي اكيد مجنونه يابنت خالي
 أسماء: لا مش مجنونه... انا ادخل طب بيطري عشان ابقا جنب بابا وعتو في
 المزارع والمصنع
 فاروق: اهو ده الكلام المظبوط... اهو انتي كده بنتي بجد
 مريم: طب وخطيبك موافق
 أسماء: طبعا موافق... ولولا كده ما كنش هيوافق اكمل جامعه اصلا
 مريم: اشمعنا؟
 أسماء: انتي عارفه طبعا ان متفقين ان هنتجوز بعد ظهور النتيجة بتاعت الثانويه.. فا
 هو كان رافض تماما موضوع ان اكمل جامعه واحنا متجوزين... فا انا قولتلو ان لو
 جبت مجموع يدخلني طب هدخل طب بيطري عشان اشتغل مع بابا... وطبعا هو وافق
 عشان بيسافر كثير بحكم شغله زي ما انتي عارفه... فا هو قلني خلاص طول ما انتي
 مع بياكي بيقا انا هكون مطمئن
 دلال: ربنا يسعدك يا حبيبتي

أسماء: بوجودك ديمًا يا حلى عمتو في الدنيا

في سرايا العمده حامد المصري وفي غرفة احلام تحديدا
احلام تجلس امام المرآه واخذت تفكر بعمق.
احلام تحدث نفسها:وبعدين بأه معاك ياللي اسمك رحيم انت...مش ناوي تتهد بأه
وتريحني...انا ما صدقت انك مشيت وقولت ارتحنا منه...بيتر ا قعدة تانى ليه وايه اللي
رجعك....طيب يارحيم مابقاش احلام اما خليك كلب ولا تسوى قصاد العيله ومش
العيله وبس قصاد البلد كلها.

افراح

عائلة العمده حامد المصري

تم زواج كل من، الدكتور عمر و عفاف حامد المصري، يوسف جابر و غاده
عبدالعزیز، صالح جابر و منى حسان، ياسر حسان و حنان جابر، عماد عبدالعزیز
و زينه طابع.

في يوم كان يسوده الحب والفرح والبهجه على وجوه الحاضرين
بينما كان للقدر في هذه الليله رأي آخر حيث اعطى القدر نصف فرحه وسروره
وخيره لكل من هو يعيش تحت سقف سرايا العمده حامد المصري، واعطى النصف
الآخر من الهم والحزن والصدمة التي يعقبها سفر طويل بدون عنوان لفارس الصعيد
رحيم، حيث كان رحيم يجلس في تلك الليله منفردا في مكتبه في جو يسوده الهدوء
والجميع قد غلبهم النعاس من مشقة هذه الليله التي كانوا ينتظرونها طويلا.

رحيم:يا ام سعاد يا ام سعاد

ام سعاد:نعم يابيه

رحيم:لو سمحتي ياخاله اعمليلي فنجان قهوه مطبوظ احسن حاسس دماغي هنتفرتك
من الدوشة بتاعت انهارده
ام سعاد:حاضر يابيه.

وأخذ رحيم يكتب في روايته بعنوان "بنت اليهودي"

سعاد:بتعملي ايه دلوكيت ياماي

ام سعاد:زي ما انتي شايفه بعمل قهوه لرحيم بيه

سعاد:ماتعرفيش ياماي ليه رحيم بيه مارضيش يجوز بت عمه حنان

ام سعاد: ماخبراشي
سعاد: طب ما تعرفيش الست لوچين مارضيتشي تجوز ياسر بيه ليه
ام سعاد: ما خبراشي وبزيداكي عاد ملناش صالح احنا بالحديث ده
سعاد: انتي اكده يخاله صفيه عمري ما سألتك على حاجه وجوبتيني مع الرغم ان انتي
قروبه وتعرفي كل حاجه
ام سعاد: عشان احنا مش قد الناس دي يابنيتي احنا غلابه وبنقول يا حيط دارينا ومش
لازم نعرف حاجه عنيه، وبعدين حسك عينك تقولي خاله صفيه تاني، كل الناس
عارفه ان انتي بتي بت بطني، ولو حد عرف ان انتي مش بنتي مش هيبقي لينا عيش
هناتي.. بقا ده جزاتي ان قولتلك على السر وامنتك عليه.. انا قولتلك عشان حبيت اريح
ضميري من ناحيتك
سعاد: انتي ما قولتليش على كل اللي تعرفيه عني... طب ممكن اسأل سؤال
ام سعاد: وبعدين معاكى عاد
سعاد: معلش اخر سؤال
ام سعاد: اسألي لما اشوف اخرتها معاكى
سعاد: مين ابوي وامي، انتي تعرفيهم يخاله؟
ام سعاد: لاه
سعاد: طب وشمعنا عبدالعزیز بيه كتبني في الشهاده باسمه وان انا بته على الورق
ام سعاد: لاه... عبدالعزیز بيه مالوش صالح
سعاد: كيف... احكي لي يخاله
ام سعاد: في يوم جاني العمده حامد في نص الليل وعلى ايده بنت
(وأخذت ام سعاد تروي القصة والحديث الذي دار بينها وبين العمده حامد المصري)
وكان مضمون هذا الحوار كالاتي...
العمده: يا صفيه
صفيه: نعم جنابك
العمده: خدي البت دي
صفيه: بسم الله الرحمن الرحيم يا عيني بس بس يا ضنايا.. البنيه بتبكي دي جعانه يا
جناب العمده
العمده: امال انا جيبهالك ليه يام العريف... اسمعي يا وليه انتي البت دي من انهارده
بتك وياويلك ياسواد ليلك لو حد عرف ان جبتها لك... وانا هكتبها في الشهاده على اسم
عيل من عيالي... بقولك ايه هو انتي بعد وفاة جوزك مش كنتي في الشهر التاسع فين
ولدك ولا بتك

صفية: العيل نزل ميت جنابك
العمده: طب في حد في السرايا يعرف ان العيل مات
صفية: لاه جنابك
العمده: زين زين قوي... طب اسمعي يا وليه انتي خابره زين انا هعمل فيكي ايه لو
جبتي سيره لحد بموضوع البت
صفية: خابره جنابك
العمده: بر اوه عليك... اسمعيني زين من انهارده البت دي هتبقي اسمها سعاد بتك
فاهمه حديثي
صفية: فاهمه جنابك
العمده: يلا رضعي البت وانا هروح اجبلها لبن من الناقه عشان البت دي ليها توأم ولد
(ملحوظه غالباً في الصعيد اذا انجب الزوجان توأم يسقونهم من لبن الأبل خوفاً من
سرحان الروح وهي نائمته لكي لا تصاب بأذى فهذا هو المتعارف عليه في صعيد
مصر)
ام سعاد: بس وادي كل الحكاياه... واياكي تفتحي الموضوع تانى ولا حتى تجيبي سيره
لحد... احسن فيها موتي انا وانتي في يوم واحد
سعاد بدموع: يعني انا ليا اخ يخاله
ام سعاد: ايوه يابنيتي
سعاد: طب هو فين يخاله
ام سعاد: ماخبراشي... وبزيداكي عاد... اهو عاجبك اكده القهوه كبت ورحيم بيه هيخلي
يومنا اسود
سعاد: خلاص ياماي هعملوا واحده غيرها
ام سعاد: طب بسرعه يابنيتي قبل ما رحيم بيه يا جي يدينا كلمتين

ياسر: احنا بقينا في نص الليل يابت عمي وبرضك مش عايزه تغيري خلقاتك... طب
حتى تعالي نتعشا سوى... دي امي عامله وكل يكفي ميت نفر
حنان بدموع: مش عايزه اكل
ياسر: وه ليه اكده يابت عمي... انتي بتبكي ليه عاد... بزمه في واحده تبكي في ليلة
دخلتها ده حتى بيقا فال وحش... يلا قومي اتوضي عشان هنصلي جماعه عشان ربنا
يبارك لنا في الليله المفترجة دي

سوسو: هيهيهي بقا يا راجل سايب عيالك ليلة فرحهم وجاي عندي

جابر: ومالو ياسوسو فيها ايه... يعنى عيالي يفرحو وينبسطو ويقضو الليله الحمره مع حريمهم وانا افضل اتفرج اياك... لا ياسوسو انا كماني لازم افرش الليلة... يلا قومي ارقصي وحشني رقصك

سوسو: هيهيهيهي وحشك ايه يا عنيا... امال مين اللي كانت بترقص في فرح عيالك... يكونش خيالي.... ولا جبتو رقصه في الفرحة غيري وانا معرفش جابر: ما انا عارف يافقر ان انتي اللي كنتي بترقصي... بس انا اقصد وحشني رقصك واحنا لوحدنا.... لما بترقصيلي وحدي.. بتبقا حاجه ليها طعم ثاني... يلا عاد قومي ارق... يقاطع حديثه صوت الجوال الخاص به

جابر: الووو

احلام: ايوه يا جابر

جابر: عايزه ايه

احلام: انت فين قاعد لحد دلوقتي

جابر بتردد: انا.. انا.. في المزرعه قولت اشوط عليها عشان انها رده ما حدش راح هناك عشان الفرحة

احلام: عليا انا يا جابر الكلام ده... انت مش هتبتل رمرمه مع الغوازي وتاجيني زي كل يوم آخر الليل سكران... يكون في علمك انا سكتالك وبفوتلك كثير.. بس كل ده عشان مش فضيالك.. لكن يويالك لو قلبت عليك... سلام

لازال رحيم يكتب في روايته وعند سماع صوت اذان الفجر اغلق الكتاب وخرج من مكتبه وترك الباب مفتوح ثم ذهب الى المرخاض لكي يتوضء، وبعد ان دخل رحيم المرخاض ذهبت ام سعاد الى مكتب رحيم لكي تعطي له فنجان القهوة ولكن لم تجده في المكتب فا وضعة فنجان القهوة على الطاولة وانصرفت وفي وقت خروجها من المكتب كانت احلام تطل عليها من اعلى درجات السلم. فادار بينهم الحوار التالي.

احلام: بتعملي ايه عندك دلوقتي

ام سعاد: كنت بودي القهوة لرحيم بيه

احلام: هو في المكتب دلوقتي

ام سعاد: لا

احلام: امال فين

ام سعاد: في الحمام ياست هانم

احلام: طيب روعي انتي دلوقتي.

وفي هذه اللحظة ذهبت احلام الى غرفتها واخذت تبحث على زجاجة من الخمر
وترياق مخدر، ثم اخذت الترياق المخدر وذهبت به الى مكتب رحيم في خوف وقلق
وأخذت تنتظر ذات اليمين وذات الشمال حتى وصلت الى مرادها وهو الولوج الى
المكتب ثم وضعت نقاط من هذا الترياق في فنجان القهوة الذي على الطاولة ثم
انصرفت بخوف وقلق واخذت تنتظر وتراقب هل من احد يراها ام لا حتى اطمأنة انه
لا يوجد احد يراها فا صعدت الى غرفتها مرة اخرى واغلقت الباب واتكأت عليه
وأفاسها سريعة كأنها حاشية رابيه، ولكن يراقبها ام سعاد وسعاد بدون ان تشعر بهن.

يوسف: مبروك يا عروسه
غاده: الله يبارك فيك يا بن عمي
يوسف: ابن عمك ايه عاد... ده كان زمان انا دلوكيت جوزك وحببيك يا قمر انتي
غاده بإستحياء: بزidak عاد
يوسف: وه مكسوفه مني اياك
غاده بإستحياء: يعني
يوسف: مكسوفه من جوزك... طب بصي في عني اكده
غاده بإستحياء: مقدر اشي ياود عمي
يوسف: اباي عليكى قولنا بلاش ود عمي دى
غاده: امال اقولك ايه عاد
يوسف: قوليلي يا حبيبي
غاده: حاضر يا حبيبي
يوسف: يا بوووي انا في حلم ولا علم يناس.. يماي يا بوي قالت يا حبيبي
غاده: بتعمل ايه يا مجنون وطى حسك هتفضحنا الناس يقولوا ايه علينا
يوسف: ما حدش ليه صالح بينا
غاده: طب اقوم اجهزلك الوكل
يوسف: لاه... انا متوضي وعايز اصلي ركعتين لله الاول وبعد اكده ناكل... ناوليني
سجادة الصلاة
غاده: اتفضل ادي سجادة الصلاة... وانا كماني هروح اتوضى
يوسف: نويت اصلي ركعتين لله رب العالمين... الله أكبر

رحيم: السلام عليكم ورحمة الله... السلام عليكم ورحمة الله.
(وبعدما انتهى رحيم من صلاته تناول فنجان القهوة.)

رحيم يحدث نفسه:وه... مال القهوة دى طعمها متغير اكده ليه..لكن برضك هشربها...انها قهوتي انها اعز صديق لدي.

(وبعدما انتهى رحيم من القهوة....اخذ يكتب في روايته مرة أخرى حتى شعر بثقل رأسه مع غلق في العينين الأمر الذي جعله لا يستطيع ان يتحكم في نفسه و اراد النهوض لكي يذهب الى حجرته ولكن أخذ يتمايل كما يتمايل النخيل من أثر المخدر الذي وضعة احلام في فنجان القهوة،واستمر على هذه الحالة الى ان صعد السلم وهنا تخرج احلام واخذت بيده فادار بينهم الحوار التالي)

احلام:تعالى

رحيم بتقطع:وديني على اوضتي

احلام:حاضر هو ديك...امسك نفسك بس...حاسب لتقع

رحيم بتقطع:انتي موديانى على فين

احلام:على اوضتك

رحيم بتقطع:بس اوضتي مش من اهنة

احلام:لا من هنا اوضتك بس انت اللي تقلت في الشرب شويه

رحيم:شرب ايه انا مش بشرب.....اوعى هملىنى ياويله اوعى اكده

احلام:تعالى بس بلاش مقاوچه

(وبعد محاولات من رحيم لكي يهرب من احلام ولكن لم يستطيع لانه فقد وعيه،وهذا

الأمر الذي جعل احلام تتمكن من دخول رحيم الى غرفتها ثم طرحة على الفراش

وهو لا حول له ولا قوة بعدما أغلقة الباب بالمفتاح ثم ألقت زجاجة الخمر على

الأرض حتى انكسرت،ثم جلست بجواره بعدما شقت ثوبها واطهرة مفاتنها ثم اخذت

تسكب عليه الماء لكي يفيق من اثر المخدر واخذت تصرخ بأعلى جواب عندها

عماد:اصرخي مهما تصرخي مش بيهمني...انتي خلاص بقيتي مرتي على سنه الله

ورسوله

زينه:وربنا ياعماد مش بهزر هصرخ ولم الناس

عماد:حيث اكده طب تعالى بقا

زينه:يالهوري هتعمل ايه يامجنون

عماده:هتعرفي دلوكيت انا هعمل ايه

منى:ايه اللي انت عملته ده...ازاى تعمل اكده في بت عمك

صالح:وعملت ايه عاد...انتي ليه ما كنتيش عارفه ان ده هيحصل اياك

منى:لاه

صالح:ياسنه صوخه ياولاد...امال كنا هانخلف اعيال كيف بالبلتوث اياك..كيف
ماخبراشي

منى:اقصد اقولك ان ماكنتش اعرف ان هتكون انهارده في نفس اليوم
صالح:امال كنتي فاكراه هندخل ميتي...لما نطلع معاش اياك...وقعت ايه المربربه
دى ياولاد...ده احنا لسه في اول يوم..شكله هيبقى مرار طافح

اخذ رحيم يفيق رويدا رويدا من اثر المخدر ويسأل (انا فين) واحلام تجيبه(انت في
اوضتي وعلى سريري)رحيم يسأل(ومين اللي جابني اهنه)احلام تجيبه(انا اللي جبتك
هنا)رحيم يسأل(وجبتيني اهنه كيف وليه)احلام تجيبه(هتعرف دلوقتي)
واخذ رحيم يحاول ان ينهض ولكن يقف مره ويسقط مره ولازال اثر المخدر موجود
حتى وصل الى الباب وتشبس به ولكن الباب مغلق،واخذت احلام تصرخ بأعلى
صوتها.حتى جاء كل من في السرايا وهي لازالت تصرخ وتقول(ألحقوني ألحقوني
رحيم اتهجم عليها)واخذ يوسف يطرق على الباب بقوه ويقول(افتح ياندل افتح وكلمني
راجل لراجل)ثم قال صالح (انت لسه هتتحدث معاه اكسر الباب)وبعد محاولات
استطاع صالح ويوسف ان يكسروا الباب.

يوسف:اه يا عديم الشرف

رحيم:اسمعي ياود عمي افهمك

صالح:احنا لسه هنسمعك انت مليكش عندي غير طلقه (واخرج السلاح من جيبه
واراد ان يقتل رحيم)

ياسر:استنى منك ليه اللي هيقرب من ود عمي انا اللي هطوخه عايز راجل فيكم بس
يقدر يمس شعره من ود عمي...ده اكيد ملعوب من الحربايه دي...ماهي الخيانه مش
جديده عليها

يوسف:خليك واعى لكلامك ماذا والا

ياسر:ماذا والا ايه...وريني هتعمل ايه عاد

العمده:والله عال بتتعاركو وانا واقف....استنى منك ليه خلينا

نشوف اللي حصل

عبدالعزيز:انت لسه هتشوف اللي حصل يابوي....(فاتجه عبدالعزیز نحو رحيم
ولطمه على خده)جاي سكران وبتتهجم على مرت عمك ياقليل الحي،اتاريك
مارضتش تمشيها من السرايا عشان تعمل عملتك السوداء دي،ولما جدك قلك لازم
تمشي قولتلوا لاه ده حقي وانا هعرف اخذ حقي بطريقتي،بقا هي دى طريقتك،انت

اتعلمت اكدته في المدارس، طبعاً ما احنا هنستنى ايه من اولاد الشوارع اللي زيك، من انهارده ماشوفش وشك في البلد ماذا والا هطوخك وتاويك انت فاهم، ويكون في معلومك انت مش ولدي مش من صلبى انت عيل مالكش اهل.

رحيم: بتقول ايه يا بوي

عبدالعزيز: ماتقولش ابوك تانى... انت مش ولدي

رحيم: امال ود مين؟ لما مش ولدك

عبدالعزيز: ما خبرش، ابوي الله يسامحه جابك عند ود عمي عاصم لما كنت انا مسافر ولما رجعت قلى ان انت يتيم وخالني اربيك وكتبك في الشهاده على اسمي.

رحيم: انت بتقول ايه... يعنى انا مش ولدك... حد يفهمنى فيكم... طب فهميني انتي ياماي (سهير بدموع ولا تتحدث) طب فهمنى انت يا جدي (وفي هذه اللحظة وضع العمده يده على قلبه وسقط على الأرض، وتم نقله الى المستشفى)

رحيم: فهمني يخالى الكلام اللي قاله ابوي ده صوح... رد عليا احب على يدك

عاصم: ايوه صوح يا ولدي

رحيم: انت بتقول ايه

عاصم: هي دي الحقيقه يا ولدي... اللي انا اعرفها

رحيم: طب فين ابوي وامى

عاصم: ما خبرش يا ولدي

رحيم: احب على يدك قولى مين اللى جانبى وسطىكم ومين ابوي وامى وهما عايشين ولا ميتين.

عاصم: انا كل اللى اعرفه يا ولدي ان عمى اللى جابك

رحيم: ازاي

عاصم: انا هقولك يا ولدى في يوم جاني عمى في نص الليل يخبط على الباب (واخذ عاصم يروي الحوار الذي دارا بينه وبين العمده حامد المصري وكان الحوار كالاتي)

عاصم: عمى.... خير يا عمى في حاجه حصلت ولا ايه

العمده: ما فيش حاجه حصلت ياود اخوي

عاصم: امال ايه اللى جابك في نص الليل اكدته في البرد والمطره، واياه العيال الصغيره

دي عيال مين دول

العمده: اسمعني يا عاصم اسمعني زين

عاصم: سامعك يا عمى

العمده:طبعا ولدي عبدالعزيز مسافر ومرته سهير خيتك في المستشفى انهارده عشان
تولد والواد نزل ميت صوح
عصام:ايوه صوح....بس ايه دخل خيتي بالموضوع
العمده:افهمنى ياود اخوي...انا روحت المستشفى ودفعت فلوس لدكتور عشان يقول
ان مرت عبدالعزيز جابت واد...انا عايزك دلوكيت تاخذ الواد وتطلع على المستشفى
توديه لدكتور وهو هيعمل اللي انا قولتله عليه فاهمنى يا عاصم
عاصم:ايوه يا عمي...بس عبدالعزيز هتعرفه ولا لاه وخيتي سهير هتعرفها ولا لاه
العمده:لما يعاود ولدى عبدالعزيز هعرفه وسهير كمانى...بس اسمع مش عايز حد
يعرف بالموضوع ده غيرنا وانا هنبه على سهير وعبدالعزيز
عاصم:طب والبت دى هتوديه فين
العمده:مالكش صالح انت.....ويلا عاد روح المستشفى قبل النهار ما يطلع.)

رحيم:طب وخيتي وداها فين
عاصم:اللي عرفته بعدين منه ان خيتك وداها عند صفيه..سعاد تبقا خيتك
رحيم:ايه....سعاد تبقا خيتي
عاصم:ايوه يا ولدي....ونصيحه يا ولدي خد خيتك وهربوا من البلد كده اسلم ليك
ولخيتك من لسان الناس واذاهم...وجابر وعياله مش هيهملوك في حالك بعد اللي
عملته مع احلام
رحيم:طب وابوي وامي فين اوصلهم كيف
عاصم:ما خبرش يا ولدي...اكيد عمي يعرف طريقهم....لكن لسوء حظك عمي في
المستشفى بين الحياة والموت ومش قادر يتكلم...فرصتك الوحيده دلوكيت في حياة
عمي....يلا يا ولدي زى ما قولتلك اهرب انت وخيتك ما حدش هيقدر يحميك بعد
انهارده...انت دلوقتي بعد ماتكشف سرك بقيت في الدنيا لو حدك بطولك يلا يا ولدي
ما فيش وقت.

سعاد:المشكلة ان ما فيش حد في السرايا غير المخفيه اللي اسمها احلام كلهم راحوا
المستشفى عشان العمده
ام سعاد:يا بنيتي مالناش صالح احنا
سعاد:كيف مالناش صالح...واحنا شايفين احلام دخلت المكتب وبعد اكده دخلت رحيم
بيه الاوضه...لا ياماي انا مش هسكت على الظلم ولا زمن الكل يعرف الفاجره دى
عملت ايه

ام سعاد: احنا مش قد الست احلام وشرها خاينا ماشين جنب الحيط يابنيتي احسن... انتي اكده هتولعيها نار... والنار لما بتولع بتحرق الكل سعاد: لاه مش هسكت ولازم من اروح اقول لعبدالعزيز بيه ان.....يقاطع حديثها دخول احلام

ذهب رحيم الى اسطبل الخيل وكأنه يودع كل شئ يحبه واخذ ينظر الى كل شبر وكل ركن في هذا المكان وفي عينيه الدموع واتجه نحو حصانه الأبيض ووضع يده عليه كأنه يودعه وأخذ يتذكر كل كلمة قيلت له في هذا اليوم من كل شخص كان له محب (تذكر كلمة عبدالعزیز التي قالها له: انت مش ولدي) ثم تذكر كلمة عاصم التي قالها له: اهرب يا ولدي اسلم ليك ولخيتك) اخذ يتذكر كل كلمه وتسيل دموعه حتى ان قطع تفكيره رجل يطبطب على كتفه.

ياسر: كنت متوكد ان هلاقيك قاعد اهنه

رحيم: صدقني يا ياسر انا... قاطع حديثه ياسر

ياسر: ماتكلمش يارحيم انا عارف ان انت اشرف من ان تعمل اكده... بس كل اللي

اقدر اقول هلولك ان انا جنبك وفي ضهرك بس عاود معايا السرايا

رحيم: اعاود كيف وانا اصبحت غريب دلوكيت... يعنى انا اصبحت مش ود عمك... انا

حي الله واحد كنت في الشارع وخذتوني وربتوني وعلمتوني وكسبتوا فيا ثواب

ياسر: ما تقولش اكده

رحيم: هي دي الحقيقة يا ياسر

ياسر: لا مش دي الحقيقة... جدي هو اللي جابك بيقا هو اللي عارف حكايتك وهو

كماني اللي يقول ان انت تقعد او تمشي... اسمعني يارحيم انا حاسس ان الموضوع

مش كامل وان القصه ليها جزء تانى والجزء التانى ده ما حدش يعرفه غير

جدي... عايزك تفكر بعقلك يارحيم قبل ما تاخذ اي خطوه والا هنتدم... حاول تفكر

معايا ونشوف حل للمشكلة دي... مش انت دايمًا كنت تقولي اوعى تستسلم لأي

مشكله تواجهك مهما كانت صعبتها ولازم من تفكر بعقلك ومتسلمش لكلام الناس مهما

قالوا ومهما حاولوا يوقعوك او يكسروك لأن كلام الناس مش بيخلص ولا حتى بيقدم

وان مافيش حد سلم من كلام الناس حتى ربنا ماخليش من كلام الناس وقالوا في حقه

سبحانه. ان الله ثالث ثلاثة وقالوا في حقه سبحانه. ان الله هو المسيح ابن مريم.

وكننت دايمًا تقولي لو حد حب يقول رأيه فيك قلوا... رأيك فيا لا يدل عليا ولن يدل

عليا... مش ده كلامك يارحيم.

رحيم: افكر بعقلي ازاي... وانا مابقيش فيا عقل

ياسر: لا اكده غلط لازم تفكر... عشان انا حاسس ان في حاجه غلط وفي حاجه غامضه احنا مش عارفينها... انا من زمان بسأل نفسي اسأله ومش لاقى لها اجابه وانهارده انا قريب من الاجابه بس مش طايلا

رحيم: اسأله ايه

ياسر: تقدر تقولى ليه جدي بيحبك انت اكثر واحد فينا

رحيم: عادي اي حد ممكن يميز حفيد عن باقي احفاده

ياسر: بس لما يكون حب زايد عن حده يبقى لازم نسأل... طب تقدر تقولى ليه انت الوحيد اللي بيسمع كلامك طب تقدر تقولى ليه انت الوحيد راجعته في موضوع الجواز وما جبرش عليك وحتى لما جبر عليك رجع صالحك طب تقدر تقولى اشمعنا انت اللي خلاك تكمل تعليمك غير باقي احفاده حتى في موضوع احلام كان واقف وكأني واثق فيك ان انت متعملهاش.. طب قولى لو هو جابك من الشارع صحيح ليه اداك المكانه دى كلها وخلاك كبير عيلة المصري... فكر ياود عمي في كل كلمه قولتهاك فكر زين... وخليك فاكر ان قولتلك القصة فيها جزء تانى ماحدث يعرفه غير جدي.

(رحيم ترك ياسر يتحدث وأخذ يتذكر الحديث الذي دار بينه وبين العمده حامد المصري وفي كلمة العمده التي قالها له: انا ظلمتك كثير وانا محقوقك ظلمتك والجاه والكبر والسلطه هما السبب فا عايزك لما تعرف الحقيقه تسامحنى)

ياسر: رحيم يا رحيم... انت سامعني

رحيم: معلش يا ياسر سرحت شويه

ياسر: سرحت في ايه

رحيم: في كلام جدك ليا... لما قلتي ان ظلمتك كثير وانت لسه لحمه حمره وان محقوقك وان ظلمتك والكبر والجاه هما السبب وان عايزك لما تعرف الحقيقه تسامحنى... قلتي كلام كثير وما كنتش فاهمه وقتها

ياسر: شوفت بيقا انا بفكر صح

رحيم: ازاي

ياسر: مسألتش نفسك لو كان جدي جابك من الشارع وخلاص زى ما اي حد يتبنا طفل.. ايه اللي يخليه يقولك ظلمتك وان الكبر والجاه هما السبب الا ما يكون في سبب وسر كبير ورا كلامه ده ماحدث يعرفه غيره... قوم ياود عمي على الدكتور رحيم: هنعمل ايه عند الدكتور

ياسر:هنعمل تحليل عشان انا شاكك ان كل الكلام اللي اتقال من عمي مش هي الحقيقه...لازمن الحقيقه غير اكده..في حاجه ناقصه..قوم ياود عمي مافيش وقت نضيعه

رحيم:لاه...انا هسافر بس قبل ما اسافر هعدي على السرايا اخد سعاد معايا ياسر:تسافر كيف يارحيم انت بضيع حقك بأيدك...وبعدين انا روح السرايا عشان اودي وكل للناس اللي في المستشفى عند جدي مالقتش سعاد ولا امها..ولمو خلقاتهم وهجو هما كماني....وبعدين انت عايز سعاد تسافر معاك ليه

رحيم:سعاد تبقا خيتي

ياسر:ايه...بتقول ايه...كيف وعرفت كيف انها خيتك

رحيم:انا هقولك(واخذ رحيم يروي الحوار الذي دار بينه وبين عاصم)

ياسر:يعني سعاد تبقا خيتك...لاه الموضوع كبير قوي قوي

رحيم:طب ما تعرفش راحو فين

الإذاعه الداخليه لمحطه القطار:قطار رقم 2009 اسوان اسكندريه سوف يصل على رصيف رقم واحد بعد لحظات.

ام سعاد:جهزي نفسك يابنيتي عشان القطر زمانه جاي دلوكيت سعاد:بس لو تقوليلي رايحين على فين ياماي وترجي قلبي..ده احنا مالناش حد واصل ولا عمرنا ما طلعا بره البلد

ام سعاد:هنروح سكندريه

سعاد:وه..سكندريه مره واحده وهنعمل ايه هناك ولا هنروح عند مين هو احنا لينا

قرايب هناك ياماي

ام سعاد:ايوه يابنيتي

سعاد:مين؟

ام سعاد:بت خالتي

سعاد:ودي هنعرف طريقها كيف عاد

ام سعاد:معايا عنوان بيتها

سعاد:وجبتي عنوانها من فين عاد

أم سعاد:مرعي ادانى العنوان

سعاد:ومرعي عرف طريق بت خالتك كيف

ام سعاد:ماهو ده اللي هيجنني....ولما سألته قلي مالكيش صالح.

صوت الأذاعة الداخليه لمحطه القطار:قطار رقم 2009 اسوان الأسكندريه وصل
على رصيف رقم واحد

أم سعاد:يلا يابنيتي القطر وصل بعدين ابقى اسألني على كل حاجه بس همي امال
القطر هيتحرك

(جلست سعاد على المقعد بجوار النافذه ووضع راسها على حافة النافذه واخذت
تنظر من النافذه وكأنها تودع الأقصر واخذت تتذكر الحوار الذي دار بينها وبين
احلام والحوار كالاتي

احلام:ان ايه...يامفعوصه انتى...ما اتكلمي اتخرستي ليه...عايزه تروحي تقولي
لعبدالعزيزبيه ايه ها انطقي
ام سعاد بخوف:لاه ياست هانم دى تقصد يعنى ان عايزه تروح تقوله خدني معاك
المستشفى اطمن على العمده
سعاد:لاه...هروح اقوله ان رحيم بيه مالوش ذنب وان انا شوفتك وانتى داخله المكتب
وخايفه وبتتسحبي ولما طلع رحيم بيه السلم دخلتية عندك في الأوضه وقفلتني الباب
لازم كل الناس يعرفو حقيقتك
(اتجهت احلام نحو سعاد ولطمتها على وجنتيها)
سعاد:انتى فكرانى هخاف منك اياك...والقلم ده هياجي يوم وردهولك بدل القلم عشره
وخليكي فاكراه
احلام:اسمعي يابت انتى لو لسانك نطق بكلمه مش هتلقني تكلميا عارفه ليه عشان
هقطع هولك
أم سعاد:لاه ياست هانم هي مش هتتكلم واصل..احب على يدك ياست هانم انا ماليش
غيرها في الدنيا
احلام:بيقا عقلي بنتك احسن ليكى وليها....اسمعي انتى وهي من انهارده مش عايزه
اشوف وش واحده فيكم هنا...مش عايزه حد يرجع السرايا يلاقىكم قاعدين ماذا والا
أم سعاد:لاه لاه ياست هانم أوامرك...بس هنروح فين دلوكيت ياست هانم
احلام:خدي بنتك ورحو في اي داهيه بعيد عن هنا بعيد عن البلد وعن المحافظه
(كمان)

حسام:ايه مالك يارحيم سرحان في ايه عاد

رحيم:مافيش
 تامر:روق اكده يارحيم....وبكره هتتعدل بس انت قول يارب
 رحيم:يارب
 حسام:طب يمكن راحو عند حد يعرفوه في البلد
 رحيم:قلبت البلد كلها مالهمش اي اتر....مش خابر راحو فين...ما كانش لازم اركب
 القطر دلوكيت....كان لازم الأقيهم الأول
 تامر:ماتعرفش سابو البلد ليه عاد
 رحيم:ماخبرش....ما فكرتش حتى اسأل على السبب من الهم اللي نزل عليا مره
 واحده
 حسام:ان شاء الله هتلاقيهم يارحيم ارمي حمولك على الله...احنا هنروح سكندريه
 عشان نشتغل وبعد شهر ولا تتين ننزل البلد ندور عليهم تاني
 تامر:هو إحنا قربنا نوصل ولا لسه بدري
 حسام:لسه بدري ايه ياعم تامر انت قاعد نايم طول السكه ومش دريان بحاجه...احنا
 دخلنا المحطه...حمد لله بسلامه ياشباب

ام سعاد:الله يسلمك يا شهد....اتوحشتك قوي قوي
 شهد:وانتي كمان يا صفيه....الله مين دي...بنتك دي
 ام سعاد:ايوه بنتي سعاد
 شهد:يسم الله ماشاء الله زي القمر....تعال في حضني يا حبيبي
 سعاد:ربنا يخليكي يخاله
 شهد:يا اهلا وسهلا نور تو اسكندريه

رحيم:منوره بأهلها ياريس جمعه
 الريس جمعه:اتفضلو اتفضلو يا أهلا يا اهلا...تشربو ايه عاد يا اولاد العم
 رحيم:متشكرين ياريس جمعه....بس قولي هنتشغل ايه
 جمعه:خبر ايه عاد لازم تشربو حاجه الاول ولا انت بخيل وبعدين ليه مستعجل
 على الشغل
 حسام:معلش ياخال اصل رحيم صاحبي بيحب يشتغل ومش بيحب يضيع وقت
 جمعه:هو انت بقا رحيم....حسام ود اختي حكالي عنك
 رحيم:حكالك عني

جمعه: متخافش يا ولدي انا زى ابوك ويكون في علمك ما فيش حد هيعرف باللي حصل معاك في البلد... وبالنسبه لشغل ماتقلقش واصل الناس هنا محترمين قوى قوى والشغل سهل جدا فا مش عايزك تقلق... وانت يا ولدي زي حسام ود اختى بالظبط... وانا ارتحتلك... عشان انت باين عليك راجل جد ومالكش في اللوع رحيم: ربنا يخليك ياريس جمعه وان شاء الله نكون انا والشباب عند حسن ظنك جمعه: على بركة الله... حيث كده ناكل لقمه مع بعض عشان يبقا عيش وملح وبعد كده نتكلم وبكره ان شاء الله نطلع على الحاج فاروق الشرقاوي في المكتب عشان نتفق على كل حاجه يلا يشباب على ما تغيرو خلقاتكم يكون الوكل جاهز تامر: مش عايزين نتعبك معانا ياريس جمعه جمعه: عيب عليك يا ولدي ما تقولش اكده انتم اولادي... اقوم انا عاد احضر الوكل

شهد: مالك ياسعاد مش بتاكلي ليه الأكل مش عاجبك ولا ايه سعاد: ياخبر ياخاله الوكل حلو قوي قوي شهد: امال مالك مش بتاكلي ليه وسرحانه مع نفسك كده من ساعت ما قعدتي سعاد: ما فيش يخاله تعبانه شويه شهد: يا حبيبي اكيد تعبانه من السفر وتغير الجو ام سعاد: بس والله ما كان ليه لزوم تكلفي حالك اكده وتعملي الوكل ده كله شهد: عيب عليك يا بنت خالتي ما تقوليش كده دي حاجه بسيطه ام سعاد: انا خايفه لانكون تقلنا عليك يا شهد شهد: بعدين بأه في الكلام اللي يزعل... تقلتي ايه بس انتم نورتوني ما انتي شايفه اهو قاعده لوحدى بين اربع حيطان سعاد: ممكن اطلب منك طلب يخاله شهد: اتفضلي يا بنتي سعاد: انا عايزه اشتغل فا لو حضرتك تعرفي ناس بنتقي فيهم اشتغل عندهم شهد: هو انتي معاكي شهاده سعاد: انا خلصت ثانوي بمجموع عالي يدخلني طب شهد: بجد.. طب حلو وليه بأه ما كملتيش تعليم ودخلتي الجامعه سعاد: ما انتي عارفه يخاله عوايدنا وتقاليدنا في الصعيد شهد: اه عارفه... طب بصي انا هساعدك بس مش هساعدك تشتغلي سعاد: امال ايه؟ شهد: انا هساعدك تكلمي تعليم

ام سعاد:كيف ياشهد... ما انتي عارفه احنا مش حمل مصاريف الكليه
شهد:ما تقلقيش يا صفيه... مش هتدفعي جنيه واحد
سعاد:ازاي يخاله

شهد:ازاي دي بأه بتاعتي انا.... انا دلوقتي هقوم اعمل الشاي واحنا وبنشرب الشاي
هنتكلم

جمعه:اتفضلو الشاي

رحيم:يدوم عزك ياريس جمعه

جمعه:بصو يشباب بالنسبه للشغل.... الشغل سهل جدا هو عباره عن منتجات ألبان
يعني شغل خفيف خالص واسم الشركه روفي ودي اكبر شركه في الشرق الأوسط
للمنتجات الألبان والشركه دي تبقا بتاعت الحاج فاروق الشرقاوي واخته المهندسه
دلال... الحاج فاروق ده راجل محترم جدا ومتواضع جدا وراجل يحب الحق وانا
بشغل معاه من زمان قوي وعمره ما قلبي كلمه تزعلني بل بالعكس كان ديما ياتمني
على ماله وعلى الشركه... فا مش عايزكم تقلقو من اهيتها حاجه... بس كل اللي طالبه
منكم الألتزام وكل واحد فيكم لحاله مالوش دعوه بحد في الشغل يعني مش عايز
مشاكل.. العمال هنا اغلبيتهم من بلاد الفلاحين فا انا عايزكم تحاولو بقدر الأمكان ما
تتكلموش كتير كل واحد يركز في شغله وبس وانا واثق فيكم انكم هتبقو كد المسؤليه
وربنا معاكم

رحيم:ان شاء الله هنكون عند حسن ظنك فينا ياريس جمعه

الأسكندريه شركة روفي للمنتجات الألبان

فاروق:يا أهلا وسهلا نورتو اسكندريه

رحيم:ربنا يخليك يحاج

جمعه:ده بقا حسام ود اختي واصدقائه رحيم وتامر

فاروق:يا أهلا برجاله الصعيد.... انا على فكره بحب الصعايده اوى

رحيم:ربنا يكرم أصلك يحاج

فاروق:فعلا مش مجامله احسن ناس تلاقينهم في ضهرك وقت الشده هم الصعايده ناس

قلوبهم بيضه واهل كرم ناس على على الفطره ومش من طبعهم الغدر ولا

الخيانه... واكبر دليل على كده الرئيس جمعه بيشتغل معايا من زمان اوي وعمرى ما

رحيم:تلاقيك فين ياريس
جمعه:هتلاقيني قاعد على البوابه الرئيسيه
حسام:تمام يخال

ساره:لا انا هروح
لوچين:وانا كمان
مريم:يعني مش هتروحو معايا المصنع عشان اسلم على خالو قبل ماروح عند بابا
ساره:لا انا يدوب اروح اغير هدومي عشان هنخرج انا واحمد انهارده
مريم:تاني احمد ده انا مش عارفه ليه مش مرتحالي
ساره:ليه يابنتي احمد ده بيحبني وعايذ يتجوزني بالحلال
مريم:جايز
ساره:يادمك
مريم:وانتي يالوچين مش هاتجي معايا
لوچين:لا لا انا هروح...بابا زمانه جاي من الشغل دلوقتي ومافيش حد في البيت
زينه طبعا في الصعيد مع جوزها وماما تعبانه من يوم اللي حصل لجدي فا لازم
اروح دلوقتي
مريم:اه صحيح هي مامتك اخباره ايه دلوقتي
لوچين:اهو احسن من الاول....الدكتور طمنى عليها وقال اهم حاجه الراحه وهو
الحمد لله بنتحسن على العلاج
مريم:هو صحيح ايه اللي حصل لجديك
لوچين:لا ده موضوع كبير وطويل ابقا احكهولك بعدين
مريم:خلاص انا هوصلكم
ساره:لا...روحي انتي عشان ما تتأخريش انا احمد هياجي يوصلني
مريم:يادي احمد اللي مصدعانه بيه
ساره:يارخمه

شهد:بس اول ما حكتلو ظروفك وافق على طول وقلي ان من بكره هيروح الجامعه
ويكلم معارفه هناك عشان يقدملك في الكليه وقلي كمان ان مصاريف الكليه عليه لحد
ما تتخرجي وهيوظفك كمان بعد ما تتخرجي
سعاد:انتي بتتكلمي جد يخاله
شهد:طبعا يابنتي

ام سعاد: بس انا خايفه لانكون بنتقل عليه...دى مصاريف برضك
شهد: انتي بتقولي ايه يا ام سعاد... عادل بيه ده راجل شهم وكريم جدا ده صاحب اكبر
شركة اسيتراد وتصدير في مصر كلها يعنى مصاريف كلية زي كده ولا حاجه
بالنسبale

سعاد: مش عارفه اقولك ايه

شهد: ما تقوليش حاجه انتي بنتي...تعالى بقا في حضني

سعاد: ربنا يخليكي لينا ياخاله شهد الجميل ده مش هنسهولك طول عمري

شهد: جميل ايه ياهبله.... انتي زي بنتي

سعاد: هو انتي ياخاله معاكي بنت

شهد بتردد: لا

سعاد: امال

شهد: اقصد ان اول ما حضنتك اول يوم شميت ريحت بنتي فيكي

سعاد: انا مش فاهمه حاجه.... يعنى معاكي بنت ولا لا

شهد: كان ليا بنت

سعاد: طب هي فين مش معاكي ليه

شهد بدموع: اقولك ايه بس يسعاد يابنتي دي حكاية طويله من زمن.... المهم انا

عايزاكي تقرحي انهارده مش عايزه انكد عليكى فرحتك بقصتي الحزينه

(بعد انتهاء العمل ذهب رحيم وحسام وتامر الي البوابه الرئيسيه كما قال لهم الرئيس
جمعه وفي اثناء طريقهم الى الرئيس جمعه دخلت مريم بالسياره من البوابه الرئيسيه
للمصنع وفي هذه اللحظه نظر حسام فاوجد الرئيس جمعه واقفا فأخذ ينادي عليه
ويقول: يخال يخال جمعه، ويرد عليه الرئيس جمعه ويقول: تعالو يشباب. وفي لحظه
مرور رحيم وحسام وتامر الطريق المخصص لمرور العمال في المصنع مر حسام
مخالفا علي الطريق المخصص بمرور السيارات داخل المصنع وفي هذه اللحظه
جاءت مريم بسيارتها مسرعه وقبل ان تصتدم بحسام توقفت على آخر لحظه وهذا
الامر الذي جعل تامر يعلو بصوته ويقول: حاسب يا حسام. وبعد ان توقفت مريم
بالسياره نزلت من سيارتها ثم قالت: مش تفتح يا غبي. ثم رد عليها رحيم بشده وقال: هو
اللي يفتح برضك انتي كمان كنتي هتموتيه وليكي عين تتكلمي انتي راكبه العربيه دي
عشان تدوسي بيها على خلق الله اياك.

مريم: انت ازاي تكلمني كده انت مين عشان تكلمني انا بطريقه دي انت ماتعرفش انا

مين

رحيم: يعني هكون بكلم مين اكيد واحده اهلها ماربهاش وفاكره ان حياة الناس لعبة
وان موت انسان مالوش اي تمن بالنسبالها بكلم واحده دايره تتقشخر بعربيتها الغاليه
ودوس على خلق الله بيها
مريم: انت انسان قليل ادب
رحيم: وانتى قليلة الحي... عشان بتعلى صوتك على رجاله وناسيه نفسك انك
حرمه..... اصل العيب مش عليكى العيب على اللي ربا.... وقاطع حديثه اقترب
الريس جمعه

جمعه: وه وه بس يارحيم ياولدي بزidak.... حقك عليا ياست مريم
مريم: حق ايه وزفت ايه مين الحيوان ده ياريس جمعه
رحيم: حطي لسانك جوه بوك احسن اقطع هولك
مريم: لاه انت زوتها اوي
جمعه: كفاياك يارحيم عاد.... معلش ياست مريم اصله جديد واول يوم ليه هنا في
المصنع ومايعرفش حضرتك... حقك عليا... يلا يحسام خد رحيم وتامر وسبقوني على
السكن

فاروق: اهدي يابنتي هو جديد واول يوم انهارده ومايعرفكيش
مريم: لا لازم يمشي ده بجح فيا
دلال: لازم يابنتي يعمل كده يعنى كنتي هتموتى صاحبه وعيزاه يسكت... وبعدين دول
صعايده طبعهم كده ودمهم حامي ومايحملوش الكلمه
مريم: انتي بتقولى ايه ياماما انتى معايا ولا معاه
دلال: انا مع الحق وانا شايفه ان انتي اللي غلطانه
مريم: غلطانه مش غلطانه الولد ده لازم يمشي
فاروق: لا ده اسمه استهبال... قولنا خلاص موضوع وانتى
مريم: بيقا خلاص ياجي قدامي مزلول ويعتذرلي يا اما يمشي

رحيم: الأرزاق على الله.... انا مش غلطان عشان اعتذر... ولو السما الطبقة على
الارض مش هزل ولا هكسر نفسي عشان واحده زي كده.... لازم تعرف ان الناس
مش كلهم واحد
جمعه: عشان خاطري يارحيم اعتذرلها
رحيم: خاطرك فوق راسي ياريس جمعه بس مش هعمل اللي بتقولي عليه ده... صعب
عليا صعب

حسام:معلش يارحيم لازم تعمل اكده

رحيم:وليه لازم عاد

حسام:انت ناسي اللي انت فيه ولا ايه.....انا اسف يارحيم ما قصدش بس احنا دلوقتي محتاجين الشغل ده عشان نكمل المشوار اللي بدأناه مع بعض...لازم تاجي على نفسك يارحيم عشان تعرف تعيش وخصوصا بعد اللي حصل معاك في البلد
تامر:احنا ما صدقنا لقينا مكان يجمعنا والشغل هنا مناسب لينا وما فيش وقت دور على شغل تاني....انت ناسي ان كلها شهر ولا اتنين وهرجع البلد عشان دور على
اختك

رحيم:ماشى هاجي على نفسي

عادل:وجايه على نفسك ليه ما كنتي كملتي اليوم مع الست دلال.....احنا متفقين تيجي هنا امتي

مريم:معلش يابابا انا عارفه ان اتأخرت عليك بس غصب عني والله

عادل:طيب هعديهاك المرادي...يلا بأه عشان تاكلي معايا

مريم:لا كل انت انا ماليش نفس انا هطلع اريح شويه وبكره نبقا نقعد مع

بعض....عشان انت وحشتني اوي اوي

عادل:طيب يا حبيبتى تصبحي على خير

مريم:وانت من اهله يابابا

(تضع مريم رأسها على الوساده تفكر في الحوار الذي دار بينها وبين رحيم،ثم قالت بصوت تسمعه:طيب يا صعيدي ما بقاش مريم لو ما شوفتكش مكسور ومزلول قدامي عشان تعرف ترد عليا كويس...قاطع تفكيرها صوت الجوال الخاص بها.

مريم:الووو

فاروق:ايوه يا مريم

مريم:ايه اللي مسهرك لحد دلوقتي يخالو

فاروق:اللي مسهرني مسهرك

مريم:قصدك ايه بأه

فاروق:قصدني اللي حصل انهارده

مريم:وانت اش عرفك ان سهرانه عشان كده

فاروق:عشان عارف مريم لما تبقي متعصبه ومخنوقه مش بتعرف تمام....ما علينا

المهم ابقي بكره عدي عليا في المصنع

مريم:ليه

فاروق:لما تيجي هتعر في
مريم:او ك

سعاد في اول يوم لها في كلية الطب البيطري وكأنها تشعر بالغربه لأول مره كلما
تخطو خطوه تنظر حولها وعلى الشباب والبنات وكأنها انكرت لما لفته من الشباب
والبنات حينما رأت الشاب مع البنت واضعا يده في يديها وهذا الأمر الذي جعلها تعلن
مقارنه بين العادات والتقاليد في حياة الصعيد وبين الحياة في الحضر وهذا الذي جعلها
تحدث نفسها بصوت تسمعه وتقول: يا حوثي ايه اللي انا شيفاه ده.. الحياه هناتي
عادي... الود مع البت عادي خالص اكده ايه قلت الحي دي.
وكلما تخطو خطوه تجد شئ يجعلها تتدهش لما تراه وبينما هي كذلك تصتدم في كتف
فتاه ثم قالت سعاد: انا اسفه ما كنتش اقصد والله
الفتاه:ولا يهكم حصل خير... انتي اول يوم ليكي في الجامعه
سعاد:ايوه

الفتاه:وانا كمان اول يوم ليا.... انتي اسمك ايه

سعاد:اسمي سعاد

الفتاه:وانا اسمي اسماء

سعاد:اهلا وسهلا

اسماء:انتني كلية ايه

سعاد:طب بيطري

أسماء:وانا كمان طب بيطري....حيث كده احنا من انهارده اصدقاء اتفقنا

سعاد:اتفقنا

اسماء:انتني بس شكلك مش من اسكندريه

سعاد:ايوه...انا من الصعيد

اسماء:فين في الصعيد

سعاد:الاقصر

اسماء:الله الاقصر...بلد جميله ونفسي من زمان اروحها

سعاد:ربنا يخليكي....طيب كيف اروح كلية الطب

اسماء:يلا بينا الكافتريا الاول اعزمك على حاجه وبعد كده ندخل الكليه ونشوف

الجدول والمدرج بتاعنا اشطا

سعاد:اشطا

جمعه: رحيم جاي يعتذر لست مريم
 فاروق: ادي ياست مريم اهو الراجل جاي يعتذر بنفسه
 مريم: مش غلط فيا بيقا لازم ياجي يعتذر ولا كان مستني انا اللي اعتذر كمان
 جمعه: يلا يارحيم استسمح الست مريم
 رحيم بيتسم بسخريه: الأعتذار عن الغلط شئ واجب لكن الأعتذار من رحيم الصعيدي
 شئ فيه انكسار واهانه عشان انا مش بغلط فا انا لو اعتذرت بيقا انا بكسر نفسي
 وبهين نفسي بنفسي وعشان مين... عشان واحده عايشه طول عمرها متعوده انها لو
 طلبت حاجه بتجيبها من قبل حتى ما تتطلبها بس انهارده جاي اقولها مع الأسف
 المرادي الحاجه اللي بتطلبها مش هتتحقق ولو دفعتي كنوز الدنيا... يا حاج فاروق انا
 كان نفسي اكمل مع حضرتك لان بجد حسيت ان انت شخصيه محترمه بس مع
 الاسف انا ماليش اكل عيش هنا بعد انهارده وعشان اكده اتفضل
 فاروق: ايه دي يابني
 رحيم: دي استقالتي
 فاروق: ليه بس يابني كده... انت شخصيه محترمه وانا حبيتك وعايزك تكمل معايا
 للأخر... ده احنا لسه بنقول يهادي... فكر كويس يابني
 رحيم: معلش ياج دى رغبتى وانا هكون مرتاح اكده
 فاروق: طيب يابني انا مش هجبرك على حاجه وبتمنالك كل خير.. بس اوعدني لو
 عوزت اى حاجه انا مكتبي مفتوح
 رحيم: ربنا يكرم اصلك ياج... بعد اذنكم

مريم: حاسه بالذنب من نحيته
 عادل: مش هو ده اللي كنتي عيزاه... اهو مشي... بيقا زعلانه ليه بأه
 مريم: ما انا ماكنتش فاكراه ان عنده عزت نفس بالشكل ده... انا كنت عايزه اشوفه
 مكسور قدامي وبس... انا مش عارفه انام يابابا حاسه ان ظلمته... انا السبب في
 قطع عيشه
 عادل: امال انتي فاكراه ايه يابنتي... الصعايده كده كلمتهم واحده وما يرجعوش فيها ابدًا
 ودمهم حامي واهم حاجه عندهم عزت النفس والكرامه فوق اى شئ
 مريم: بس انا مش هسامح نفسي على اللي عملته
 عادل: ياه هو غيرك اوى كده... اول مره اشوف مريم بنتي بتفكر بالعقل ده... كان فين
 من زمان رحيم ده... صحيح هو انتي موعده ديما كده باللي اسمهم رحيم
 مريم: تبتسم: اظاهر كده يابابا... بس تصدق اول مره اخذ بالي

عادل: والغريب بأه ان كل واحد فيهم ترك بصمه فيكي... واحد انقذ حياتك من الموت
 والثاني فكرك بنفسك و علمك درس عمرك ما هنتسيه وفكرك ان انتي انسانه فيكي
 قلب تحسي بيه مش مجرد كائن بيمشي على الارض وخلص.
 مريم: بابا انا مخنوقه اوي وعايزه اخرج اشم الهوا
 عادل: بس الوقت متأخر يا مريم
 مريم: ماتخفش عليا كلها ساعه ورجع على طول
 عادل: طيب يا بنتي بس ماتتأخريش
 مريم: حاضر يا بابا مش هتأخر

جمعه: ليه بس عملت اكده يا رحيم استعجلت
 رحيم: ولا استعجلت ولا حاجه... الارزاق على الله ياريس جمعه
 تامر: و هتعمل ايه دلوكيت
 رحيم: هنزل من بكره ادور على شغل
 حسام: وانا كمان هنزل معاك ادور على شغل وهسيب المصنع
 رحيم: لا... خليك في المصنع مع خالك وتامر وما تشغلش بالك بيا
 حسام: لا... انا عمري ماسيبك زي ما بدأنا مع بعض نكمل مع بعض مشوارنا
 تامر: هي جات عليا وانا معاكم
 رحيم: لا... ما فيش حد فيكم هيسيب المصنع... مش هيفرق الشغل معايا او بعيد عني
 واهو احنا مع بعض في السكن يعني ما فيش غير النهار وقت الشغل بس اللي مش
 هكون معاكم... المهم انا نازل ياريس جمعه تعوز حاجه
 جمعه: ورايح فين يا ولدي دلوكيت الوقت متأخر
 رحيم: هنزل اتمشى شويه
 حسام: طب اجي معاك
 رحيم: لا... خليك... انا محتاج أبقا لوحدي شويه
 تامر: ماتعوقش
 رحيم: لا مش هعوق... يلا سلامو عليكم

رحيم: تاكسي
 السائق: على فين يا بلدينا
 رحيم: زي ما انت ماشي
 السائق: ايوه يعني عايز تروح فين

رحيم: والله ما انا عارف
السائق: لا حول ولا قوة الا بالله... اركب اركب هو يوم باين من اوله.... معاك فلوس
تدفع ولا مش عارف كمان
رحيم: اللي تعوزه هتاخده
السائق: اذا كان كده بيقا توكلنا على الله
(وضع رحيم رأسه على زجاج النافذه واخذ ينظر الى شوارع الأسكندريه)
السائق: ايه عجبك اسكندريه يابلدينا
رحيم: طبعا هو في اجمل من اسكندريه... يابختكم بيها
السائق: والله يابني الناس كلها بتحسدنا على بلدنا بس ما يعرفوش ان احنا مش بنشوفها
اصلا

رحيم: ازاي

السائق: بص يابني اسكندريه مش بنشوفها غير تلت شهر بس في السنه في فصل
الشتاء وبعد كده مش بنشوفها الغريب فيها مستمتع بيها اكثر مننا
(واخذ السائق يتحدث عن الاسكندريه كأنه يحدث نفسه وبينما هو كذلك اذ عاد ارشيف
الذاكره لرحيم الذي يتقلب على جمر الغضى واخذ رحيم يتذكر كل كلمة قيلت له من
يوم افراح عائلة حامد المصري الى اخر كلمة قيلت له من مريم ومع كل هذا تسيل
دموعه حتى غلبه النعاس)

(وعلى الجانب الآخر مريم التي تجلس على شاطئ البحر في جو يسوده الهدوء تتذكر
ما قالته لرحيم وما قاله لها كأنها توبخ نفسها ندما على مافعله معه وبينما هي كذلك اذ
جاء ثلاثة رجال يغلب على وصفهم الاجرام ومريم لم تلقي لهم بال حتى اقتربو من
مجلسها وهنا اوجست منهم خيفة حتى قال احدهم: الجميل قاعد لوحدده ليه. فأجابته
مريم وقالت: وانت مالك. فقال احدهم: هههه الحق ياسيطره دي بتقولك وانت مالك فرد
عليه وقال: معذوره يا حمو اصلها ماتعرفنيش. فقال الثالث: بيقا لازم نعملو معاها الصح
ياسيطره. فقال سيطره: انت صح يا بوشكا نعملو الصح معاها يلا ياحلوه من غير
شوشره طلعي كل اللي معاكي
مريم: انا ممكن اوديكم في داهيه

سيطره: يقول ايه مش عايز وجع دماغ هطلعي اللي معاكي ولا ارمي جبتك لسماك ها
قولتي ايه ياحلوه).

(وعلى الجانب الآخر رحيم لايزال نائما؛

السائق: يابلدينا انت يابلدينا..... مصيبة ايه دي

رحيم:معلش راحت عليا نومه
السائق بغضب:ياعم انت رايح فين احنا بقالنا ساعتين بنلف والوقت اتأخر وانا عايز
اروح
رحيم:انا قولتلك هديلك اللي تعوزه بزيداك عاد حديث مالوش عازه
السائق:طب اديني فلوسي وانا تحت امرك غير كده هوديك القسم هما يتصرفو معاك
رحيم:ادي فلوسك خدها وكفياك حديث ماسخ
السائق:ايه ده يابلدينا ده كثير اوي
رحيم:مالكش صالح خد وانت ساكت
السائق:من يد ما نعدمهاش ياعمده....ها قولي تحب اوصالك فين
رحيم:امشي ناحية البحر
السائق:اذ كان كده ماشي
(على الجانب الآخر مريم التي لا حول لها ولا قوه في وسط الوحشيه التي ملأت
مجتمعنا الحاضر)
حمو:والبت دي هنسيبها كده
سيطره:قصدك ايه
بوشكا:يقصد ان البت حلوه وما ينفعش نسيبها كده ده حتى يبقا حرام علينا
سيطره:عندكم حق هي حلوه بس لسانها طويل بس ما يمنعش ان نقضي معها الليله
حمو:حلاوتك ياسيطره....ابدأ انت ياكبير
(على الجانب الآخر رحيم لازال يتذكر ما يجعله يرعى النجوم ويتقلب على جمر
الغضى وبينما هو كذلك اذ يسمع صوت استغاثه
رحيم:ارجع ارجع
السائق:واحنا مالنا يابلدينا احنا مش ناقصين
رحيم:يقولك ارجع...انت ما عندكش نخوه
السائق:انا هنزلك وامشي انا معايا عيال عايز اربيهم المكان هنا كله بلطجيه
رحيم:طب نزلني وغور ما طرح ما تروح الفاتحه على الرجاله...عمار ياصعيد
(على الجانب الاخر مريم منطرحه على الارض ويحاول عديم النخوه والرجوله
والاخلاق ان ينال منها يريد ان يفقدها اعز ما تملك وهي تصرخ بأعلي جواب عندها)
سيطره:صرخي مهما تصرخي ما فيش حد هينقذك مني ياحلوه
مريم:ياعديم الشرف انت مش راجل
سيطره:هو في حد راجل غيري ياحلوه....قاطع حديثه اقترب رحيم
رحيم:طب لو انت راجل وريني رجولتك يافرور

حمو: امشي يا ض من هنا احسن اعورك
 رحيم: طب ما توريني هتورني كيف
 سيطره: علموه الادب ورموه لسمك

(اخرج حمو السلاح الابيض واخذ يقترب من رحيم ولكن استطاع رحيم ان يتغلب عليه بعدما اطاح بالسلاح الذي كان مع حمو وجعله طريحا على الارض، واستمره حالة الفر و الكر وعلى حين غره اصيب رحيم بجرح في ذراعه عقب ضربة لحقة به من سيطره بسلاحه الابيض واخذ الدم يسيل منه ولكن هذا لم يمنع رحيم من مواصلة الانتقام حتى قضى عليهم وتركهم جثة هامده لا حول لهم ولا قوه

مريم: ولولا رحيم ما جه في الوقت المناسب كان زماني في خبر كانه
 دلال: اصل العيب مش عليكي العيب على اللي سابك تخرجي في وقت متأخر كده
 فاروق: مالوش لزوم الكلام ده دلوقتي يادلل... اهم حاجه ان اطمنا على مريم ان
 محصلهاش حاجه... يعني لولا رحيم كنا هنبقى في دوامه ما ليها اول من اخر
 رحيم: احمد ربنا يحاج
 فاروق: الحمد لله قدر ولطف... انا مش عارف اشكرك ازاي يابني.. انت بجد راجل
 ونادر اما تلاقي زيك في زمنا ده
 رحيم: لا شكر على واجب يحاج اي حد مكاني كان هيعمل اكده واكثر... طيب استأذن
 انا يحاج
 مريم: رحيم
 رحيم: نعم
 مريم: انا اسفه
 رحيم: اسفه على ايه ياست مريم
 مريم: اسفه على ان اتكلمت معاك بطريقة مش لطيفه امبارح
 رحيم: متأسف فاش حصل خير
 مريم: يعني مش زعلان مني
 رحيم: لا مش زعلان... سلامو عليكم
 مريم: استنى انت رايح فين انت مش شايف دراعك بينزف دم
 رحيم: ده جرح خفيف
 مريم: جرح خفيف ايه بطل بأه عناد انت دايم كده جاي على نفسك انت نزفت كثير
 ولازم تروح المستشفى
 رحيم: مش مستاهله مستشفى... وبعدين احنا لو روحنا المستشفى هندخل في سين وجيم

فاروق: رحيم عنده حق... بس يابنى برضو لازم نعالج الجرح ده.... انا هتصل
بصديقي هو دكتور وهياجي لحد هنا
رحيم: اطمئن يحاج انا كويس مالوش داعى
مريم: مالوش داعي ايه... اسمع الكلام يا صعيدي

حسام: طب لما هو طلب منك ترجع الشغل ماوافتش ليه عاد

رحيم: مش هينفع يحسام

تامر: الله على الجو الشاعري الجميل انتم قاعدين في البلكونه هنا وسايبين الرئيس
جمعه عمال يغلبني في الشطرنج... اتفضلو الشاي
حسام: تعالى احضرنا ياعم تامر
تامر: خير

حسام: رحيم ياسيدي... الحاج فاروق طلب منه يرجع الشغل والبيه رفض

تامر: اسمحلى يصاحبى اقولك انت غلطان... يعنى ياراجل تكون انت انقذة بنت اخته
من البلطجيه اللي كان هيغتصبوها ويعالم كان عملو فيها ايه تاني... وترفض الشغل
في حد بيرفض النعمه... يارحيم الحياه فرص ودي فرصتك وجات لحد عندك
رحيم: بس انا اخدت قرار... انا مش حابب ارجع تاني يقاطع حديثه دخول مريم
مريم: طب ولو قولتلك عشان خاطري
رحيم: الست مريم

مريم: ايوه مريم

حسام: اتفضلتي اتفضلتي يا ست مريم نورتينا يا أهلا وسهلا

مريم: انت بقا حسام ولا انا غلطانه

حسام: اه انا حسام وده تامر

مريم: انا جايه انهارده عشان اعتذرلك على اللي حصل مني وكمان جايه عشان اطمئن
على رحيم

حسام: متأسفيش يا ست هانم انا اللي غلطان ومفروود كنت امشي في المكان المخصص
للعمال

رحيم: حصل خير... اتفضلتي اقعدتي يا ست مريم

تامر: طب انا هروح اعمل احلى كباية شاي لست مريم

حسام: خدني معاك يصاحبى... يلا بعد اذنك يا ست مريم

مريم: اتفضل

مريم: عامل ايه دلوقتي يارحيم

رحيم: الحمد لله على كل حال احسن من الأول
 مريم: ها قولي بأه مش عايز ترجع المصنع ليه
 رحيم: كده احسن
 مريم: هو ايه اللي كده احسن... انت مش عايز ترجع علشانى صح
 (رحيم في حاله من الصمت)
 مريم: انا قولت كده برضو... يعنى حضرتك لسه زعلان مني
 (لازال رحيم متمسك بالصمت)
 مريم: طب انا اسفه... انا والله ما كان قصدي اقلل منك... بس اللي هو ازاي انت ترد
 عليا فا ردك عليا هو اللي نرفزني
 رحيم: كنتي عايزه تموتي صاحبي بكل رعونه وبدن ادنى احساس بحياة الناس
 وعيزاني اسكت
 مريم: طب اهدى طيب... انت على طول كده عصبي... انت قلبك اسود بأه... عموما
 انا جايه اقولك انا اسفه للمره المليون وان غلطانه ولو ما رجعتش الشغل هفضل احس
 بالذنب من ناحيتك واحتمال كبير اموت نفسي
 رحيم: تموتي نفسك لدرجة دي
 مريم: طبعا انت ناسي اللي انت عملته معايا لو حد غيرك ماكانش انقذني بل بالعكس
 ده كان فكر في الانتقام مني
 تامر: اتفضلو الشاي... اسمع كلام الست مريم يارحيم وماتكسرش بخاطرها
 رحيم: بس تقاطع حديثه مريم
 مريم: مابسش... انت هترجع الشغل يعني هترجع
 رحيم: هي بالعافيه ولا ايه
 مريم: لا مش عافيه بس هترجع
 رحيم: لا مش هرجع

عادل: طب لما انتي اطمنتي عليه ايه اللي مزعلك بأه
 مريم: عشان هو عنيد ومش راضي يرجع المصنع... انا ما صدقت ان القدر خل بيني
 وبينه موقف عشان اعرف اصلح اللي كسرتة من جواه
 عادل: ولا يهكم لو مارجعش المصنع انا مش هسيبه وهرحلو بنفسي وهخليه يشتغل
 معايا انا
 مريم: مافيش فايدته يبابا ده عنيد جدا دماغه ناشفه

في مصنع روفي وفي مكتب الحاج فاروق الشرقاوي تحديدا
 فاروق: اهلا اهلا بالعروسة
 مريم: عامل ايه يخالو
 فاروق: الحمد لله يامريوم... ايه مالك مش عوايدك يعني تاجي بدري وشكلك مش
 مبسوطه في ايه مالك عادل بخير
 مريم: الحمد لله بخير
 فاروق: امال مالك
 مريم: مافيش يخالو مخنوقه شويه
 فاروق: مخنوقه من ايه بأه ياست مريم
 (مريم في حالة من الصمت التام)
 فاروق: الله ومن امتى بتخبي على خالو
 مريم: بصراحه يخالو
 فاروق: ايوه عايز الصراحه
 مريم: انا كنت عند... يقاطع حديثها دخول رحيم
 رحيم: السلام عليكم يحاج
 (عند لحظه دخول رحيم تهلل وجه مريم كأنه مذهب من شدة الفرح بعودة رحيم بعدما
 ظنت انه لن يعود مرة أخرى للمصنع بعد اسراره على عدم الرجوع ولكن منذ دخوله
 تغير لون وجهها وهذا الأمر الذي جعلها تعض على شفتيها السفلى وهذا الأمر الذي
 جعل الحاج فاروق ينظر الى مريم ويبتسم كأنه قرأ في عينيها ان سبب الهم والحزن
 والتغير الذي كان على وجهها هو رحيم)
 فاروق: اقعد يا بني
 رحيم: قلو لي ان حضرتك كنت عايزني
 مريم: احم احم نحن هنا... ولا حضرتك مش شايف غير الحاج وبس ولا يكون انا
 شفاف
 رحيم: معلش ياست مريم ما خدتش بالي... كيفك
 مريم: الحمد لله بخير.... وبعدين ايه الست مريم الست مريم اللي كل شويه تقولها
 دي... قولي مريم على طول
 رحيم: اصل ماينفعش ياست مريم برضك
 مريم: ايوووه عليك يا جدع... تاني برضوه الست مريم... صعايده يارسول الله... من هنا
 ورايح ما تقوليش غير باسمي وبس مريم لو قلت حاجه غير كده مش هرد عليك
 رحيم: حاضر ياست مريم

رحيم:دي حكاية طويله يطول شرحها...وبعدين ماتتسيش ان انا خريج كلية علوم
يعني الشغل ده تخصصي
مريم:يعني انت معاك شهادة اهو...طب ازاي شغال عامل
رحيم:اهو النصيب
مريم:انا حاسه ان وراك قصة كبيره اوي وانا احساسني عمره مايكدب...الغريب بأه
ان اول مره شوفتك فيها حسيت كأني اعرفك من زمان
رحيم:قصة كبيره...وايه اللي مخليكي تقولي اكده
مريم:عيونك بتقول كده..بتقول كلام كثير...شايه حزن وهم كبير...ما علينا...انا بجد
مبسوطه اوي لما شوفتك انهارده كنت خايفه لتصمم على موقفك وما ترجعش
رحيم:رجعت بس عشان خاطر الحاج فاروق جه الصبح واخذني من السكن..فا ما
كنش ينفع ارفض
مريم:امممم بقا كده وانا اللي كنت فاكره
رحيم:فاكره ايه
مريم:ما تخذش في بالك

ياسر:انت بتقول ايه
مرعي:زري ما قولتلك اكده..مافيش حد من التجار راضي ياخذ المحصول... ده غير
الضرايب اللي على المزارع لسه مادفعتش ده غير المديونيه بتاعت البنك
ياسر:طب انت ليه مابلغتنيش قبل سابق بالكلام ده
مرعي:ماهو عمك جابر هو اللي بياخذ فلوس المحصول
ياسر:عمي
مرعي:ايوه...ولما قولتلو ان علينا مديونيه وضرايب قلبي مالکش صالح انا هدفك كل
حاجه وكل مره يقولي الكلام ده وياخذ الفلوس
ياسر:طب و الفلوس دي بيوديها فين
مرعي:ماخبرش
ياسر:طب وليه التجار مش راضين ياخذو المحصول
مرعي:عشان عمك جابر معامله مع التجار شينه قوي وكل مره يتعارك معاهم
ياسر:بعدين في المصايب دي...طيب روح انت وانا هتصرف

حسان:طب والعمل ايه دلوكيت ياخوي

عبدالعزيز:مش خابر حاسس ان في كابوس...ماهي المصايب لما بتاجي...بتاجي مره واحده

ياسر:فينك يارحيم دلوكيت...لو قاعد ماكنش حصل كل ده
حسان:ومين سمعك ياولدي كان امشي الشغل ده كله لوحد زى الساعه
عبدالعزيز بغضب:بزيدياكم عاد حديت مالوش عازه وخلينا نشوف حل للمصيبيه اللي
احنا فيها دي

جابر:بزياده عاد لحد هنا...ربنا جابها سالمات المره دي ويعالم بعد اكده هيحصل ايه
احلام:انت خايف ولا ايه...احنا لسه بنقول يهادي
جابر:خبر ايه عاد عيزاني اتاجر في السلاح وتقوليلي انت خايف..طبعا لازم
اخاف....وبعدين اخواتي لو سمعو ان باخد الفلوس واشتري بيها اسلح هبقا انا وانت
في خبر كان
احلام:تجارة السلاح عايزه القلب الميت مش اللي يعمل حساب لأخواته
جابر:لحد هنا وكفايه مش هكمل
احلام:براحتك....بس انا مكمله سواء برضاك او غصب عنك
جابر:انتي بتقولي ايه
احلام:زى ما سمعت...انا ما عنديش استعداد ارجع خطوه واحده...انت عايز تهد كل
اللي بحلم بيه من زمان...مش كفايه رحيم كان كاتم على نفسي...
جابر:ولو قولت لا
احلام:بيبقا عليا وعلى اعدائي

مريم:صباح الخير
فاروق:اهلا صباح الهنا
مريم:شكلك مشغول يحاج
فاروق:لا ابدا تعالي
مريم:انا قولت اجي اقعد معاك شويه اصلك وحشتتي
فاروق:امممم تقعدى معايا...ووحشتك برضو
مريم:قصدك ايه بأه
فاروق:لا ولا حاجه....ها قوليلي بأه شكلك مبسوطه كده يترا ليه
مريم:ودي عايزه كلام...اكيد عشان شوفتك طبعا

(واصلة سعاد واسماء السير داخل الجامعة حتى اصطدمت سعاد بشاب)
 محمد: مش تقفحي... كسرتي النضاره
 سعاد: انا اللي افتح برضو انت اللي ماشي مش شايف حد قدامك... وبعدين نضارتك
 دي انا هدفعلك حقها.... وخلصنا
 محمد: وكمان من الصعيد
 سعاد: ومالهم الصعايده... احسن منك مليون مره
 اسماء: بس ياسعاد كفايه يلا بينا هنتأخر على المحاضره
 سعاد: خذ حق النضاره ياحضرة
 (وضعت سعاد النقود في يد محمد ونصرفت من امامه وتركته في حاله من الزهول)
 محمد يبتسم: عشره جنيه.... لا بأه انتي شكلك حكايتك حكايه

فاروق: وانت تعمل كده ليه
 محمد اكرم: يااحاج اسمعني... احنا بنحقن الابقار بنسبة خمسه في الميه ما هو مش
 معقوله يااحاج نضيع مشروع بملايين وهيجيب ملايين عشان خاطر مجرد شك بسيط
 ان هياجى للمستهلك السرطان
 فاروق: تغور الملايين... انت نسيت شغال عند مين... اقول ايه لربنا لما يسألني عن
 الناس اللي هتموت بسبب اللبن اللي بطلعه في السوق....
 محمد اكرم: بس يحاج.... يقاطع حديثه فاروق
 فاروق: ما بسش.... انت من انهارده مالكش عيش هنا.... مش عايز اشوف خلقتك هنا
 تاني... يلا غور من قدامي

اسماء: ايه اللي عملتيه ده
 سعاد: ما انتي كنتي شايفه قلت ادبه... ولا كنتي عيزاني اسكت يعني
 اسماء: طب بس بس الدكتور هيدخل
 سعاد: اسمه ايه الدكتور اللي بيدينا ماده دي
 اسماء: مش عارفه دي اول ما حضره احضره هالو... طب بس بس عشان دخل
 سعاد بزهور: ينهار اسود.... هو انت
 (سعاد كانت في حاله من الزهول عندما رأت الدكتور محمد هو نفس الشاب الذي
 اصطدمت به)
 اسماء: ألحقي شوفي مين.... مش هو ده برضو اللي....
 سعاد: اممم هو

اسماء: هههه مبروك عليكى اول ماده قبل ما تمتحنى
سعاد: الله يبارك فيكى يا حبيبتي ما نجلکش في حاجه وحشه

الدكتور محمد: الصوت انا سامع صوت... انتي قومي
سعاد: انا

الدكتور: ايوه انتي... بتتكلمي ليه
سعاد: انا ما تكلمتش... يقاطع حديها الدكتور
الدكتور: انتي لسه هتشرحي هاتي الكارنيه وطلعي بره يلا

فاروق: انا مش عارف اشكرك ازاي يار حيم يابني
رحيم: لا شكر على واجب يحاج..... انا شوفت حاجه غلط وكان لازم اقولك
عليها... والحمد لله ان حضرتك اتصرفت بحكمه... بدل المحاضر وسين وجيم ومش
بعيد كان المصنع اتقفل بسبب حاجة زي كده
مريم: كفايه كلام في الشغل بأه وخلونا في المهم
فاروق: وايه بأه الأهم من الشغل ياست مريم
مريم: شوف انت بأه... انت مش ناسي حاجه انهارد
فاروق: والله يابنتي الموضوع ده ما خلا فيا عقل
مريم: انهارد عيد ميلادي
فاروق: اخ نسيت... كل سنه وانتي طيبه يا عروسه وعقبال مليون سنه
مريم: وانت طيب يخالو
جمعه: كل سنه وانتي طيبه ياست البنات
مريم: وانت طيب ياريس جمعه
رحيم: بعد اذنك يحاج
فاروق: على فين يابني
رحيم: هروح اكمل شغل انا بقا
مريم: ايه يحاج انت مش هتعزم الريس جمعه ورحيم وحسام وتامر على عيد ميلادي
ولا ايه
فاروق: على رأي المثل ادي الجمل وادي الجمال اهم قصادك اعزميهم بنفسك ياستي
مريم: هنستناكم بالليل او عو ما تجوش
جمعه: ياخبر هو احنا نقدر ما ناچيش ياست البنات
مريم: او عي ما تجيش يار حيم

رحيم:اعذريني انا ياست مريم مش هقدر اجي معلهش
 مريم:توتو انا كده از عل..وز على وحش...ما فيش حاجه اسمها ماتجيش لازم تيجي
 هستناك...قصدي هستناكم اليه
 رحيم:ان شاء الله
 مريم:يعنى وعد
 رحيم:وعد....طب استاذن انا يحاج
 فاروق:اتفضل يابني
 جمعه:خدني معاك يارحيم
 فاروق:الله هو ايه حكاية الجدع ده....انتي زعلتية في حاجه
 مريم:ابدا يخالو
 فاروق:امال مالو
 مريم:هو كده ديما مكشر وواخذ الحياه جد....انا بشك ان عمره ماضك في حياته
 فاروق:بس راجل جدع وشهم
 مريم:بس عنيد اوي عمري ماشوفت كده...تفتكر يخالو ان هياجي عيد ميلادي
 فاروق:والله يابنتي انا اللي اعرفه ان الراجل الصعيدي اذا وعد اوفى
 مريم:توتو ما اعتقدش ان ياخي

اسماء:كفايه بأه عياط ارحمي نفسك
 سعاد:انا خلاص ضعت يااسماء ضعت
 اسماء:ليه بتقولي كده بس...ولا ضعتي ولا حاجه هو بيهددك مش اكرر
 سعاد:مستقبلي ضاع خلاص....مش عارفه اعمل ايه يااسماء
 اسماء:يابنتي افهمي بأه هو كان متغاض منك بسبب الموقف اللي حصل...واللي عمله
 معاك في المحاضره ده مش معناه ان انتي خلاص مستقبلك ضاع...هو بس حب
 يهددك ويعرفك هو بيقا مين بس
 سعاد:طب والعمل دلوقتي
 اسماء:انا عن رأي انتي لازم تروحي مكتبه وتعتذريه
 سعاد:فكرك يعنى لو عملت كده هيشلني من دماغه
 اسماء:جايز

مريم:جايز ايه بس....دى اسمها قلت ادب الساعه داخله على واحده والأستاذ رحيم
 لسه مجاش هو شايف نفسه على ايه

دلال: اهدي يابنتي هو ايه حصل لكل ده
 مريم: ما انتي شايفه ياماما بقالنا كثير مستتين حضرته ما كان يقول مش هاجي
 وخلص ولا هو غاوي يطلع الناس وخلص انا عمري ماشوفت برود بشكل ده
 فاروق: طب انت ما جبت هوش معاكم ليه ياريس جمعه
 جمعه: هو قلبي اسبقني انت وحسام وتامر وانا هحصلكم ومش هتأخر
 فاروق: الغايب حجة معاه
 مريم: على فكره وجوده مش هيفرق احنا نطفي الشمع وننبيسط وشاله ماج... يقاطع
 حديثها صوت جرس الباب
 رحيم: الحاج فاروق موجود
 ام ابراهيم: اه اتفضل
 فاروق: مين يام ابراهيم
 رحيم: انا رحيم يحاج
 فاروق: اهلا وسهلا يابني تعالى ادخل
 رحيم: انا اسف على التأخير
 فاروق: ايه اللي اخرك كده يابني
 رحيم: والله يحاج السواق اللي مكلف يوصل الطليه بتاعت انهارده اتصل بيا وقلبي ان
 المندوب اللي من المفترد يكون معاه عشان يسلم الشحنة ويستلم الوصل قال ان اعتذر
 عشان معاه ظرف طارئ فا كان لازم اروح معاه اوصل الطليه في معادها وادى
 الوصل يحاج... وانا اسف مره ثاني
 فاروق: انا بجد مش عارف اشكرك ازاي يابني انت بجد راجل يعتمد عليه ربنا يبارك
 في شبابك وعفيتك
 مريم: بعد اذنكم
 رحيم: استني ياست مريم
 مريم: نعم
 رحيم: كل سنه وانت طيبه اتفضلي مني الهديه المتواضعه دي يارب تعجبك
 مريم: مع ان متعصبه بسببك... بس ماشي هعدالك المرادي... وبعدين ايه الهديه دي
 بأه
 رحيم: افتحها وشوفها
 مريم: ايووه... ديوان لعمره حسن مره واحده بجد اجمل هديه جاتني في حياتي
 ميرسي اوي يارحيم على ذوقك
 رحيم: يعني عجبك

مریم:اوي
دلال:طب يلا نطفي الشمع بأه
مریم:يلا

ياسر:ايه اللي مسهرك لحد دلوقتي ما نعستيش ليه
حنان:مش جايني نوم
ياسر:ايه يا حبيبتي اكده..مالك بس فيكي ايه
حنان:ما فيش...هقوم احضرك الوكل
ياسر:لا..استتي مش عايز اكل....لازمن اعرف مالك...انا جوزك ولازمن اعرف
اللى مدايقك ومعكنن عليكي...احنا من يوم ما اتجوزنا وانتي مش بتتكلمي معايا كأنك
مغصوبه على جوازك مني
حنان:ياه دلوكيت حسيت
ياسر:طب لما انتي مش عيزاني وافقتي ليه
حنان:ومن ميني البنات اهنه ليها راي
ياسر:بس انا بحبك
حنان:وهعمل ايه بحبك ده..اذا كنت انا حاسه كأنى قاعده معاك جسد بدون روح
ياسر:لدرجة دي بتكرهيني
حنان:انا مش بكرهك...انا عمري ما شوفتك ولا اتخيلتك حتى ان انت هتبقى في يوم
جوزي.. طول عمري وانا شيفاك ود عمي وبس
ياسر:اسمعي يابت الناس...انا طول عمري بستنى اليوم اللي يتقفل علينا باب واحد
وتكونى حلالي....وانا حبيتك وجوزتك بالحلال....واللي بيحب حد لازمن يعمل اي
حاجه عشان يشوف اللى بيحبه مبسوط وفرحان....وعشان اكده انا بوعدك ان مش
هجبرك على العيشه معايا....انا هديكي مهله تراودي فيها نفسك لحد ما نخلص من
المصيبه اللى ابوكي ورطنا فيها وبعد اكده....انا من طريق وانتي من طريق
وبتمناللك كل خير...بس عايزك تعرفي حاجه واحده ان حبيتك اكثر من نفسي و عمري
ما حبيت حد قبلك ولا هحب حد بعدك

مریم:طلعت مره واحده وقاعد لوحدك في الجنينه...بتفكر في ايه
رحيم:ما فيش...كنت محتاج اقعد لوحدى شويه
مریم:انا اسفه....بس انا جيت اديك الطبق وامشي على طول....اتفضل
رحيم:متشكر جدا

مریم: عايز حاجه تاني

رحيم: لا متشكر كفايه الحلو

مریم: طب بعد اذنك

رحيم: اتفضلني

(تخطو مریم خطوه قصيره ثم تلتفت الى رحيم مره اخرى)

مریم: انت ليه بتعاملني كده

رحيم: يعاملك ازاي

مریم: زي ما تكون غاوي تعصبي والسلام... وبتتعمد تتجاهلني... والتجاهل ده مش مره ولا اتنين... اول مره يوم ما جيت عندكم وفضلت اترجى فيك عشان ترجع الشغل وانت رافض... ولما رجعت قولتلي انك رجعت عشان خاطر الحاج... والمره التانيه لما كنت في المكتب وعرفت ان عيد ميلادى الليله ما كلفتش نفسك حتى تقولى كل سنه وانتى طيبه وقلت بعد اذنك يحاج وكنت ماشي... وانهارده حضرتك اتأخرت على معادك.. ودلوقتي سبتني وطلعت

رحيم: سبتك

مریم: قصدي سبتنا وطلعت بره ولا كأنك قاعد مع ناس... واهو دلوقتي بتحاول

تتجاهلني

رحيم: وتفتكري بكون قاصد اعمل اكده ولا يمكن في ظروف هي اللي بتجبرني ان

اعمل اكده

مریم: مش عارفه... ساعات بحس ان انت بتكون قاصد تعصبي... وساعات بحس ان جواك هموم وحزن وألم... زي ما تكون عايز تصرخ وتقول اه من شدة الوجع اللي جواك بس بدريها ورا نظرتك الحاده وكلامك الجد واهتمامك بشغلك وقعدتك لوحداك

رحيم: انتي عرفتي كل ده كيف

مریم: اللي بيحب حد بجد بيحس بكل حاجه جواه وانا حبيبتك بجد

رحيم: انتي بتقولي ايه... حبتيني كيف يعني

مریم: ايوه حبيبتك يارحيم... حبيبتك من اول مره شوفتك فيها حبيت شخصيتك اللي كل

ما اقرب منها اتعلم منها كثير... انت علمتني ازاي اكون انسانه علمتني يعني ايه

افرق بين الراجل الشخصية اللي بياكل من عرق جبينه اللي مش بيخاف من حد مهما

كان اسمه ومركزه وبين الراجل اللي عايش على اسم ابوه وامه وان لازم كل سنه

يغير عربيه جديده واهم حاجه يلاقي الفيزا بتاعته فيها فلوس... يارحيم انا اتعلمت منك

كثير... وانا اتغيرت بسببك انا كنت فاكه الحياه فسح وفلوس ولبس وعربيات وسهر

وضحك وبس لحد ما جيت انت وعلمتني درس عمري ماهنساه... درس في الاخلاق

والادب والخوف على صاحبك ودفاع عنه مهما كانت النتيجة وحب الخير والشهامه
والرجوله والانسانيه اتعلمت منك كثير اوي

رحيم:بس انا مش جاي هنا احب واتسلى انا جاي هنا اشتغل وبس

مريم:بس انا بحبك

رحيم:مش هينفع

مريم:وايه اللي هيخليه مش هينفع

رحيم:في حاجات كثير انتي ماتعرفهاش في حاجات لو عرفتها ممكن الحب ده اللي

بتقولي عليه دلوقتي يتبخر زي الدخان...صدقيني يامريم انا خايف عليك وبقولك

بلاش..لأنك مش فاهمه حاجه

مريم:فهمني...لو انا مش فاهمه فهمني

رحيم:ماقدرش

مريم:رحيم انا بحبك ومش شايفه في الدنيا دي غيرك وما عنديش استعداد ان اتنازل

عن حبي ليك لحظه واحده مهما حصل افهمني بأه

رحيم بغضب:انتى اللي تفهميني...مش هينفع تحبيني...انا مانفعكيش.....يمكن لو

شوفتك زمان كنت حبيتك اكثر من نفسي...انما دلوقتي مش هينفع...عشان كده بقولك

بلاش انا... وشوفي حد تانى من لونك يشبهك وتشبهيه من مركزك رحته زى رحتك

احلامه زي احلامك انما انا لا...انا راجل على باب الله كل يوم باخد غربتي في

حضني وبنام واحنا بنفكر بكره هيعدي علينا كيف...يترا خير ولا شر..حلو ولا مر

مريم:وهيفرق ايه ان لو شوفتتي زمان من دلوقتي طول ما النتيجة واحده

رحيم:هتفرق كثير

مريم:هتفرق في ايه

رحيم:هتفرق في ان لو شوفتك زمان كنت غصب عني او بارادتي كنت هحبك....لان

انتى كل ما فيكى يتحب عصبيتك هدوئك عنادك طريقة تفكيرك نظرتك ابتسامتك

مشيتك لبسك كسوفك كل ما فيكى يجبر اللى قصادك ان يحبك من غير ماحتى

يفكر....انما دلوقتي ماينفعش....حتى لو حبيتك عمري ماهقدر ابوح بالحب ده ليكى

وهفضل كاتمه جواي عشان الوقت غير الوقت

مريم:يعني انت بتحبني وبتكابر....انت ايه ياأخي كل حياتك عناد في عناد حتى الحب

عندك بدخله في دايره العناد

رحيم:ماتحكيمش عليا ظلم....انتى ما تعرفيش ظروفى ايه

مریم: انا مالیش دعوه بظروفك... انا اللي اعرفه ان الحب الصادق مش بتقف قصاده ظروف... ولآخر مره بقولك انا بحبك ومش هسمح لأي حاجة انها تبعدني عنك لحظه واحده

رحيم: وانا بقولك مش هينفع

مریم: طب سؤال وجوبني بصراحه

رحيم: اتفضلي

مریم: انت بتحبنى زي ما انا بحبك

رحيم: وانا مش هقدر اجاوب على سؤالك

مریم بدموع: تمام كده حلو اوي.... وخليك فاكرا ان انت كسرت قلبي اللي عمره

ماعرف طريق الحب الا على اديك.... اول مره اختار واختياري يطلع غلط

حسام: ليه عملت اكده

تامر: البنيت بتحبك... وانت بكلامك ده كسرت قلبها

رحيم: مش هينفع.... الحاج فاروق راجل زين وانا ما قدرش امسه بضرر

حسام: وايه الضرر في اكده عاد.... هي بتحبك وعيزاك في الحلال

رحيم: افهمني يا حسام... لما انا اروح اكلم الحاج في موضوع زي اكده... مش هيفكر

زي ما انتم بتفكروا دلوقتي... بل بالعكس هيفكر ان بضحك عليها وعليه وان طمعان

في الفلوس والثروه اللي يمتلكها خصوصا ان الفتره اللي عرفت فيها مریم قصيره

جدا.... بيبقا واضحه اوى ان داخل على طمع.... الناس دي مش بتفكر زينا ياعم

حسام... الناس دي كل فكره عندهم بفلوس فهمت

جمعه: رحيم عنده حق في كل كلمة بيقولها.... وممكن الحب اللي بتقول عليه الست

مریم مجرد رغبه وطلب من مجموعه طلبات بتطلبها وبتاجيها لحد عندها

رحيم: وهو ده اللي انا خايف منه.... وبعدين الحب دلوكيت مش وقته... انا في ايه ولا

ايه

فاروق: مالك يا بنتي فيكي ايه

مریم: ما فيش يخالو

فاروق: عليا انا برضو.... انتي امبارح كنتي مبسوطه وفرحانه لحد ما خرجتني في

الجنيهه وقعدتني تتكلمى مع رحيم ورجعتي وشك متغير وبتمسحي دموعك... حصل ايه

بأه وما تخبيش عليا

مریم: ما فيش اتكلمنا عادي وكالعاده قلبي كلام يعصبنى فا زعلت منه بس

فاروق: اتعلمتي تخبي على خالو
 مريم: ابدا يخالو هو ده اللي حصل
 فاروق: لا مش ده اللي حصل.... عموما انا هسألك سؤال وتجاوبيني عليه بكل
 صراحه.... انتي في بينك وبين رحيم حاجه
 مريم: حاجه زي ايه
 فاروق: او عي تكوني فاكراه ان مش واخذ بالي من اللي بيحصل.... انتي كل ما تشوفي
 رحيم بتتغيري مليون درجه... انتي بتحبي رحيم صارحيني يابنتي
 مريم: بصراحه اه
 فاروق: طب وهو
 مريم: اه.. لا... مش عارفه
 فاروق: بيحبك ولا... لا
 مريم: انا سألته السؤال ده وقلتي ما قدرش اجاوبك
 فاروق: وتفتكري ايه اللي يمنعك ان يجاوب على سؤالك
 مريم: مش عارفه.... بيقولي ان ظروفه ما تسمحش ان يفكر في الحب... ومش عايز
 يعلقني بيه وان خايف عليا من الطريق دي
 فاروق: غريبه...
 مريم: واياه الغريب في كده
 فاروق: هو الجدع ده ايه حكايته انا اول مره اشوف حد في الزمن ده بيفكر بطريقه دي
 مريم: يعني ايه مش فاهمه
 فاروق: يعني لو حد غيره كان ضحك عليك وقلك وانا بحبك وعايز اتجوزك انهارده
 قبل بكره بس في الحقيقه مش هيعمل كده غير اللي طمعان فيكي وفي الثروه اللي
 عايشه فيها بمعنى اصح هيكون عاوز فلوسك مش عايزك انتي.... انما رحيم ده باين
 عليه ابن ناس وعنيه مليانه وعافل جدا وبيفكر صح ومش بياخذ خطوه لقدام الا لما
 يكون عامل حسابها... بس ده مايمنعش ان لازم قبل ما تحبيه تعرفي هو مين لازم
 تعرفي اصله وفصله.... على العموم يابنتي انا مش ضد الحب الحلال الصادق.... بس
 ضد التسرع في الاختيار والسير خلف موازنه الشئ بالقلب قبل العقل والحكمه

سهير: بزيداكي عياط... تعالي في حضني
 حنان بدموع: انا ما حبتش في حياتي غير رحيم يامرت عمي.. ومش قادره انساه
 سهير: لازم تنسيه يابنتي

حنان: انساه كيف وهو مش بيفارق خيالي لحظه واحده.. بكون نايمه في حضن ياسر
 وروحي مع رحيم
 سهير: اللي بتعمليه ده غلط يحنان... انتي دلوكيت متجوزه يعني على ذمة راجل...
 بلاش تخربي على نفسك... ولا تعلقى نفسك بحبال دايبه رحيم مش هيعاود... رحيم
 خلاص ماعدش من عيلة المصري
 حنان: بس حبيته يامرت عمي
 سهير: مش انتي لوحدك اللي حبتيه.... رحيم ده مش من بطني لكن ربيته زي عماد
 وغاده رحيم ده كان حياتي ونور عنيا اللي بشوف بيها وعمري ما حسيت ان مش
 ابني... بزيداكي يحنان قلبتي عليا المواجه انا ما بصدق انسى

الدكتور محمد: ادخل
 سعاد: صباح الخير يادكتور
 محمد: عايزه ايه
 سعاد: انا جايه اعتذر عن اللي حصل مني... بجد ماكنتش اعرف حضرتك
 محمد: اعتذارك مرفوض
 سعاد: طيب بعد اذنك
 محمد: استني
 سعاد: نعم
 محمد: تعالي اقعدى.... قولتيلي اسمك ايه
 سعاد: اسمي سعاد

ساره: انت امتى هتيجي تطلب يدي من بابا
 احمد: في اقرب وقت يا حبيتي
 ساره: يعني امتى برضو
 احمد: يوه ما قولتلك قريب
 ساره: طب براحه ماتتعبش هو انت كل ما كلمك تتعصب
 احمد: ما انتي ياساره اللي كلامك ينرفز بصراحه... وما فيش على لسانك غير امتى
 هتقابل بابا امتى هتطلب ايدي من بابا مش كده
 ساره: ما انا عايزه اطمن يا حبيبي
 احمد: اطمني.... واطمني اوي كمان... انا بحبك يا عبيطه ومش عايز غيرك... بس انتي
 عارفه ان الدنيا متلخبطة معايا اليومين دول.... اصبري عليا

ساره: اديني صابره اما اشوف اخرتها

احمد: اخرتها خير... اخرتها جواز

ساره: بجد يا حبيبي

احمد: بجد طبعاً هو الكلام ده فيه هزار

ساره: طب امتي

احمد: تاني... تاني نفس السؤال

ساره: ماهو يا احمد انا ز هقت كل مره تقولى ظروف... وانا بصراحه بيتقدملي عرسان

كثير وانا برفض وكل مره اطلع بحجه جديده ومش هفضل على الحال ده كثير... بابا

وماما حاسه انهم شاكين في حاجه خصوصاً انهم بيسألوني كل يوم رايحه فين وجايه

من فين وانا انهارده بالعافيه عرفت اقبالك فا حاول تتجز وتخلص نفسك

احمد: ان شاء الله يا حبيبي اخلص ورق السفر... واجي اطلب ايدك على طول

ساره: بجد

احمد: ايوه بجد... ها عايزه تقولى حاجه تاني قبل ما امشي

ساره: بحبك

احمد: وانا كمان

محمد: مالك مكسوفه ولا ايه

سعاد: يعني... مش متعوده اقعدي في مكان عام وكل الناس تطلع فيا اكده

محمد: وفيها ايه عادي يمكن عشان مستغربه المكان بس... بصي هنا الحياه غير عندكم

في الصعيد هنا الحياه عادي

سعاد: انا لازم امشي اتأخرت

محمد: تمشي ايه هو احنا لسه قعدنا

سعاد: معلش يادكتور لازم امشي

محمد: لا مش هتمشي... وبعدين ما تقوليش دكتور تاني

سعاد: امال اقولك ايه

محمد: قوليلي محمد... احنا مش في محاضره عشان تقوليلي دكتور... المهم تشربي ايه

سعاد: لا متشكره... انا همشي

محمد: تاني برضو

سعاد: معلش

عفاف: مالك فيك ايه بس يا حبيبي

عمر: سامحيني يا عفاف
 عفاف: اسامحك على ايه
 عمر بدموع: انا روحت لدكتور انهارده.... وطلع العيب مني انا... كان نفسي في ولد
 منك يشيل اسمي
 عفاف: بس ما تعملش في روحك اكده... ربنا هيعوضنا خير
 عمر: انا حاسس ان ظلمتك معايا
 عفاف: ما تقولش اكده... انت كده بتعترض على امر ربنا
 عمر: وانتى ذنبك ايه تتحرمي من انك تكوني ام.... انتي لازم تكوني ام
 عفاف: بس ربنا مش رايد ان اكون ام.... واحنا ما نملكش غير ان نقول يارب
 عمر: لا... يعفاف انا ما قدرش اعيش معاكي تاني لان كل ما هبص في عنيني هحس
 ان ظلمتك معايا....
 عفاف بدموع: انت ايه اللي بتقوله ده.... انا بحبك وماقدرش استغنى عنك وهفضل
 خدامه تحت رجلك طول عمري قوم اتوضى وصلي ركعتين لله وانت هتبقى
 احسن... يلا... وانا هقوم احضرك الوكل

تامر: صعبانه عليا
 حسام: هي مين اللي صعبانه عليك يا حنين
 تامر: الست مريم
 حسام: اشمعنا
 تامر: يعني انت مش شايف لهفتها على رحيم... يا عيني بقالها يومين تاجي المصنع
 بدور عليه وبتكون عايزه تسأل عليه بس مكسوفه
 حسام: طب بس بس... احسن جايه علينا
 مريم: عاملين ايه
 تامر: الحمد لله ياست مريم
 حسام: ايه اخبار الست دلال
 مريم: الحمد بخير يحسام.. يتسلم عليكم
 تامر: مالك ياست مريم... انتي بدوري على حد
 مريم: لا ابداء... صحيح هو رحيم مش بينزل الشغل ليه
 حسام: رحيم مريض والدكتور قال لازم يرتاح
 مريم بخوف: وليه ما حدش قلبي... قصدي ليه ما قلتوش للحاج
 تامر: لا ما هو الحاج عارف وقام بالواجب وقال لريس جمعه ان يقعد جنبه لحد ما يخف

مریم:طب ممکن بعد ما تخلصو شغل تبلیغوني عشان ارواح ازوره
حسام:تمام... احنا خلاص كلها ساعه ونخلص

عماد:لا دي حاله مايتسكتش عليها
زینہ:ما انا کویسه اهو
عماد:یعني انتي لا بتاکلی ولا بتشربي وتقوليلي کویسه لازم نروح لدكتور
زینہ:والله انا کویسه ماتخفش عليا
عماد:طب لو انتي کویسه خدي مني حنة اللحمه دي يلا يا حبيبتي
زینہ:لا مش قادره حاسه ان هرجع ونفسي في حاجه حادقه
عماد بفرح:بتقولي ايه....الكلام ده صوح ولا انا بحلم
زینہ:هو ايه اللى صح
عماد:ده وحم...انتی بتتوحمي.....انا هبقا اب...انا هبقا اب...ياماي يابوي يناس انا
هبقا اب
زینہ:اهدى اهدى...انت بتعمل ايه
عماد:من انهارده مش عايزك تعملى حاجة واصل...انتی تقضلي في السرير وكل
حاجه تعوزيها هتاجيكي لحد عندك...بس عشان خاطري لازم تاكلي

رحيم:مش قادر اكل
جمعه:لازم تاكل انت صحتك في النازل....ايه اللي جراك ياود الناس....دي عين
وصابتك
تامر:ايه اخبارك يابطل
جمعه:اها الحمد لله جيتو في وقتكم...رحيم مش راضي ياكل وتاعبني من الصبح
حسام:ازاي الكلام ده...لازم تاكل يارحيم عشان تقدر تقاوم
تامر:انا اللي هعرف اخليه ياكل ازاي....اظهر وبان عليك الامان
(رحيم يصح من وضعه ويتكأ في وضعية الجلوس بعد ظهور مریم)
رحيم:مریم
مریم:عامل ايه يارحيم
رحيم:الحمد لله احسن من الأول
جمعه:اتقضلي ياست مریم
مریم:مش عايز تاكل ليه بأه
رحيم:ماليش نفس

مریم: مافیش حاجه اسمها مالکش نفس... لازم تاکل
 جمعه: ایوه یاست مریم قولیلو عشان انا تعبت معاه
 مریم: الاستاذ بیدلع... هات الأکل وانا هأکله بنفسی
 تامر: طب یلا بینا یحسام

حسام: علی فین

تامر: عایزک فی موضوع... یلا خف نفسک امال

جمعه: وانا هقوم اتوضی وصلی

مریم: یلا بأه خد من ایدی

رحیم: مش قادر

مریم: لا انا کده از عل وز علی وحش علی صحتک

رحیم: هههه

مریم: ما انت بتعرف تضحک اهو

رحیم: أنا مش کئیب والله صدقنی أنا بس حزنی الخام نسبة کحولہ کثیر لکنی باعرف

اطیر وبعرف اضحک کویس وبعرف اسمع اغانی وامشی اردها....

مریم: الله... انت شکک بتحب الشاعر عمرو حسن

رحیم: اوی عمرو حسن ده عشق لاینتهی

مریم: طب ممکن بأه تاکل

رحیم: مش هقدر

مریم: طب انا هاکل معاک ونشوف مین اللي یاکل اکثر یاعم الصعیدی

(اخذت مریم تاکل وتتنظر الی عیون رحیم... وكذلك اخذت تضع مریم الطعام فی فم

رحیم وهو ینظر الی عینیها)

مریم: برافو... اهو انت کده صعیدی بجد... یلا بأه کمل الطبق

رحیم: لا کده کثیر... مش هقدر تانی کفایه

مریم: عشان خاطری دی وبس

رحیم: اهو... عشان ماتر علیش

مریم: یلا بقا عشان تاخذ الدوه

رحیم: مریم

مریم: نعم

رحیم: انتی لسه ز علانہ منی

مریم: انا عمری ما از عل منک مهما حصل

رحیم: یعنی مش ز علانہ

مریم:تؤتو

رحيم:انا ما كنش قصدي اجرحك...بس ربنا يعلم ان خايف عليكي...تقاطع حديثه
مریم بوضع يدها على فمه

مریم:ما تتكلمش انا عارفه اللي هتقوله...مممكن تسبني بأه املي عنيا منك...مممكن
تسكت خالص وما تتكلمش عايزه عنيك هي بس اللي تتكلم
رحيم:وهتفهمني لغة عنيا

مریم:جربني....قول كل اللي انت عايزه في صمت وانا هعرف كل حاجة من لمعة
عيونك

رحيم:طب اهو

(واخذت مریم تنظر في عيون رحيم وهو كذلك اخذ يبادلها تلك النظرات...حتى
اقتربة مریم من رحيم ووضعت يدها على يديه واخذت تقترب منه اكثر حتى اعطته
قبله واخذت تتمادا في تقبيلها لرحيم)

مریم:بحبك

رحيم:طب واخرت الحب ده ايه انا خايف عليكي

مریم:ماتخفش عليا...طول ما انت جنبني بيقا انا في امان

محمد:فا عشان كده انا مش عايزك تخافي من حاجة

سعاد:بس يادكتور...قصدي يامحمد احنا لسه ما نعرفش بعض وبعدين شوف انت

مركزك فين وانا فين...انت دكتور وانا طالبه عندك

محمد:مالوش لزمه الكلام ده....انا من اول ماشوفتك وانا مش عارف اتلم على
نفسي...انا حبيتك من اول نظره...وبعدين فيها ايه لو استنيتك تخلصي كليه ونتجوز
سعاد:نتجوز؟

محمد:ايه مالك مستغربه ليه

سعاد:مش مستغربه ولا حاجة...بس اللي هو ازاي بسرعه دي انت لسه ماتعرفش

عني حاجة وكل اللي تعرفه ان من الصعيد وبس

محمد:الحب مافهوش التفاصيل اللي انتي بتقولي عليها

سعاد:طب مش جايز التفاصيل دي هي اللي تخليك تغير رأيك

محمد:قصدك ايه

سعاد:محمد....انا جايه اتعلم وبس...انا على كد حالي ويديوب بعرف اجيب حق الكتب

بتاعة السنه وانا بصراحه مش عايزه حاجة تعطلني عن مستقبلتي...انا اسفه مش

هينفع..ويلا عشان بجد اتأخرت ولازم من امشي.....يقاطع تفكيرها دخول شهد

شهد: الله مالك يسعاد قاعده لوحذك ليه ويترا سرحانه في ايه
 سعاد: مافيش يخاله
 شهد: ماتخبيش عليا انا زي امك
 سعاد: مش عارفه يخاله اقولك ايه
 شهد: قولني وماتخبيش
 سعاد: انا هقولك وامري لله بس ماتقوليش لأمي
 شهد: ماتخبيش مش هقولها حاجه
 سعاد: تمام... بصي ياستي.....

فاروق: حمد لله على سلامتك خضتنا عليك يا بني
 رحيم: الله يسلمك يحاج
 فاروق: مش كان قعدة كام يوم كمان زي ما دكتور قال
 جمعه: مافيش فايده يحاج قتلنو وبرضو اللي في دماغه عمله
 حسام: رحيم صاحبي وانا عارفه يحاج مايبحبش قعدة البيت واصل
 تامر: هو كده طول عمره لازم يااجي على نفسه وعلى صحته
 فاروق: عموما حمد لله على سلامتك... بس مش عايزك تضغط نفسك في الشغل ولو
 حسيت باي تعب روح وماتكابرش اهم حاجه صحتك يا بني
 رحيم: ماتخفش عليا يحاج انا بقيت كويس الحمد لله
 (وهنا يشعر فاروق برجفه في قلبه ووضع يده على قلبه وظل يتنفس بصعوبه كأنه
 يتنفس من ثقب ابره)
 جمعه: مالك يحاج
 فاروق: مش عارف ياريس جمعه... مش قادر اخذ نفسي
 (لم يكمل فاروق الكلمه حتى سقط على الأرض)

ياسر: طب ممكن اشوفه يادكتور
 الطبيب: مش هينفع حضرتك
 ياسر: ماعلش يادكتور نفسي اشوفه
 الطبيب: مش عارف اقولك ايه... انا مقدر الحاله اللي انت فيها... عموما انا هخليك
 تدخل تشوفه... بس دقيقه واحده
 ياسر: ربنا يخليك يادكتور

(تم دخول ياسر الى الغرفة التي يوجد بها العمده حامد المصري)
ياسر بدموع:كيفك يا جدي وحشني قوي قوي انا عارف ان انت مش سامعني دلوكيت
بس جيت اقولك واحكيلك وطلع كل اللي جواي الهموم زادت عليا يا جدي ومش
عارف اعمل ايه الدنيا معانده معاي ومش راضيه تصالخلي بقيت وحدي في الدنيا من
بعديك انت ورحيم... لو انت واقف على رجلك دلوكيت كنت هتقولي اعمل ايه في
المصايب اللي فوق راسي دي نفسي ترجع زي الاول وحكيلك على اللي جواي
احكيلك عن عمي جابر اللي عمال بيعزق في الفلوس وانا شايفه بيضيع تعبك وتعب
رحيم على الفاضي وانا مش عارف اتصرف واقف بتقترح كأي متكتف... ولا اقولك
على رحيم اللي سابني لوحدي بطولي سابني وساب الشك يقتل فيا مش عارف ان كان
هو ود عمي صوح ولا زي ما قال ود اخوك عاصم ان مش ود عمي ولا
احكيلك على بت عمي اللي هي مرتي احكيلك عنها انها مجبوره على العيشه معاي
وظلعت مش بتحبني وانها بتخاف ما اقرب منها... احكيلك على ايه ولا ايه.
(في هذه اللحظة يحرك العمده يديه)

ياسر بفرح:جدي انت حركت ايدك دلوكيت
(واخذ ينادي ياسر على الطبيب)

الطبيب:في ايه

ياسر:جدي يادكتور حرك يده

الطبيب:لا حول ولا قوة الا بالله.... اهدى بس... انت شكلك اعصابك تعبانه
شويه... تعالى معايا المكتب دلوقتي

ياسر بغضب:انت مفكرني مجنون بقولك حرك ايده دلوكيت
(وهنا اخذ العمده يحرك يديه مرة اخرى)

ياسر:اهو يادكتور عشان تصدقني

الطبيب:مش معقول.... كلامك صحيح كل المؤشرات اتغيرة والحاله بتتحسن بشكل
ملحوظ

(واخذ العمده يشير الى فمه لكي يرفعوه عنه مدخل التنفس لكي يتمكن من التحدث وتم
رفع مدخل التنفس بالفعل واخذ العمده يتحدث بكلمة يعقبها صمت طويل)

العمده:رحيم

ياسر:مالو

العمده:عايز اشوف رحيم

ياسر:حاضر يا جدي هتشوفه

الطبيب:بس كفايه مش هينفع كده.... كده في خطر على حياته لو سمحت اتفضل معايا

(وخرج ياسر من الغرفة والدموع تسيل من عينيه فرحا)

جمعه: الف سلامة عليك يحاج
 فاروق: الله يسلمك ياريس جمعه... مش عارف اشكركم ازاي على وقفتم جنبني
 رحيم: ماتقولش اكده يحاج احنا زي اولادك
 فاروق: ربنا يخليك يارحيم
 جمعه: تامر وحسام راحو يجيبو الدوه اتأخرو ليه اكده... يقاطع حديثه دخول تامر
 وحسام
 حسام: معلش اتأخرنا الصيدليه كانت زحمه
 رحيم: بيلا يحاج عشان تاخذ الدوه
 مريم: خضتتي عليك يخالو
 فاروق: ما تخفيش عليا يامريم انا لسه شباب
 دلال: ما هي ثقتك في نفسك دي هي اللي بتخوفني عليك
 الكل: ههههه
 تامر: اهم حاجه نسمع كلام الدكتور يحاج... الراحه التامه عشان ماتحصلش اي
 مضاعفات
 فاروق: طب والشغل يابني
 جمعه: عيب عليك الكلام ده يحاج وانا والشباب روحنا فين... ماتقلقش من ناحية الشغل
 واصل
 فاروق: اصيل ياريس جمعه طول عمرك واقف جنبني
 جمعه: كله بفضلة خيرك يحاج... اهم حاجة دلوكيت تقوم بسلامه وكل حاجة هتلاقيها
 زي مكانت كانك موجود بالظبط
 مريم: في ايه يجماعه واقفين ليه اتفضلو اقعدو... يقاطع حديثها دخول ام ابراهيم
 ام ابراهيم: ياست مريم
 مريم: نعم يام ابراهيم
 ام ابراهيم: في واحد بره عايز حضرتك
 مريم: ماقلش مين
 ام ابراهيم: بيقول دكتور محمد وبيقول كمان ان عمك
 مريم: ايووووه نسيت خليه يدخل بسرعه وانا جايه وراكي
 فاروق: هو عادل ليه اخوات وانا ماعرفش ولا ايه

دلال:ايوه ده محمد دكتور في كلية الطب البيطري كان عايش في امريكا من زمان
ومايعرفش حد هنا ولا حتى حضر فرح اخوه عادل لما اتجوزني
فاروق:لما هو عايش في امريكا من زمان ومايعرفش حاجه خالص عرف مريم ازاي
وعرف العنوان بتاعنا من فين
مريم:انا اقولك يحاج...اما كنت قاعده عند بابا بعد ماانفصل هو وماما سافرنا انا
وهو امريكا وقعدنا عند عمو محمد هناك والاسبوع ده نزل مصر وكلمني وانا اديته
العنوان...بعد اذنكم بأه عشان اسلم على عمو احسن وحشني اوي.
لوچين:يابنتي ارحميني

انا تعبت من كتر اللف في المحلات
ساره:معلش ياقلبي اخر مول ده ندخله وبعد كده هنروح
لوچين:لا ياحبتي انا رجلي مش قادره اقف عليها والمرسي ابو العباس لو حصلي
حاجه انهازه لنزعلو معاكي انتي خلصتي عليا
ساره:فينك يامريم ياصحبتني...كانت تمشي اسكندريه كلها على رجل وماتشتكيش
مش انتي من اربع ساعات مشي عماله تصرخي وقلبهالي مناچه
لوچين:يقا كده...خلي مريم تنفعلك بأه سلام
ساره:استتي طيب بنهزرو معاكي هو انا ليا بركه غيرك ياجميل انت
لوچين:اهو كده اعدل ياابا
ساره:طب يلا ادخلي معايا بأه
لوچين:وربنا المعبود ماانا متحرکه من مكاني ادخلي انتي وانا مستتياكي هنا بس
متأخريش احسن اسيبك وامشي
ساره:اوک مش هتأخر
(بعد دخول ساره المول وترکت صديقتها لوچين خارج المول..... لوچين رأّت احمد
في السيارة مع فتاه ولكنها لم تتأكد منه)
لوچين تحدثت نفسها:مش ده احمد برضو ولا انا بيتهياي...ولو ده احمد مين البنّت اللي
معاها في العربية

مريم:عمو... وحشتني اوي اوي ياعمو
محمد:وانتي كمان يامريم...طميني عليكي
مريم:الحمد لله بخير المهم انت طمني عليك بقالك اسبوع في اسكندريه ومتسألش
عليا....يقاطع حديثها دخول اسماء
اسماء:مريم طميني على بابا عامل ايه

مريم: اطمني هو بخير الدكتور طمنا عليه متقلقيش... صحيح نسيت اعرفكم على بعض.. دى بقا اسماء بنت خالي... وده ياستي يبقا عمو الدكتور محمد اسماء: انتى هتعرفيني على دكتورى... بس بصراحه اول مره اعرف ان عمك محمد: اه اتقابلنا في الكلية قبل كده بس مع الأسف ماكنتش اعرف انها بنت خالك مريم: اما انا غيبه بشكل نسيت ان هى في كلية طب بيطري وانت دكتور في كلية طب بيطري... طب يلا ياست اسماء عشان تطمني على الحاج وانت ياعمو اما اعرفك على خالو وماما

ساره: ايه اتأخرت عليكي

لوجين: لا

ساره: ايه مالك في ايه

لوجين: ساره هو انتي متأكده ان احمد قلك ان تعبان ومش هينزل انهارده

ساره: اه... بس بتسألني ليه؟

لوجين: جايز

ساره: هو ايه اللي جايز اتكلمي على طول يالوجين

لوجين: بصراحه انا شوفت احمد راكب عربيه مع بنت

ساره: بتقولي ايه

لوجين: زي ما بقولك كده

ساره: بس احمد مش معاه عربيه

لوجين: مش هو اللي كان سايق.

ساره: يمكن بيتهيا لك يابنتي

لوجين: جايز..... ويلا باه عشان انا تعبت وشكلي هشرف على السرير انهارده

محمد: زي ما بقولك كده

مريم: يعني انت عايز تقنعني ان حضرتك سبت بنات امريكا كلهم وبنات اسكندريه

كلهم وما فيش بنت عجبك غير دي

محمد: الحب ما بيعترفش بالكلام اللي بتقوليه ده... الحب الصادق بيجي فجأه وصدفه

وهو ده اللي حصلي مع سعاد زي ماتقولي كده حب من اول نظره

مريم: ياسيدي ياسيدي... وبقينا بنعرف نقول كلام رومنسي اهو

محمد: تصدقي انا غلطان ان بحكيك اصلا

مريم: لا لا بنهزرو معاك ياعمو احنا اصحاب مش كده ولا ايه يحماده

محمد: حماده؟..... ماشي ياست مريم..... ها احكي انتي بأه
 مريم: احكيك ايه
 محمد: تحكي ايه؟..... مانتتي اللي قولتيلي ان عايزه اتكلم معاك كثير..... احكي يلا
 مخبيه ايه
 مريم: مش مخبيه حاجه
 محمد: كده... بييقا سلامو عليكم
 مريم: استنى بس يحماده انت ديما سريع اوي كده.... بس بجد احكيك ايه ماهو انا مش
 عارفه
 محمد: بس انا عارف
 مريم: عارف ايه
 محمد: امممم عليا انا برضو... ولا انتي فاكره ان ماخنتش بالي
 مريم: تقصد ايه
 محمد: امممم اعلمى عبيطه بأه.... اقصد النظرات وعنيكي اللي كانت فضحاكي طول
 ما احنا قاعدين وعنيكي ما نزلتتش من عليه.... وكلامك اللي ماكنش غير عليه هو
 وبس عماله حضرتك تمدحي فيه وهو يا عيني قاعد مكسوف
 مريم: انت تقصد مين؟
 محمد: هو في غيره رحيم طبعا
 مريم: باستحياء: هو كان باين عليا اوي كده
 محمد: ياختي عليها هي ومكسوفه.... ده مش باين وبس ده انتي اتفضحتي على قناة
 الجزيره
 مريم: هههههه
 محمد: بس بصراحه هو يستاهل الحق يتقال... راجل محترم وخلق وجدع وباين عليه
 ابن ناس ومتقف انا بصراحه حبيته
 مريم: عشان تعذرني بأه... اها انت نفسك حبيته
 محمد: بصراحه هو شخصيه تتحب رحيم ده مش اول لقاء يجمعنا انهارده الا ان
 اكتشفت فيه حاجات حلوه كثير... كفايه ادب و اخلاق وهيبه ومتعلم وذكي وشاب
 طموح رحيم ده بلثم يتحط على الجرح يطيب... بجد بدعي ربنا من كل قلبي ان يكون
 من نصيبك
 مريم: يارب ياعمو يارب

فاروق: طمئيني يابنتي عليكي وعلى جوزك

اسماء: الحمد لله بخير
 فاروق: مجاش معاكي ليه
 اسماء: معاه شغل..... المهم طمني عليك انت
 فاروق: انا زي الحصان اهو
 اسماء: انت كل مره تقولي كده بيابا وبعدين تتعب تاني... انا خايفه عليك
 فاروق: ماتخفيش ابوكي زي الأسد
 اسماء: انا هقعد معاك لحد ماتقوم بسلامه
 فاروق: لا
 اسماء: ليه بس
 فاروق: وجوزك يابنتي.... لازم تكوني جنب جوزك الفتره اللي هو قاعد فيها في
 مصر
 اسماء: بس مش هينفع اسيبك كده
 فاروق: وبعدين معاكي بأه... وبعدين اهو معايا دلال ومريم
 اسماء: طيب ياروقه... انا هسيبك برحتك... بس اهم حاجه اوعدني ان ماتنزلش
 المصنع الا لما تخف خالص
 فاروق: حاضر

غاده: عمتي... اتوحشتك قوي قوي.... ايه مالك ياعمتي في ايه وليه جايه بشنطه الهدوم
 (عفاف تسيل الدموع من عينيها وتلقي بنفسها في احضان غاده)

مريم: ما انا قولت كده... ماكنتش مرتحالي ونبهتك منه اكثر من مره... احمد ده مش
 بتاع جواز
 ساره: مالوش لازم الكلام ده دلوقتي
 لوچين: طب انتي اتأكدتي ان هو اللي كان في العربيه
 ساره: ايوه... انا فضلت مستنياه تحت البيت وكلمته ان نخرج قلبي زي كل مره ان
 تعبان لحد ما جات البننت بالعربيه ونزل وركب معاها وفضلت ماشيه وراه لحد ما
 دخلو الكافيه
 مريم: ولا تزعلي نفسك... احمد هو اللي خسرك مش انتي اللي خسرتيه

عفاف: لا خسرتيه... عارفه ليه... لان بحبه يغاده بحبه
 غاده: بس هو سابقك بدون ما يقدر الحب ده

عفاف: لا يابنت اخوي... انتى ماتعرفيش حاجه... عمر بيحبني زى ما انا
 بحبه... وعشان اكده مش قادر يبص في عيني كل ما قرب منه... خايف عليا وديما
 يقولى لازم تجوزى وتبقي ام وان لو فضلت معاكى هحس ان ظلمتلك معايا... وانا
 كنت بحاول كل مره اغير الموضوع... صدقيني يغاده انا ما فارقه معايا الخلفه كد ان
 فارق معايا وجوده جنبى
 غاده: طب انا هكلم ياسر هو اقرب حد ليه بعد رحيم يمكن يعرف يقنعه
 غاده: مافيش فايده... هو ساب البيت ولم خلقاته وسابلى ورقه وكتبلى فيها ان هيبعتلى
 ورقة الطلاق.

مروه: طلاق ايه... تف من بوقك يا ولدي... انت لسه ما لحقتش تتهنى
 ياسر: اكده احسن يماي... انا مش قادر ابص في عنيا... كل ما بصر في عنيا احس
 انها بتقولى مش عيزاك اعمل عندك دم وعتقني لوجه الله
 مروه: دى عين وصابتك يا ولدي... انا لازم اوديك لشيخ احسن يكون حد عملك عمل
 ياسر: انتى بتقولى ايه يماي... انا خلاص اخدة قرار ومش هرجع فيه

سعاد: ادي كل الحكايه... يترا بعد ما عرفت قصتي... لسه ناوى تكمل
 محمد: عارفه يسعاد... انا شوفت بنات كتير اوي... بس عمري ما حسيت في يوم ان
 ممكن احب وتحب ما كنش في بالي خالص موضوع الزواج... لحد ما
 شوفتك... غيرتي النظرية اللي كنت ماشي بيها طول حياتى... غيرتى فكرتى عن
 البنات

سعاد: يعنى لسه بتحبني... حتى بعد ما عرفت ان ماليش اب ولا ام
 محمد: لو كان حبي ليكى قبل ما عرف انتى مين بنسبه خمسين في الميه دلوقتى بعد
 ما عرفت قصتك حبيتك بنسبه مليون في الميه
 سعاد: لدرجه دى انت بتحبني
 محمد: كلمة بحبك دى قليله على اللي بكنه ليكى جواي... زى ماتقولى كده
 عشقتك... وبعدين ياستى كلها كام سنه وتخرجى ونجوز على طول

مريم: بقول ايه يحسام
 حسام: نعم ياست مريم
 مريم: انت تعرف البنات دى اللي واقفه مع رحيم

حسام: لا... كل اللي اعرفه انها شغاله معانا في المصنع زي كل البنات اللي هنا... ليه هي عملت حاجه

مريم: لا ماتخدش في بالك انت... كمل شغل... بعد اذنك

(مريم تركت حسام ثم ذهبت اتجاه رحيم وتلك الفتاه)

مريم: هو ده الشغل حضرتك

رحيم: نعم

مريم: نعم ايه وزفت ايه... حضرتك قاعد تتسلى انت والهانم وسايب الشغل.

رحيم: انتي ازاي تكلميني بطريقه دي... انا لولا ما عامل اعتبار للحاج انا كنت رديت

عليكي وربيتك من اول وجديد

مريم بسخريه: اعتبار للحاج... يا شيخ قول كلام غير ده... هو فين الاعتبار اللي انت

عامله للحاج... انك تقعد كل يوم تتسلى مع الهانم وتقولى عامل اعتبار... فعلا اللي

تحسبه موسى يطلع فرعون.

(رحيم قد اعتلاه الغضب وهذا الامر الذي جعله يلطم مريم على وجنتيها)

رحيم: اخرسي... انتي قليلة ربايه وانا مش هسمحك تكلميني بطريقه دي تانى

مريم بدموع: انت بتضربني عشان دي... عشان الجربوعه دي...

عاصم: حمد لله على سلامتكم يا عمي نورت السرايا

عفاف بدموع: اتوحشتك يا بوي

العمده بنقطع: رحيم فين

(اخذ ياسر و عاصم ينظروا الى بعضهم البعض عقب سؤال العمده على رحيم)

ياسر: استريح انت دلوقتي... وانا هجبلك رحيم

العمده: عايز اشوف رحيم قبل ماموت

سهير: بعد الشر عليك يا عمي.

العمده: فين رحيم... ساكتين ليه ما حد يرد عليا... ود عمك فين يا ياسر

ياسر: رحيم من بعد... يقاطع حديثه صوت استغاثه من حنان

عاصم: في حريقه في المطبخ

حنان باستغاثه: الحقوني الحقوني

ياسر: ده صوت حنان

فاروق:مالك يامریم شكلك متغير في ايه
 مریم:مافيش يحاج
 فاروق:انا تعبان ومش حمل مناهده...يقولك مالك
 مریم:هقولك ايه بس يحاج.....يقاطع حديثها دخول رحيم
 رحيم:السلام عليكم يحاج
 فاروق:وعليكم السلام ورحمة الله وبركاته....اقعد يابني
 رحيم:ازيك يحاج عامل ايه دلوقتي
 فاروق:الحمد لله بخير....طمنى يابنى ايه اخبار الشغل
 مریم:بعد اذنك يخالو
 فاروق:استنتي....في ايه انتم زعلانين مع بعض مش كده
 (مریم ورحيم في حاله من الصمت)
 فاروق:انا قولت كده برضو...المهم طمني يابني على الشغل
 مریم بسخريه:هه...شغل ايه يحاج...هو فاضي من السهوكه مع البنات عشان تسأله
 عن الشغل
 فاروق:ايه الكلام اللي بتقوليه ده يابنت عيب.....ايه الحكايه يارحيم يابني فهمني في
 ايه
 (رحيم في حاله من الصمت)
 مریم:هو ليه عين يرد
 فاروق بغضب:استنى انتي....رد عليا يابني
 رحيم:الانسه مریم شفنتي واقف بتكلم مع اسراء في المصنع
 فاروق:وانت بتتكلم معاها ليه
 رحيم:عشان من بعد ما حضرتك تعبت...كانت بتسأل عليك كثير...وزى ماتكون عايزه
 تقولك حاجه...وبعد كده عرفت ان حضرتك بتديها كل شهر فلوس زياده على
 مرتبها...وبعد ما عرفت ان ظروفها على الأد وانها في حاجه للمساعده...فا انا يحاج
 كنت بديها الفلوس دى من مرتبي...ادى كل الحكايه...وانا ماكننش عايز اقول حاجه
 زى كده...فالو انا غلط يحاج انا هرضى بأي حكم تحكم بيه.
 فاروق:انا فعلا بديها فلوس كل شهر زياده عن مرتبها...وطبعا انا بقالى كثير قاعد في
 البيت...رحيم انت فعلا راجل يعتمد عليه وكل يوم بتثبت ان انت اد المسؤليه وعشان
 كده انا قررت ان اوليك مسؤليه وانا واثق انك هتبقى ادها
 رحيم:مسؤليه ايه يحاج
 فاروق:هتمسك مدير انتاج بشكل رسمي

رحيم:بس دي مسؤوليه يحاج
 فاروق:وانت ادها....على العموم من بكره تسلتم مكتبك الجديد....المهم عملت ايه في
 الشحنه الأخيره
 رحيم:تمام يحاج الشحنه وصلت في معادها للعميل ودى كل الفواتير اتفضل يحاج
 فاروق:عفارم عليك يارحيم
 رحيم:طب استأذن بقا
 فاروق:استنى يابنى اتغدى معانا
 رحيم:معلش يحاج اعفينى انا...يلا سلامو عليكم
 فاروق:وعليكم السلام
 فاروق:رحيم جدع وراجل جد ومالوش في السهوكه يامريم زى ما قولتي....انتى
 غلطى ولازم تروحي تعتذريله...
 مريم:بس ياخلو...يقاطع حديثها فاروق
 فاروق:مابشش الغيره اللى عندك كانت هتضيعه منك....
 مريم:اعمل ايه بس يخالو...انا بحبه اوى وماستحملتش اشوف البنات دى واقفه جنبه
 فاروق:طب بطلى رغي وبسرعه ألقى صالحيه يلا بسرعه قبل ما يمشي يلا خفى
 نفسك
 مريم بفرح:حاضر
 (خرجه مريم مسرعه لكي تلحق برحيم)

سهير:قاعده لوحده اكده وبتفكري...بيترا بتفكري في ايه
 حنان:في حالي يامرت عمي
 سهير:ومالو حالك يابنيتي...انتى احسن من غيرك بكثير
 حنان:مش عارفه يامرت عمي...حاسه ان ظالمه ياسر معايا
 سهير:كيف يابنيتي
 حنان:انتى شوفتي بنفسك دلوكيت كان هيموت نفسه عشان ينقذني من وسط
 النار...لحد ما النار مسكت في دراعه...
 سهير:عارفه هو عمل اكده ليه
 حنان:المشكله ان عارفه
 سهير:يعنى عارفه ان بيحبك وكان هيموت نفسه عشانك...وانتى من ساعت ما
 اتجوزتى ياسر ماقولتلوش كلمه حلوه وديما مصدره وش الكائبه ده...اسمعى يابنيتي

ياسر ود عمك وجوزك وبيحبك وبيخاف عليكى اوعى تضيعيه من ايدك... حبيه زي
مابيحبك

حنان: بس تقاطع حديثها سهير
سهير: مابشش... انتى تسمى الكلام وانتى ساكتة
حنان: حاضر يامرت عمي
سهير: يلا قومي شوفي جوزك واطمني عليه يلا... احسن يكون عايز حابه... وان شاء
الله يقوم بسلامه

مريم: استنى اسمعنى طيب
رحيم: معلىش يأنسه مريم لازم امشي عشان معايا شغل
مريم: انسه؟... طيب ماعلينا... ممكن تسمعنى
رحيم: وانا قولتلك عندي شغل
مريم: طيب اركب وانا هوصلك
رحيم: متشكر انا هاخذ اي مواصله
مريم: اسمع الكلام متبقاش صعيدي بأه اركب... يلا اركب
(وتحت اسرار مريم استجاب رحيم)
مريم: اهو كده...

حنان: كيفك دلوكيت
ياسر: الحمد لله بخير
حنان: طب احضرك الوكل
ياسر: لا... ماليش نفس
حنان: لا مش هينفع اكده... انت لازم تاكل... انا هقوم احضرك الوكل
ياسر: قولت ماليش نفس
حنان: طيب هسببك على راحتك... لو عوزت حابه انده عليا
ياسر: استنى عايزك.... انا عارف انك مش بتحبيني وعشان اكده انا من بكره هروح
للمأذون عشان... تقاطع حديثه حنان
حنان: ماتكلمش... مش وقته الحديد ده دلوكيت... انت تعبان ومش حمل مناوده و
كلام... بعدين نتكلم
ياسر: حيث اكده انا نازل دلوكيت
حنان: تنزل تروح فين كلك اتجننت

ياسر: لازم انزل اشوف المزارع والأرض
حنان: وانا مش هسيبك تنزل وانت في الحاله دي
ياسر: ايه خايفه عليا اياك
حنان: ايوه خايفه عليك... مش جوزي ولا زمن اخاف عليك
ياسر بفرح: بتقولى ايه.... انتى ايه اللى جراك انهارده غريبه
حنان: غريبه ليه عاد... هو عشان خايفه عليك يا حبيبي بيقا غريبه
ياسر بفرح: انتى قولتى ايه.... حبيبيك.... انا في حلم ولا علم يا خلق ياهو
حنان: اهدى ياود عمي... الجرح لسه جديد ماتحركش دراعك
ياسر: دراعى ايه وجرح ايه.... انا بعد الكلام ده بقيت زى الحصان

مريم: ايه هتفضل ساكت كده كتير
رحيم: مش عايز كلمه
مريم: لامهو انا لازم اتكلم... ولا انت عايزني اشوفك بتتكلم مع الفلاحه دي
واسكت.... وانت حضرتك ما صدقت بأه ان ساكته... انا قولت يابت اها مره وخلص
انما الوقفه دى اتكررت كتير
رحيم: لو سمحتى ماتقوليش عليها فلاحه... دى احسن منى ومنك مليون مره
مريم: ياسلام واحسن منى ومنك في ايه ان شاء الله...
رحيم: الفلاحه اللى بتقولى عليها دى... بتصرف على اخواتها الصغيرين وكمان دى
بتصرف على نفسها في الجامعه دى في كلية طب بزمك بقا احسن مننا ولا لا
مريم: رحيم انا اسفه... بس بجد انا بحبك عارف يعنى ايه بحبك يعنى بغير عليك من
الهوا اللى بتتنفسه افهم بأه
رحيم: وذنبا ايه المسكينه اللى كسفتيها قدامى وقولتى عليها جربوعه
مريم: خلاص بأه ميبقاش قلبك اسود قولت اسفه... ولا هى عجاك عشان عيونها عسلي
رحيم: ههههه... هم يضحك وهم يبكي
مريم: بتضحك على ايه
رحيم: يضحك على هبلك.... هو انا عشان بساعدها بيقا خلاص عجبانى
وبحبها.... والله تبقي عبيطه... يامريم البنت دى غلبانه وملهاش حد ولولا الظروف
ماكنتيش هتشوفيا هنا في المصنع كلها سنه ولا اتنين وتتخرج وتبقا دكتوراه اد الدنيا
والفضل يرجع للحاج طبعا... يامريم الناس هنا عندكم في وجه بحري على اد حالهم
ناس غلابه غير عندنا في الصعيد لو بصيتى عندكم في المصنع هتلاقي ستات وبنات
كتير بيشتغلو عمرك سألتى نفسك ليه بيطلعو يشتغلو ايه اللى جبرهم على الشغل؟

مریم:لیه؟

رحیم:لو قعدتی مع الناس هتعرفی...هتعرفی الست اللى توفی زوجها وسابلها عیال
عایزه تربیهم فا بتاجی علی نفسها وبتطلع تشتغل...وفی بنت بتبقا علی وش زواج
بس مش لاقیه اللى یجهزها لانها مش معها غیر امها فی البیت وامها ست کبیره
یدوب بیکیفها المعاش...وفی ست زوجها طلقها وسابها بعد ماکان بیضربها وبیعذبها
ومع الاسف هی وحیده وملهاش عیله او ضهر تتسند علیه...وفی ست بتشتغل عشان
زوجها هو اللى جبرها علی الشغل زی ما تقولی کده دیوث هو نايم فی البیت وبیخلى
مراته تصرف علیه وعلی کیف بتاعه وبعد کل ده ضرب واهانه وقلت ادب...کل
دول یامریم لو رکزتی فی عیون الناس هتعرفی کل واحد مخبی ایه من هم وحزن
وألـ..بس مع الاسف حضرتک مش حاسه بحاجه حوالیکي
مریم:یااااه...کل ده شایله جواک...انا کنت فاکره انک شایل هم نفسک اتاریک شایل
هموم ناس انت ماتعرفهمش...کل یوم بکتشف فیک حاجه جدیده وبتخلینى احبک
اکتر...رحیم

رحیم:نعم

مریم:بحبک..هعیش بحبک وهموت بحبک...ممكن اسألك سؤال

رحیم:اتفضلى

مریم:انت بتحبني

رحیم:بصراحه...اه

مریم:طب وبتحبني اد ایه...اوصفلى احساسک اتجاهى

رحیم:انتی بنسبالى غار وانا الحرافيش كأنک زار وانا الدرويش كأنک قرش حشيش

دخل رئتيني وملاني كأنک دار وانا اللى ماليش سوى الدار اللى لماني.

مریم:وليه مخبي عليا كل ده يابن الناس حرام عليك تعبتني وياک

رحیم:عشان فی حجات کثیر انتی لسه ماتعرفهاش عني

مریم:طب امتى هتقولى اللى مخبيه عني

رحیم:کل وقت ولیه ادان

الفصل الثاني

قيل لي انها انثى مغروره تتباها بخصرها المائل والكبرياء هو جمالها الدائم وسحرها
لم ينجو منه رجل لمح عيناها فقولت لهم انصحوها ان تكون كفيفه في حضرتي
فنظراتي ديكتاتوريه وهييتي

بعد مرور خمس سنين

اسماء:مبروك يا حبيبتى...وادينا اخرجنا
سعاد:الله يبارك فيكي ياسوو...انا مش مصدقه نفسي ان خلاص اخرجت وحلمى
اتحقق
اسماء:لا صدقي....انتي خلاص بقيتي الدكتور ه سعاد
سعاد:ها قوليلي بأه هنعمل ايه بعد ما اخرجنا
اسماء:هنشتغل
سعاد:ونشتغل ازاي دلوقتي...احنا لسه متخرجين فين المصنع ولا حتى المزارع اللي
تقبلنا خصوصا المصانع بتحتاج شهادة خبره
اسماء:ههههههه
سعاد:بتضحكي على ايه بأه ان شاء الله
اسماء:علي كلامك...ياحبيبتى انتى نسيتى ان بابا صاحب اكبر شركه في الشرق
الايوسط لمنتجات الالبان ده غير المزارع
سعاد:وانا اش عرفني...انتى ماقولتليش على حاجه زى كده
اسماء:ماعلينا....انا هبقى اعدي عليكى عشان نروح المصنع نقابل بابا...اشطا
سعاد:اشطا

عبدالعزیز:خير يابوي في حاجه
(العمده على فراش الموت)
العمده:فين ياسر ماجاش معاكم ليه
عاصم:زمانه على وصول...يقاطع حديثه دخول ياسر
عاصم:اها ياسر جه اها
العمده:تعالى يا ولدى قرب مني
ياسر:خير يا جدي قلقتني عليك

العمده: اسمعوني زين.... انا بقالى خمس سنين مش قادر اتحرك... وحاسس ان العمر
 مافهوش بقيه تاني
 ياسر: ربنا يدريك طولة العمر يا جدي
 عاصم: حسك بالدنيا يا عمي
 العمده: فاعشان اكده عايزكم تدورو على رحيم
 ياسر: احنا بقالنا سنين بندور عليه يا جدي.... وبعدين لحد دلوكيت انت مش راضي
 تقولنا على الحقيقه... رحيم بيقا مين؟
 العمده: عشان اكده انا جمعتمكم.... اسمع يا عبدالعزيز
 عبدالعزيز: سامحك يا بوي
 العمده: عايزك تسامحني يا ولدي
 عبدالعزيز: اسامحك على ايه يا بوي
 العمده: انا ظلمتك وظلمت رحيم.... ظلمتك لما فرقت بينك وبين مرتك ظلمتك لما
 فرقت بينك وبين بتك ظلمتك لما خبيت عليك الحقيقه ان رحيم بيقا ولدك من
 صلبك... وظلمت رحيم لما فرقت بينه وبين امه وخيته.
 عبدالعزيز: انت بتقول ايه يا بوي فهمني... يعني انا ليا بت... ورحيم ولدي... ازاي يا بوي
 العمده: ايوه يا ولدي.. بتك سعاد... ورحيم ولدك
 عبدالعزيز: يعنى ماكنوش يتمي زي ما قولتلي
 العمده: لا
 عبدالعزيز: طب كيف... فهمني
 العمده: انا هحكيلك يا ولدي... بس كل اللي طالبه منك تسامحني
 (وأخذ العمده يروي القصة)

ام سعاد: هي سعاد اتأخرت ليه
 شهد: ماتقلقيش على سعاد... هي انهارده راحت تجيب الشهاده بتعتها واكيد بتحتفل مع
 اصحابها في الجامعه
 ام سعاد: يس هي اتأ... قاطع حديثها جرس الباب
 شهد: اهي جات اهي.... اقوم افتحلها
 (شهد تفتح الباب)
 سعاد بفرح: السلام عليكم... بركيلي يخاله بركيلي خلاص بقيت دكتور ه
 شهد: الف مبروك يا حبيبتي... عقبال مانفرح بيكي
 سعاد: سمعوني ظغروته

شهد وام سعاد: لولولولوي...
سعاد: انا فرحانه انا مبسوطه حاسه ان بحلم
شهد: ربنا يفرح قلبك يادكتور ه... فين الشهاده بتاعتك
سعاد: اهي يخاله... ادى الشهاده اللى كنت بحلم بيها من زمان
(امسكت شهد شهاده التخرج وظلت تقرأ حتى تغيرت ملامح وجهها من الفرح الى
الزهول عندما قرأه اسم سعاد كاملا..)
سعاد: مالك يخاله في ايه
شهد: الشهاده دى بتاعتك
سعاد: ايوه طبعا يخاله... واسمي اهو... سعاد عبدالعزيز حامد المصري.
شهد: مش ممكن
سعاد: هو ايه اللي مش ممكن
شهد: يعني انتي بنت عبدالعزيز
(اخذت ام سعاد وسعاد ينظروا الى بعضهم البعض)
شهد: ساكتين ليه حد يرد عليا... رد عليا يابنت خالتي... انتي متجوزه عبدالعزيز
أم سعاد: لا
شهد: ازاي سعاد بنتك وانتى بتقولى ان عبدالعزيز مش زوجي
أم سعاد: سعاد مش بنتي
شهد: ايه.. بتقولى ايه... مش بنتك
ام سعاد: ايوه سعاد مش بنتي
شهد: امال بنت مين... فهميني
أم سعاد: انا هقولك على كل حاجه
(وأخذت ام سعاد تروي قصة سعاد على شهد)
ام سعاد: ادي كل الحكاياه... يعنى سعاد يتيمه لا ليها اب ولا ام
شهد بدموع: سعاد مش يتيمه... سعاد تبقا بنتي انا
سعاد: انتي بتقولى ايه يخاله
شهد: ايوه انتي بنتي
ام سعاد: طب ازاي فهميني
شهد: في يوم كنت عندك في السرايا جيت اخذ منك فلوس عشان اجيب بيها الدوه
لزوجي... وقتها شافني عبدالعزيز ابن العمده... (واخذت شهد تروي القصة)
(وكان مضمون القصة كالاتي..)
صفيه: والله لو معايا يابنت خالتي مش هعزهم عليك

شهد:كثر خيرك

صفية:انا هحاول اكلم العمده يمكن يدينى الشهرية بتاعتي

شهد:لا خلا....يقاطع حديثها دخول عبدالعزيز

عبدالعزيز:السلام عليكم

شهد وصفية:وعليكم السلام ورحمة الله وبركاته

صفية:احضرك الوكل يابيه

عبدالعزيز:لا....مش دلوكيت.....(اشار عبدالعزيز الى شهد ثم قال)..مين دي

ياصفية...

صفية:دى بت خالتي..

عبدالعزيز:معقوله القمر دي بت خالتك انتي

صفية:هي زي القمر....بس يا عيني بختها مايل والدنيا ملطشه معاها شويه

عبدالعزيز بوجه حديثه لشهد:انتى اسمك ايه يا حلوه

شهد:اسمى شهد جنابك

عبدالعزيز يحدث نفسه:شهد...وانتى فعلا زي واحدة الشهد اسم على مسمى....(ثم

عاد عبدالعزيز الى صوابه ثم قال..)

متجوزه يا شهد

شهد:ايوه يابيه...انا جوزى عوضين اللي شغال فى ارضكم

عبدالعزيز يحدث نفسه:وه بقى دى مرت عوضين عجائب يازمن بقا حنة القشطه دى

تبقا مرت عوضين هي الدنيا جرا فيها ايه (ثم عاد الى صوابه ثم قال..) الا صحيح

جوزك مش بياجي يشتغل فى الارض اليومين دول ليه عاد

شهد:جوزي تعبان يابيه على فراش الموت

صفية:جوزها بقالو فتره كبيره تعبان وراقد فى البيت....وهى جات دلوكيت عشان

تستلف منى فلوس عشان تعرف تشتري الدوه بتاع جوزها

عبدالعزيز:طيب ولا تحملى هم...انا هتكلف بكل مصاريف علاج جوزك لحد مايقوم

بسلامه

شهد:ربنا يخليك لينا يابيه ربنا يطول فى عمرك

عبدالعزيز:طيب انا هطلع اغير خلقاتى وانزل معاكى نشترى الدواء)

سعاد:وبعد كده حصل ايه

شهد: بعد كده ركبت معاه العربيه عشان نروح نشترى الدوه... طول السكه فضل
يبصلى بصره غريبه... لحد ماوصلنا البيت (واخذت شهد تروي مادار بينها وبين
عبدالعزيز في المنزل وكان الحوار كالاتي..
عبدالعزيز: الف سلامة عليك ياراجل ياطيب
عوضين: الله يسلم جنابك... مش عارف اشكرك كيف يابيه
عبدالعزيز: لا شكر على واجب يا عوضين... وبعدين انت راجل من رجليتنا... واحنا
مانقدرش نقصر مع حد من رجليتنا واصل
عوضين: طول عمرك صاحب واجب انت وابوك العمده ربنا يطول في عمرك
ويكرمك ويد... قاطع حديثه دخول شهد
شهد: يلا عشان تاخذ الدوه يا عوضين
(وعندما ارادة شهد ان تعطي الدواء لزوجها... انحنه من وضع الوقوف وقتربة من
زوجها وامسكت بالكوب لكي تسقي زوجها وفي هذه اللحظة تمنع عبدالعزيز بالنظر
الى جسد شهد الذي سحره وخاصة في نهديها الذي يكاد يراه من وراء سبعين حله من
شدة بياض لونها البراق... ثم انتبهه شهد لتلك النظرات التي تصيبها مثل البارود
فاصحت من وضعها)
عبدالعزيز: طب استاذن انا... وشد حيلك اكده امال... ولا انت عجزت ياراجل ياطيب
عوضين: اجيب من فين الحيل يابيه انا خلاص ايامي في الدنيا معدوده.. وخايف اموت
وسيب شهد لحالها في الدنيا دي مالهاش حد غيري... امانه عليك يابيه تخلى بالك
منها بعد ماموت
عبدالعزيز: ماتقولش اكده... ان شاء الله هتقوم بسلامه... يلا عاد هسيبك عشان ترتاح
واى حاجه تعوزها انا موجود.. يلا سلامو عليكم
عوضين: و عليكم السلام... شهد وصلي اليه
(ذهب عبدالعزيز اتجاه الباب بصحبة شهد ثم وقف)
شهد: متشكرين يابيه... مش عارفين من غيرك كنا هنعمل ايه
عبدالعزيز: ماتقوليش اكده انا تحت امركم في اي وقت
(ثم اخرج عبدالعزيز بعض من النقود واعطاها لشهد)
عبدالعزيز: خدي المبلغ ده... ولما يخلصو هديكى زيهم
(وعندما مدة شهد يدها لكي تأخذ النقود امسك عبدالعزيز بيديها وبسرعة رد الفعل
نزعت شهد يدها ولكن تمادا عبدالعزيز فيما يفعل ونقد عليها وهي تحاول الفرار منه
ولكنه هو اقوى منها وبعد محاولات من عبدالعزيز تمكن من تقبيلها.. وحدث كل هذا

وهي لا تريد ان تخرج صوت خوفا على زوجها ان يسمع فايصيبه مكروه... واستمر
 عبدالعزيز في فعله هذا ولم يقفه الا دموع شهد التي نزلت على وجنتيها)
 شهد: احب على يدك يابيه هملي... احنا ناس غلابه وبنقول يا حيط درينا.... هي دي
 مساعدتك للمحتاج... ربنا يسامحك يابيه
 (وبعدما سمع عبدالعزيز حديث شهد الذي اصاب قلبه رجع عما يفعل واطرق وندم
 على ما فعل... ثم خرج من المنزل وترك شهد على الارض ودموعها تسيل على
 وجنتيها)

(وفي اليوم الثاني توفي عوضين)
 عبدالعزيز: شدي حيلك يا شهد ولو عوزتي حاجه انا موجود
 شهد: كتر خيرك
 عبدالعزيز: انا عارف انك زعلانه مني وان غلط وانا جاي انهارده اصلح غلطي
 شهد: واتصلح غلطك كيف... هترجلى جوزي اللي كان سندي وضهري..
 عبدالعزيز: انا بحبك وعايز اتجوزك على سنه الله ورسوله
 شهد: وفكرك لو وافقت على جوازك مني.... ابوك العمده هيوافق
 عبدالعزيز: مالكيش صالح انتي
 شهد: كيف ماليش صالح
 عبدالعزيز: بعد ماتخلصي العمده بتاعتك هاخذك ونطلع على المأذون
 شهد: طب والناس والعمده واخواتك هيعرفه ولا هتخبي عليهم
 عبدالعزيز: في الاول هيبقي زواج في السر لحد ماشوف مكان بعيد نقعد فيه انا وانتي
 شهد: يعنى عايز تجوزني في السر
 عبدالعزيز: ده بشكل مؤقت لحد ما اكلم ابوي واقنعه
 شهد: هملي يابيه... انا ست على كد حالي وماليش حد في الدنيا دي بعد جوزي
 عبدالعزيز: يا شهد... انا من يوم اللي حصل وانا حاسس بالذنب وانا بحبك
 وشريكي.... وانت محتاجه راجل دلوكيت يحميكي... وبعدين ده هيبقي زواج على سنه
 الله ورسوله)

شهد: وفعلا اتجوزنا
 سعاد: والعمده كان عارف بجوازكم
 شهد: لا... بعد ما اتجوزنا اشترى عبدالعزيز بيت في البلد اللي جنب بلدهم وكان ياجي
 عندي كل فين وفين عشان ما حدش يشك... لحد ما جاني عبدالعزيز في يوم قلى ان

مسافر لشغل ولما سألته اشمعنا انت اللي تروح الشغل ده قلتي ان العمده هو اللي طلب منه كده وان هو لازم يروح... وجبره كمان ان يتجوز بت عمه سهير قبل مايسافر سعاد:وبعد كده حصل ايه

شهد:ومن يوم ماسافر عبدالعزيز..... حصل اللي كنا خافين منه سعاد:اللي هو ايه

شهد:ان العمده عرف بزواجي انا وعبدالعزيز بس العمده كان ذكي ماحبش يعرف ابنه عبدالعزيز ان عارف بموضوع الزواج من وراه...عشان يعمل اللي عمله معايا سعاد:وعمل ايه معاكي

العمده:غيابك الكثير وكل ماأسألك كنت فين تقولي في الارض مع ان مرعي كان ياجي ويقولى ان انت ما كنتش تروح الارض بقالك فتره والشك دخل جواي لحد ما خليت مرعي يراقب كل تحركاتك وكانت النتيجة زي ما توقعت فا كان لازم اتصرف بحكمه من غير ما حد من اهل البلد يعرف ان ولدى انا ود العمده اتجوز واحده لا ليها اصل ولا فصل وعشان اكده...اصتعت حجة اللي اخليك بيها تسافر عشان انفذ اللي في دماغي وده اللي خلاني اطلب منك تسافر وكمانى تجوز بت عمك ذكريا الله يرحمه(واخذ العمده يروي الحوار الذي دار بينه وبين عبدالعزيز وكان الحوار كالاتي..

عبدالعزيز:شغل ايه اللي عايزني اسافر ليه دلوكيت يا بوي...وشمعنا انا...ما اي حد من اخواتي يسافر

العمده:ماينفعش ياولدي لازم انت تروح بنفسك....اخواتك ما حدش فيهم هيعرف يقوم بالمهمه دي زيك

عبدالعزيز:طب وليه ماقولتليش على السفرية دي قبل سابق العمده:هى جات اكده...وبعدين مش عايز كتر حديث جهاز نفسك عشان تسافر....بس قبل ما تسافر لازم تجوز

عبدالعزيز:اجوز...ليه هو انا هقعدهنك كثير في الشغل ده ولا ايه عاد العمده:ايوه ياولدي لحد ما تخلص فترة ايجار المزرعه اللي انت رايح علشانها عبدالعزيز:بس انا مش عايز اتجوز دلوكيت يا بوي العمده:ما فيش حاجه اسمها مش عايز تجوز....انا خلاص اتكلمت مع عمك ذكريا وبكره الخميس دخلتلك على بت عمك سهير)

العمده:وبعد ما انت اتجوزت بت عمك وسافرت انا روحت عند شهد البيت وجبرتها
انها تسبب البلد وجبتلها شقه في سكندريه (واخذ العمده يروي الحوار الذي دار بينه
وبين شهد وكان الحوار كالاتي.....

شهد:حضرت العمده

العمده:ايوه العمده اللي ضحكتي على ولده وتجوزتية من وراي....لكن على مين...انا
دبة النمله بتوصلني...

شهد:احب على يدك يا جناب العمده ماتأذيني ولا تأذي جوزي

العمده:ماتقوليش جوزك...ان كان انتى عرفتي تضحكى على ولدى بكلمتين...مش
هتعر في تتضحكي عليا....عشان انا عارف الاشكال اللي زي اكده جنس
نمرود....اقول ايه لأهل البلد لو عرفوا ان انتى مرت ولدي...

شهد:احنا متجوزين على سنة الله ورسوله....ولا الجواز حرام في شرعك

العمده:بلاش حديت فارغ....انتى حرام تكوني مرت ولدي انا

شهد:بلاش تخلي الكبر والجاه يعمو عنيك عن شرع ربنا

العمده:وشرع ربنا قال انكم تجوزوا من وراي

شهد:عشان انت ماكنتش هتوافق على حاجه زي اكده

العمده:لما انتى عارفه اكده....ضحكتي على ولدي ليه...ولا كنتى مفكره نفسك

هتجوزى ولدى وتاجى تقعدى في السرايا عشان تكملى باقى لعبتك على ولدى وتتهبي
فلوسه

شهد:عبدالعزيز بيحبني ووقف جنبني بعد وفاة جوزي وانا بحبه ودلو كيت هو جوزى

قدام ربنا...وعمرى مافكرت نفس تفكيرك....انا كل اللى كنت محتجاه راجل يقف

جنبى وسط الوحوش اللي عايزه تنهش في جسمي عشان وحيدته ومكسوره..لحد ماجه

ولدى وقدرني واحترمنى وخالني احس معاه بالامان

العمده:انا مش فاضى لحديتك الماسخ ده....اسمعي يابى انتى من انهارده مش عايز

اشوف وشك في الاقصر كلياتها

شهد:وعايزني اروح فين دلوكيت انا ما عرفش حد بره البلد

العمده:انا اشترتلك شقه في سكندريه وهديكى عنوانها بس حسك عينك حد يعرف

مطرحك واياكى تحاولى تفكري ترجعي الصعيد تاني ماذا والا هخلص عليكى ومش

انتى وبس وعبدالعزيز ولدي

شهد بخوف:لاه...همشي جنابك بس او عى تأذي جوزي...انا هنفذ كل اللى تأمرني بيه

العمده:اكده تعجيبني....قبل طلعت الشمس لو شوفت عينك انه قولى على نفسك

يارحمن يارحيم

(وبالفعل تركت شهد الصعيد وذهبت الى الاسكندريه)

ياسر: وبعد اكده ايه اللي حصل يا جدي
العمده: ومن يوم ما سافرت سكندريه كنت بيعت مرعى كل شهر يديها فلوس ولو
عازت حاجه كنت بجبهالها... مش عشان ان رضيت عنها لا... عشان هي كانت حبله
في الفتره دي.. وكنت واخذ عهد على نفسي ان لو جابت واد اخده اربيه وكتبه على
اسمك بس من غير ما تعرف ان ده ولدك عشان لو عرفت كنت انت لازم هتتعرف
الى حصل مع شهد مني... ويدخل الكره جواك من ناحيتي... لكن انا كنت قاصد انك
ترجع من السفر ماتلقيش شهد واكده تقنتع ان اللي هي هربت وسابتك وخصوصا ان
ما كنتش انا امبين ليك ان عارف بموضوع جوازك... وكانت الخطه ماشيه زي ما
كنت رسمها بالظبط واللى سهل عليا موضوع ان اقنعك انك تكتب رحيم على اسمك
هو سهير لما كانت في المستشفى والعيل نزل ميت فا عشان اكده سافرت سكندريه
وانا عارف ان شهد كانت حبله وسبحان الله يوم ما انا سافرت سكندريه هي كانت
جابت رحيم وسعاد (واخذ العمده يروي الحوار الذي دار بينه وبين شهد وكان الحوار
كالآتي...)

العمده: هاتي العيال... مرعى خد منها العيال ونزل استتاني في العريه
مرعى: اوامر جنابك

شهد بدموع: انت عايز مني ايه تانى سبني في حالي
العمده: عايز عيال ولدي

شهد: مش كفايه حرمتني من جوزي كمان عايز تحرمني من عيالي
(كل هذا الحوار وسط بكاء شديد من رحيم وسعاد)

العمده: ماتخافيش انا مش هأذيه... انا هكتبهم على اسم ابوهم عبدالعزيز وربيه
عندي قصاد عنيا... خليكي عاقله وهاتي العيال احسن ما استخدم معاكي اسلوب مش
هيعجبك

شهد: انت ايه يا أخي مافيش في قلبك رحمه... عايز تحرمني من عيالي وهما لسه
حثة لحمه حمره... ربنا ينتقم منك

العمده: مرعى خد منها العيال بقولك
مرعى: ابعدي يا حرمه

شهد بدموع: على جثتي... ربنا ينتقم منكم ربنا ينتقم منكم
العمده: بيقا انتي اللي اخترتي

(اخرج العمده سلاحه الناري وضرب شهد على رأسها بأسفل السلاح حتى اغشي عليها... واخذ العمده ومرعي رحيم وسعاد وذهبوا الى الصعيد في جو كان يسوده البرد القارص والمطر الغزير)

شهد: ومن سعتها وانا ماملکش غير ان اقول يارب... وكان يقيني في ربنا كبير ان هياجي يوم واشوف اولادى... وانهارده ربنا بيقولي انا استجبة دعوتك.....
سعاد بدموع: انا مش مصدقه نفسي... بعد كل السنين دي اشوف امي
شهد بدموع: تعالي في حضني يابنتي... (سعاد تعانق شهد وفي عينيهم الدموع)
شهد بدموع: يا حبيبتي يابنتي وحشتيني... الحمد لله والشكر ليك يارب اللى خلنتي عايشه لحد ماشوف بنتي من تاني... او عديني يابنتي انك تقضلي جنبي
سعاد بدموع: او عدك يامي... ان هفضل خدامه تحت رجلكي طول العمر ومش هسبيك لحظه واحده

شهد: صفيه... انا مش عارفه اشكرك على ايه ولا ايه... اشكرك على تربيتك لسعاد ولا اشكرك على انك خلنتيني اشوف بنتي من تاني قبل ما اموت
سعاد: بعد الشر عليك يامي
صفيه: ربنا يعلم انا حبيت سعاد كد ايه... سعاد دي بنتي زي ما هي بنك تمام...
سعاد: من انهارده عايزين نفرح... عايزين ننسى الحزن والنكد... وننسى ظلم العمده اللى هو مع الاسف جدي
شهد: افرح كيف يابنتي واخوكي ما عرفش عنه حاجه... يترا عايش ولا ميت... فرحان ولا حزين... شبعان ولا جعان... ظالم ولا مظلوم... عمري ما هنسى لما قعد بيكي ويصرخ لما اخده من ايدي اللى اسمه مرعي... افرح انتي يابنتي وتنهني بشبابك وسبيني انا في الحزن... انا خلاص اتعودت على كده... مكتوب عليا ان افضل حزينه طول عمري..

العمده: انا اكده اكون ريحت ضميري... وبدعي ربنا يغفرلي... وعايزك ياولدي
تسامحنى... وتخلي رحيم يسامحني هو كمانى.
عبدالعزيز: هو فين رحيم بس يابوي... انا اللى مشيته وهفضل ندمان طول عمري ان عملت اكده... وانت يابوي السبب... انك ما قولتليش الحقيقه من الاول
العمده: تسامحني ياولدي
عبدالعزيز: اسامحك كيف يابوي... وانا ما عرفش طريق مرتي ولا ولدى ولا بنيتي
العمده: لاه... ياولدي لازم تسامحنى... انا خلاص شايف قبري قدامي

(العمده يتنفس اخر انفاسه في الدنيا)

ياسر:جدي

العمده بنقطع:روح دور على رحيم وخليه يسامحني...روح دور على مرتك وبتك
عبدالعزيز بدموع:ادور عليهم فين بس يابوي
العمده:سامحني ياولدي....اشهد الا اله الا الله وان محمد رسول الله

محمد:يااااه...فعلا قصه مألومه....بس الحمد لله انك لقيتي امك وطمنتي عليها انها

عايشه وبخير

سعاد:الحمد لله

محمد:وان شاء الله تلاقي اخوكي....

سعاد تأخذ نفس بعمق:أااه...هو فين اخويا ده بس...يتر ا هو فين

محمد:ان شاء الله ربنا هيجمعكم على خير...المهم انا عندي ليكي خبر هيفرحك

سعاد:يجد...ايه بأه الخبر

محمد:انا خلاص قررت اجي اطلب ايدك من مامتك...ها قولتي ايه

سعاد:ده احلى خبر سمعته في حياتي....

رئيس المباحث:عايزك تجمعلي كل المعلومات الكافيه عن جابر ابن العمده

ضابط الشرطه:تمام يافندم...احنا فعلا مراقبين كل تحركاته

رئيس المباحث:يس من غير شوشره ياحضرت الضابط...احنا مش ناقصين الوزاره

تتقلب علينا...وخصوصا ان جابر دلوقتي مترشح لعضوية مجلس الشعب...

ضابط الشرطه:بس يافندم ده تاجر سلاح دلوقتي انا ماعرفش ليه حضرتك مش

عايزني اقبض عليه....وحضرتك عارف ان الفتره دي اتجه لتجاره السلاح

رئيس المباحث:ماتستعجلش ياحضرت الضابط...الموضوع مش بسهولة

دي....دلوقتي جابر اصبح راجل مهم في المحافظه...واي خطأ هنرتكبه هيقلب

الدنيا علينا حتى لو عارفين ان هو تاجر سلاح...المهم دلوقتي ان لازم نوصل للممول

الرئيسي لجابر...اصلا مش معقوله الكميه الرهيبه من السلاح اللي دخلت الأقصر

تكون من تمويل جابر لوحده....اكيد في حد ثاني بيسنده...واهم حاجه عايزك

تخلص كل ده قبل بداية الانتخابات...عشان هو من المأكد هينجح...وده طبعا عشان

ابن العمده والكرسي من زمان بتاع عيلة المصري وسعتها بأه مش هنعرف نكلمه

عشان هيثمسك بالحصانه

ضابط الشرطه:تمام يافندم

رئيس المباحث: ربنا معاك يابطل

عبدالعزيز: انت تعمل اكده يامرعي
 مرعي: غصب عني يابيه... ابوك الله يرحمه اللي قلي اعمل اكده... ومكانش ينفع
 اقوله لا... انت عارف انا عبد المأمور
 عبدالعزيز: ربنا يرحمه عاد... ده مهما عمل معايا برضك ابوي
 مرعي: سامحني جنابك.... انا فعلا حاسس بالذنب وعشان اكده انا حاولت اعمل حاجه
 صح اللي بيها اكفر عن ذنبي
 عبدالعزيز: كيف يعني
 مرعي: ام سعاد وسعاد راحو هناك عند مرتك
 عبدالعزيز بفرح: انت بتتكلم صوح
 مرعي: ايوه جنابك...
 عبدالعزيز: واياه اللي عرفهم طريق مرتي
 مرعي: انا ادبتهم العنوان
 عبدالعزيز: يعني انت كنت اهنه في السرايا يوم ماهجوا
 مرعي: ايوه جنابك... وحملوني امانه اقولك عليها
 عبدالعزيز: حاجة ايه اللي كانوا عايزين يقلولي عليها
 مرعي: ان جنابك ظلمت رحيم بيه.... رحيم مالوش ذنب في اللي حصل... وان احلام
 هي اللي حطة المخدر في القهوه وان هما شافوها وهي بتتسحب وخايفه لحد ما
 وصلت مكتب رحيم بيه... وكمان هي اللي دخلته الاوضه عنديها وهو فاقد
 الوعي... وهي هددتهم بالقتل لما عرفت انهم هيقولو لجنابك على الحقيقه
 عبدالعزيز: يعني هما دلوكيت في سكندريه
 مرعي: ايوه... بس قول يارب ما تكونش مرتك عزلت من الشقه

اسماء: عامل ايه ياريس جمعه
 جمعه: الحمد لله بخير ياست اسماء
 اسماء: بابا موجود في المكتب
 جمعه: لا ياست هانم.... الحاج لسه خارج من المصنع دلوكيت
 اسماء: يخساره...
 جمعه: ليه هو في حاجه

اسماء: لا مافيش ياريس جمعه... بس لما ياجي بلغه ان جيت ومعايا صحبتي الدكتور ه
سعاد

جمعه: حاضر يا ست هانم

سعاد: هتروحي على فين دلوقتي

اسماء: على شقتي طبعا ودي عايزه كلام

سعاد: لا ماعلش مش هقدر اجي معاكي دلوقتي.... انا لازم اروح دلوقتي

اسماء: ماشي هسيبك برحتك... انا هو صلك

سعاد: تمام

اسماء: يلا سلامو عليكم ياريس جمعه

(وفي هذه اللحظة تحركت اسماء وسعاد بالسيارة من المصنع اثناء دخول رحيم ومريم

بالسياره ولكن بدون ان ينتبه احدهم من الاخر الا رحيم الذي وقع نظره على سعاد

وهذا الامر الذي جعله يقول بصوت منخفض: سعاد. هو اجابته مريم وقالت: انت بتقول

حاجه يا حبيبي.

رحيم: لا ابدأ مافيش حاجه

مريم: جايز

رحيم: انتي ليه مصممه نروح عند الحاج دلوقتي... وهو عارف ان انا في اجازه

انهارده

مريم: عشان هستأذن منه نروح المول نشرتي كام حاجه كده

رحيم: ولازم اروح معاكي يعنى

مريم: اه... ولا عندك مانع

رحيم: بس... تقاطع حديثه مريم

مريم: مابش... انت هتجى معايا يعنى هتجى معايا خلص الكلام يا عم الصعيدي

رحيم: وهو كذلك

مريم: ياريس جمعه

جمعه: اهلا اهلا بست البنات

مريم: هو الحاج قاعد في المكتب ولا

جمعه: لا يا ست

مريم: طيب لما ياجى قولو ان انا ورحيم روحنا المول عشان مايقلقش عليا

جمعه: تمام يا ست مريم

رحيم: الا قولى ياريس جمعه... مين اللي كانوا خارجين بالعربيه دلوقتي

جمعه: دي الست اسماء ومعاها صحبتها

رحيم: وما تعرفش مين اللي كانت معاها دي اسمها ايه
 جمعه: هي قتلتي على اسمها.. ثواني افنكر.. مين ياجمعه مين.. اه افنكرة... قتلتي انها
 الدكتور ه سعاد

رحيم بصوت منخفض: سعاد
 (رحيم يحدث نفسه: ممكن تكون هي... طب ازاي... ايوه هي... يمكن حد شبها... لا لا
 هي... طب لو هي جات هنا ازاي وبعدين ده بيقول انها دكتور ه....)
 (واخذ رحيم يحدث نفسه وظل على هذه الحالة الى ان تذكر الحوار الذي دار بينه
 وبين سعاد عندما حدثته عن الجامعه.. وكان الحوار كالاتي...)

سعاد: اتفضل القهوه يابيه

رحيم: تسلمي يسعاد

سعاد: تعوز حاجه تاني جنابك

رحيم: لا شكر...!

(ظلت سعاد واقفه)

رحيم: ايه مالك... عايزه تقولي حاجه

سعاد: بصراحه ايوه

رحيم: طب ما تقولي ساكته ليه

سعاد: طبعا حضرتك عارف ان انا جبت مجموع عالي في الثانويه

رحيم: ايوه

سعاد: وانا نفسي اكمل تعليمي وروح الجامعه

رحيم: وعايزه تدخل كلية ايه عاد ياست سعاد

سعاد: كلية طب

رحيم: طب ما تقدي ودخلي كلية الطب ايه اللي مانعك

سعاد: ما هو حضرتك عارف ان عوايدنا في الصعيد مافيش بنت تدخل

الجامعه... وكماني العمده مش هيوافق

رحيم: سيبك بلا عوايد بلا تقاليد بلا كلام فاضي... عوايد ايه وعرف ايه اللي تأخر ما

تقدم.... طظ في العوايد والتقاليد اللي تخلى الانسان يفضل جاهل بكل حاجه حواليه

بشكل ده.... اسمعي انا هساعدك في مصاريف الكليه ولازم تدخل كلية

الطب.... وان كان على جدى انا هعرف اخليه يوافق..

سعاد بفرح: بيتكلم صوح يابيه

رحيم: ايوه صوح

سعاد: ربنا يخليك لينا يابيه... ويعلى مقامك كمان وكمان

(وظل رحيم على هذه الحالة شاردا في ارشيف الذاكره)

مريم:رحيم...رحيم

رحيم:ها...بتقولى حاجه

مريم:لاااه...انت مش معنا خالص...سرحت في ايه

رحيم:لا مافيش

مريم:طيب يلا بينا بأه عشان ما نتأخرش

(ظل رحيم طوال الطريق شاردا وصامتا...وفي نصف الطريق تحرر رحيم من

صمته)

رحيم:مريم انا عايز اقولك على حاجة مهمه

مريم:عايز تقول ايه

رحيم:عايز اقولك على السر اللي مخبيه عنك طول الفتره دي

مريم:طب استتى...

رحيم:في ايه...وقفتى هنا ليه

مريم:انا هنزل السوبر ماركت اجيب حاجه واجي...لحظه واحده.

(نزلت مريم من السياره وتركت رحيم بداخلها ينظر عن يمينه ويساره...حتى وقعته

عينه على عروسه معلقه بسيارة مريم...وتمعن النظر فيها فا وجد مكتوبا عليها

عروسة الصعيد...وهذا الذي جعله يعود الى رشيف الذاكره مره اخرى وتذكر ليلة

المولد...وخاصة لحظه وقوفه عند رجل البومب فاتذكر كلمه خالد حين قال:وكسبنا

العروسه كنت متأكد ان رحيم هو اللي هيكسب!...وظل رحيم على هذه الحالة الى ان

قاطع تفكيره عودة مريم)

مريم:رحيم...يااستاذ رحيم...انت ياعم الصعيدى

رحيم:انتى جيتى

مريم:لااااه...انت مش طبيعى انهارده في ايه انت تعبان

رحيم:لا مافيش حاجه انا كويس

مريم:طب قولى كنت بتقول ايه

رحيم:مريم...هى العروسه دى بتاعتك

مريم:لا حول ولا قوة الا بالله...هى دى الحاجه المهمه اللي عايز تقولى عليها

رحيم:مريم...ردي عليا ارجوكى

مريم:ايوه ياسيدي...مممكن اعرف ليه بتسأل

رحيم:طب وجبتىها من فين وازاى

مريم:ده موضوع طويل اوي...يطول شرحه

رحيم:ارجوكى جاوبى

مریم:حاضر يا حبيبي بس اهدى شويه....شوف بأه ياسيدى انا كنت في الاقصر عند(واخذت مريم تقص على رحيم قصتها وعن رحلتها في الصعيد داخل سرايا العمده حامد المصري)

مریم:بس ياسيدي ادى كل الحكايه...يلا قولى بأه بتسأل ليه وايه الحاجه المهمه اللي عايز تقولهاالى

رحيم:نروح المول الاول وبعد كده نتكلم

مریم:مول ايه يابو مول انت...

رحيم:يعنى ايه

مریم:المول دى حجة....عشان اقنع بيها خالو...وقبل ما قنع الحاج...اقنعك انت الاول عشان اخذك المكان اللي ريحلو دلوقتي

رحيم:بقا كده

مریم:تبتسم:ايوه

رحيم:وايه المكان ده بقا ايتها المرأه الجميله

مریم:بس بس...خلى الكلام الحلو ده لما نوصل هناك ده مكان تحفه.....يلا بينا

رحيم:يلا بينا

(واصل رحيم ومريم السير حتى وصلوا الى منزل الحاج دسوقي وزوجته

فاطمه...وكان هذا المنزل يقع على صخرة عاليه ويطل على شاطئ البحر...ويظهر

جمال هذا المنزل في الصعود اليه حيث كان له مصعد من حجارة ضخمة حيث تبعد

مسافت المنزل عن بدايه المصعد حوالي ثلاثة مائه متر تقريبا ويبلغ ارتفاع المنزل

عن سطح البحر ثلاثة مائه متر...وكان هذا المنزل مكون من حجاره ضخمة جدا على

هيئة مربع)

مریم:وصلنا

رحيم:ايه ده...ايه المكان الغريب ده...وفي حته مقطوعه...انتى عرفتيه ازاي ده

مریم:ابدا...انا كنت مسافره وبصدفه العربيه عطلت وفجأه لقيت عمي دسوقي جايني

وبيقولى اى مساعده...وفعلا ساعدنى...ودخلنى البيت اللي انت شايفه هناك ده

فوق...وقعدت يوم عنده هو ومراته فاطمه...لحد ما صلح العربيه وكان اجمل يوم في

حياتي...وقلي لازم تاجى تانى...وانا وعدته ان هاجى ازوره...بس انا قولتلو ان

المكان ده انا حبيته ومش هاجى هنا الا لما ألقى الشخص اللي احبه.عشان يشوفه

معايا

رحيم:طب ولقيتي الشخص ده

مریم: اہ... بس اظاہر کدہ ہاحدفہ من فوق ان اشاء اللہ عشان ہو انسان بارد ورخم
 رحیم: ویہون علیکی تحدفیہ
 مریم: بصراحہ لا.... دہ انا ممکن ارمی نفسی من فوق عشان یعرف اد ایہ انا بحبہ
 رحیم: لدرجۃ دی بتحبیہ
 مریم: اوی... .

رحیم: طب یلا بینا نشوف البیت العجیب دہ
 مریم: یلا

(حمل رحیم محبوبتہ مریم علی ظہرہ وصعد بہا الی ذلک المنزل)
 دسوقی: یا اہلا وسہلا یاست مریم... .

مریم: اہلا بیك یاعم دسوقی
 فاطمہ: وحشتینا اوی یامریم
 مریم: وانتم کمان وحشتونی اوی اوی
 فاطمہ: مش تعرفینا علی الاستاذ
 مریم: دہ رحیم

فاطمہ: اہلا وسہلا یابنی نورتونا
 رحیم: ربنا یخلیکی یاست الكل... . واللہ ما کان لیہ لزوم الاکل دہ کلہ
 فاطمہ: ماتقولش کدہ دی اقل حاجہ
 رحیم: یجعلہ عامر

دسوقی: انتم متجوزین
 (رحیم ینظر الی مریم وقبل ان یجیب علی دسوقی اجابته مریم وقالت: اہ متجوزین
 واحنا دلوقتی فی شہر العسل)

(رحیم فی حالہ من الزہول بعدما سمع ما قالتہ مریم)
 فاطمہ: الف مبروک یاحببتی
 مریم: اللہ یبارک فیکی

دسوقی: ربنا یسعدکم ویفرحکم ویہنیکم ببعض
 مریم: تسلّم یاعم دسوقی

دسوقی: شکلکم تعبانین من المشوار وعایزین تتاموا مش کدہ ولا ایہ یارحیم یابنی
 (رحیم لازال فی حالہ من الزہول ولم یجیب علی ماقلہ دسوقی حتی لہدته مریم
 بقدمیہا ثم قالت: رحیم عم دسوقی بیکلّمک)
 رحیم: اہ طبعا طبعا

دسوقي:حيث كده انا وفاطمه هنفقوم نوضب الاوضه الكبيره عشان تاخذ راحتك انت
 وعروستك
 رحيم بتردد:لا
 دسوقي:نعم يابنى قولت حاجه
 رحيم:لا لا يا عمي بس... احنا هنمشي دلوقتي
 فاطمه:وده اسمه كلام يابني.... احنا لسه ماشبعناش منكم ولازم نفرح بيكم ونحتفل
 بزواجكم انهارده...مش كده ولا ايه يا عروسه
 (مريم في حاله من الصمت)
 رحيم بسخريه:ردى يا عروسه
 مريم:عندك حق يا عمتمو لازم نحتفل انهارده
 رحيم:عندك حق ايه ونحتفل ايه....معلش احنا لازم نمشي عشان معايا شغل بكره
 دسوقي:يابنى مافهاش حاجه لو قعدة حتى لحد الليل...
 رحيم:ماهو.. يقاطع حديثه مريم
 مريم:قولنا ايه...خلاص بأه ماتر علش عمك دسوقي منك
 دسوقي:يلا انا هقوم انا وفاطمه وانتم خلصو اكل براحتكم
 (بعد قيام دسوقي وزوجته من على مائده الطعام...امسك رحيم بذراع مريم بغضب و
 ينظر في عينيها بحدة ويجز على اسنانه ثم قال:انتى ايه اللى عملتبه ده....انتى
 بتورطينى)
 مريم:وفيه ايه يا حبيبي
 رحيم:حبيبيك ايه وزفت ايه دلوقتي.... احنا كده هنتأخر
 مريم:وفيه ايه...ما نتأخر
 رحيم:فيه ايه....والحاج لما يسألنى كنتم فين هقوله ايه
 مريم:قوله كنا في المول بنشرتى حاجه
 رحيم:ياسلام وفكرك هتعدى على الحاج كده عادى بالبساطه دى....اصل الحق مش
 عليكى...الحق عليا اللى مشيت ورا كلام واحده زيك....اعمل ايه انا دلوقتي
 مريم:ماتعملش حاجه غير انك تسكت خالص وتتسى كل حاجه وخليك معايا
 انهارده...بزمتهك هتلاقي فين مكان رومنسى وشاعري زى كده....
 رحيم:وبعدين انتى ازاي تكدي على الراجل ونقولى ان متجوزين...انتى بتورطينى
 مريم:وفيه ايه....وبعدين انت مش بتحبني وهنتجوز بيقا مضايق من
 ايه....وبصراحه بأه كان شكلك تحفه وانت متوتر ومش عارف ترد على الراجل
 رحيم:انتى قاصده تعصبينى بأه

مریم: بصراحه اه... ما انت ياما عصبتتي... اشرب بأه
 رحيم: طيب هتشوفى هعمل فيكى ايه...
 مریم: ولا تقدر تعمل حاجه ياروحى... يقاطع حديثها صوت دسوقى حين قال: يلا
 يارحيم يابنى هات عروستك وتعالى الاوضه جاهزه
 رحيم: حاضر ادينا جاين اهو... يلا بأه ياعروسه انتى اللى جبتيه لنفسك
 مریم: ينهار اسود
 رحيم: يلا يا حلوه اتحركى... ولا جالك شلل رباعى دلوقتى... ده انا هخلى يومك اسود
 من قرن الخروف
 (وذهب رحيم الى الغرفه بصحبة مریم بعد ان امسك بذراعها لكي تذهب معه... وهى
 متشبثه ووقع الرعب في قلبها وشعرت انها سوف تدفع ثمن ماقلته للحاج دسوقى
 كذبا)
 مریم: هتعمل ايه يامجنون
 رحيم: هغير هدومي
 مریم: وكده قدامى... انت اكيد مجنون
 رحيم: مش احنا في شهر عسل برضو... مش ده كلامك ياعروسه... وبعدين لو
 مكسوفه غمضى عنيكى
 مریم: طب استتى... ده انت رخم... ها خلصت
 رحيم: لسه
 مریم: ها خلصت
 (رحيم لم يجيب عليها وجلس على السرير)
 مریم: معقوله كل ده بتغير... اخلص بأه بلاش رخامه..
 (ظلت مریم هكذا الى ان اخذها الفضول ان تفتح عينيها)
 مریم: لاااه انت زودتها اوى بأه... انت كمان هنتام على السرير... طب وانا هنام فين
 رحيم: ودى عايزه كلام... اكيد على السرير برضو
 مریم: نعم... اللى هو ازاي يعنى
 رحيم: هو كده... عاجبك ولا مش عاجبك
 مریم: مش عاجبني طبعا
 رحيم: بيقا خلاص شوفيلك حته نامى فيها
 مریم: رحيم انت اكيد مجنون
 (انقد رحيم من على الفراش حتى اصبح واقفا امام مریم)
 رحيم: طبعا مجنون... مجنون بحبك

مريم: الله على الكلمة... طالعه من بوقك زى الشهد... ايوه هو ده الكلام ياصعيدي
اخيرا قولتها

رحيم: طيب.... ممكن سمو الأميره تتام عشان على العشا نروح
مريم: حاضر... وانت هتتام فين

رحيم: ماتشغليش بالك انا هنام على الكرسي هنا

(رحيم يحمل مريم على ذراعيه ويضعها على الفراش ببطئ وهى تنظر الى عينيه
حتى وضع رحيم يده على شعرها الذي كان منسدل على وجهها واعاده الى الخلف
وظل رحيم يقترب منها حتى ظنت انه يريد ان يقبلها في شفثتها بعدما تهيئة لتلك القبلة
ولكن سرعان ما قبلها على جبينها... وتركها تتام وظل هو مستيقظا على الكرسي يفكر
حتى غلبه النعاس.... وعندما جن الليل استيقظة مريم ورأت رحيم نائما فأشفقة عليه
عندما رآته بدون غطاء في ظل هذا الجو البارد..... فابعدما وضعت الغطاء عليه
أخذت تتأمل في وجهه وتمعن النظر في عينيه وقتربت منه حتى اعطته قبله ببطئ ثم
عادة الى الفراش وجلست وهى تنظر اليه... وهنا ينادي دسوقي من خلف
الباب..... فاهمت مريم الى رحيم وايقظته)

مريم: قوم بسرعه عم دسوقي بيخبط.... قوم احسن يدخل يشوفك وانت نايم على
الكرسي كده يلا قوم بسرعه

(بعدما رتب رحيم موضع الفراش فتح الباب للحاج دسوقي)

دسوقي: كفايه نوم..... يلا بقا عشان محضركم مفاجاه

رحيم: مفاجاة ايه

دسوقي: انا كلمت قرابىب ليا في العريش عشان يجو ونحتقل بزواجك انت ومريم

رحيم: بس احنا اتأخرنا ولازم نمشي دلوقتي

دسوقي: تمشي ايه.... انتم مش هتمشو من هنا الا لما اعملكم ليله عمركم

ما هتتسوها.... يلا بقا عشان الناس وصلو

رحيم: حاضر... هغير هدومي واجي مع حضرتك

دسوقي: تغير ايه.... انت انهارده هتحتقل على طريقه بدو العريش.... يعنى هتلبس

لبسهم وكمان مريم هتلبس لبسهم... يلا بقا عشان الاحتقال بدأ

(بدأ الاحتقال بعد انتهاء رحيم ومريم من ارتداء الزي البدوي المخصص لهم في ليلة

العرس.... وخرج رحيم من الغرفة بصحبة دسوقي ومجموعه من الرجال البدو ينتظر

خروج محبوبته مريم... التى خرجه من الغرفة بصحبة فاطمه ومجموعه من النساء

وفي هذه اللحظه بدأت النساء يظغرتون بطريقتهم الخاصه تعبيراً عن فرحهم.... واخذ

رحيم ينظر الى مريم وكأنه لم يعرفها من قبل بعد خروجها من الغرفة بالزي البدوي

وظل رحيم يمعن النظر فيها ويتأمل ويدقق في عينيها الزيتوني التي تكاد تسحره من جمالها وخاصة انها كانت ترتدي القناع البدوي باللون الاسود الذي يغطي الوجه ويظهر العينين وفيه بعض الدوائر المفتوحة التي تظهر الوجه بشكل متناسق وظل على هذه الحالة حتى اقتربة منه مريم ببطئ وبادلها رحيم تلك الخطوات ببطئ حتى وضع يده في يديها واخذهم دسوقي الى السلم الخلفي للمنزل المؤدي الى شاطئ البحر ووقف رحيم ومريم وسط دائره من الرجال والنساء مع البدء في العزف على الآلات الموسيقية واخذ الرجال والنساء يرددون الأغاني البدويه الجميله مع تحركهم حول رحيم ومريم ببطئ وفي يدهم سيوف يرقصون بها... واخذ رحيم يرقص على تلك الألحان بعدما اخذ السيف من احد الرجال ووضع رحيم السيف خلف ظهر محبوبته مريم واخذت ترقص مثل رقص نساء البدو... واستمر هذا الاحتفال الى ان اعطى رحيم اشاره الى دسوقي بالإنهاء كأنه كان بينهم اتفاق على ذلك واستجاب دسوقي وامر الرجال والنساء بترك ساحة الاحتفال.... وحمل رحيم محبوبته على ذراعيه واخذ يخطو بها بعض الخطوات ببطئ حتى وصل الى مكان ما وتوقف عن السير حتى جاء دسوقي وفي يده شغله من النار ووضعها على الارض فأشعلت النار دائره متناسقه حول رحيم ومريم)

رحيم:مريم

مريم:نعم ياقلب مريم

رحيم:انتي حبيتي الجدع اللي اسمه رحيم ده اللي اتبرعك بالدم

مريم:ليه بتسأل

رحيم:عادي مجرد سؤال

مريم:بصراحه مش قادره اعبر ولا عارفه اوصلها لك ازاي بس هو انقذ حياتي من غير ما حتى يعرفني ولا يشوفني...وبصراحه انا حبيت شخصيته كل ما تحكي لي عنه اخته غاده....وحبيت اسلوبه في التعبير في كل روايه كتبها

رحيم:يعني انتي حبتيني عشان مجرد ان اسمي زي اسمه

مريم:مش بظبط كده...بس تعرف ساعات بحس ان انت وهو فيكم حجات كثير مشتركه مابنكم....وساعات بسرح بخيالي وقول لنفسني ان ممكن لو قبلته في المستقبل هتكون شخصيته واسلوبه زيك مش هيختلف عنك كثير

رحيم:طب لو قبلتيه في المستقبل ممكن تحبيه

مريم:مش عارفه....

رحيم:مش عارفه....يعني حتى لو قولتلك ان رحيم اللي بتتكلمي عنه ده هو هو نفس

رحيم اللي واقف قدامك دلوقتي

مریم: انت بتقول ايه... يعني انت
 رحيم: ايوه انا... انا رحيم اللي اتبر عليك بالدم
 مریم: مش ممكن... انت اكيد بتهزر
 رحيم: انتي عمرك شوفتيني بهزر قبل كده... انا هسبتلك دلوقتي... فاكره دي... مش
 بتاعتك برضو
 (اخرج رحيم السلسله التي كانت مریم قد اعطتها لغاده لكي تهديها لرحيم)
 مریم بدموع: انا مش مصدقه نفسي يعني انت رحيم
 (قبل ان تنتهي مریم من جملتها هذه ألقت بنفسها في احضان رحيم)
 رحيم: مریم... انا عايز اقولك على حاجه مهمه
 مریم: قول سمعاك
 رحيم: انا يتيم ماليش اب ولا ام
 مریم: ايه بتقول كده
 رحيم: انا هقولك على كل حاجه (واخذ رحيم يروي قصته على مریم)
 مریم: انا مش مصدقه نفسي... يعني سعاد اختك
 رحيم: ايوه
 مریم: طب وهي راحت فين
 رحيم: مش عارف... بس انا زي مايكون شوفتها راكبه في العربيه مع اسماء بنت
 خالك
 مریم: لا مش هي... سعاد اللي انت شوفتها دي تبقا صديقه اسماء في الجامعه كلية
 الطب وكمان عمي الدكتور محمد بيحبها وعايز يتجوزها وهي كمان بتحبه فاستحاله
 تكون هي
 رحيم: طب عشان خاطري اديني عنوانها
 مریم: انا مش معايا العنوان بس عادي ممكن اجيبه من اسماء... بس حتى لو جبته من
 اسماء ماينفعش انت تروح
 رحيم: ليه
 مریم: افتردنا مثلا ماطلعتش هي وده المتوقع قولي بأه سعتها هتعمل ايه ولا تقول ايه
 وانت داخل بيت الناس كده بتسأل على اختك... الناس هيفتكروك مجنون اكيد...
 رحيم: عندك حق
 مریم: اول مره ماتفكرش صح
 رحيم: ماهو غصب عني يا مریم نفسي اشوف اختي واترمى في حضنها اللي اتحرمت
 منه سنين

مریم: انا مقدره اللي انت فيه بس لازم تفكر صح وماتخليش حاجه تأثر عليك بالسلب
مفروود انت اكثر واحد تكون عارف الكلام ده... طب اسمعني انا هساعدك
رحيم: ازاي

مریم: انا هكلم اسماء اخد منها العنوان وروح بنفسي عند الدكتور هسعاد وشوفها ما انا
كده كده شوفت اختك سعاد قبل كده عندكم في السرايا
رحيم: ده بيقا جميل عمري مانسهوليك ابدا

مریم: بدأنا نغلط... جميل ايه يا جميل انت... جميل وانت ناسي ان دمك بيجري في
عروقي... ناسي ان انت انقذة حياتي اكثر من مره... شكلك صعيدي وهتتعبني
وياك... عايزه افهمك حاجه... انا بحبك

رحيم: وانا كمان بحبك... وبحبك اوي كمان
مریم: امتي اكثره مره حسيت انك بتحبني فيها بجد
رحيم: من وقت ما عرفت ان انتي مریم اللي دمي بيجري في دمك
مریم: اشمعنا بأه

رحيم: عشان عرفت سعتها ان انتي بتحبيني بجد... حبتيني من قبل ما
تشوفيني... وحتى بعد ماشوفتيني حبك زاد من نحيتي... حسيت كأنك مخلوقه بس
عشان تحبي رحيم... وفي كل مره يجمعك القدر بيه تحبیه اكثر من المره اللي قبلها
مریم: عارف ليه
رحيم: ليه

مریم: عشان قلبي بينبض بدمك وعشان كده مش شايفه غيرك في الدنيا... كأن دمك ده
لما دخل جسمي تحول الى ريموت كنترول وقلبي تحول الى تيلفزيون مش جايب غير
صورتك قدامي لا الريموت قادر يغير المحطه ولا التيلفزيون بيقطع الإشاره... فهمت
انا اقصد ايه

رحيم: عارفه احساس لما يكون الإنسان واقف لوحده في مكان ومتحاوط بين جبال
عاليه جبل من هم وجبل من حزن وجبل من خوف وجبل من تفكير عميق وجبل من
سكت سفر طويله وملهاش رجوع... ويرفع ايده لسماء وفي عينه دموع ويقول بصوت
عالي "يارب" يقوم ربنا بيعتله انسان زيه اول ماتشوفه ماتقولش عليه بشر عادي
وتقول في نفسك ده اكيد ملاك ونازل من السما ربنا بعتهولي عشان ياخذ بايدي عشان
ينور بصرتي عشان يرجعني لدنيا من تاني عشان يحسني بالأمان بعد خوف عشان
يكون عنيا اللي بشوف بيها عشان ينسيني الهم والحزن عشان يكون الصديق وقت
الضيق عشان يكون الطبيب وقت المرض عشان يكون الحبيب اللي مابعده

حبيب..... اها عارفه الاحساس ده هو نفس الاحساس اللي انا حاسس بيه دلوقتي
وانتي معايا

مریم:رحيم

رحيم:نعم

مریم:احنا اتكلمنا كتير....ممكن تسبني في حضنك عايزه احس بجد ان انا مش بحلم
وان انت فعلا قصادي...ممكن

رحيم:بس بشرط

مریم:اللي هو

رحيم:مايكونش حضن عادي

مریم:حتى الحضن عندك فيه عادى ومش عادي

رحيم:طبعا

مریم:وانت حضنك من اي نوع

رحيم:عايز حضن بعد اشتياق يسيب علامات في الضهر

مریم:الله على احساسك اللي بيدخل القلب من غير استأذان

(اقتربة مریم من رحيم وألقت بنفسها بين احضانه وظل رحيم ومریم على ذلك بدون
ادنى نظر للوقت وكان دسوقي وزوجته فاطمه ينظروا من اعلى المنزل وعلى وجههم
الابتسامه وفي عينيهم الدموع السخيه حتى مسح دسوقي دموعه وقال لزوجته: شايفه

يافاطمه الولاد بيحبو بعض ازاي مش حاسين بالوقت وهما في حضن بعض فعلا
شكلهم يخطف العقل عارفه عمرهم ماهينسو الليله دى ابدأ عمرهم ما هينسو الحضن
ده وهما وسط النار الهاديه ومحوطاهم وقدامهم البحر بيعزف ألحان بصوت الموج،،

فأجابته فاطمه وقالت: ربنا يسعدهم...،)(وفي هذه اللحظة ينزل المطر ولكن لم

يستطع المطر ان ينهي اجمل واطول حضن شهده البحر والرمل والهواء والجبال

حتى سمع رحيم صوت دسوقي ينادي ويقول:الدنيا بتشتي يارحيم يابني)

رحيم:مریم...الدنيا بتمطر...وعمك دسوقي بينادي...يلا يا حبيبتي احسن تتعبي ويجيلك

برد

مریم:وايه يعنى سبني في حضنك...ده اجمل حاجه المطر

رحيم:اسمعي الكلام امال

مریم:عشان خاطري استنى شويه

رحيم:احنا لازم نمشي اتأخرنا

مریم:خمس دقائق بس عشان خاطري

(استجاب رحيم لما طلبته منه مريم وكأن مع كل ثانيه تمر تزداد هذه الليلة جمالا
ولطفا في جو يسوده الحب والمشاعر الدافئه ولذلك اخذ الهواء ينشر نسائمه تنترا حول
صاحبي اطول حزن...واخذ رحيم ومريم يمعنوا النظر ويتأمل كلاهما الآخر حتى
اقترب رحيم من مريم ببطئ بعدما وضع يده على خصرها ببطئ واخذ يقبلها في
شفتيها وهذا الامر الذي جعلها تضع يدها خلف رأسه وأخذت تحرك انامل اصابعها
ببطئ وتقربه منها بشدة مع الأستمرار في تقبيلها لرحيم... ثم حمل رحيم محبوبته
على ذراعيه وذهب الى منزل دسوقي)

فاطمه:لسه بدري خليكم معانا

رحيم:بدري من عمرك ياست الكل...معلش احنا لازم نمشي دلوقتي

دسوقي:خلي بالك على عروستك يارحيم يابني دي بتحبك

مريم:قولو والنبي ياعم دسوقي احسن مش مصدق

الكل:هههههه

رحيم:نشوف وشكم على خير

فاطمه:هتوحشيني يامريم

مريم:وانتى كمان ياعمتو

رحيم:يلا سلامو عليكم

دسوقي:وعليكم السلام ورحمة الله وبركاته...مع السلامه في امان الله

(رحل رحيم ومريم من منزل دسوقي)

مريم:استنى قبل ماتنزل من العربيه عايزه اقولك على حاجه مهمه

رحيم:حاجة ايه

مريم:بحبك

رحيم بيتسم:وانا كمان بعشقتك

مريم:هتطلع تنام ولا هتعمل ايه

رحيم:من المفروض ان انام عشان معايا شغل...بس ده لو عرفت انام...من اللي حصل

انهارده....المهم لما توصلني رني عليا طمنيني عليكي

مريم:لا..انا الاول هكلم اسماء عشان اخذ عنوان الدكتوراه وهروح دلوقتي

رحيم:بس الوقت متأخر بلاش انهارده وخليها بكره

مريم:متأخر ايه الساعه دلوقتي عشرة ونص لسه بدري

رحيم:طيب....خلي بالك على نفسك

مريم:استنى

رحيم:في ايه تانى..

مریم: تعالی بس قرب علیا و غمض عنیک

رحیم: وبعدين بقا معاکي

مریم: اسمع الکلام یاصعیدی

رحیم: اهو

(استجاب رحیم لما طلبته منه مریم..... و اخذت مریم تتأمل ملامحه ثم اقتربة منه واعطته قبله)

مریم: بحبك... هعیش بحبك و هموت بحبك

رحیم: وانا کمان بحبك یالؤلؤة النساء

(تحركة مریم بسيارتها وكانت هناك سيارة تلحق بها حتى وصلت مریم الى منزل شهد)

شهد: الست مریم اهلا وسهلا اتفضلي

مریم: بتعملي ايه هنا یاداده

شهد: ده بيتي.... اتفضلي یاست مریم

مریم: مش ده برضو بيت الدكتور ه سعاد

شهد: ایوه سعاد بنتي

مریم: بنتك

شهد: ایوه بنتي

مریم: ازای یاداده بنتك و انتی مش معاکي اولاد اصلا

شهد: دي حكاية طويله یابنتي

(وهنا تظهر ام سعاد وسعاد)

مریم: سعاد

سعاد: مریم

مریم: فهموني الحكاية.... ايه اللي جابكم هنا

(واخذت ام سعاد و شهد یحدثون مریم على قصتهم)

مریم: یعنی انتي یاداده ام رحیم

شهد: رحیم مين؟

مریم: رحیم ابنك

ام سعاد: تقصدي رحیم بيه

مریم: ایوه

سعاد: انتي بتقولی ايه.... یعنی رحیم بيه اخويا... طب ازای فهميني

(واخذت مریم تروي القصة التي قالها رحیم لها)

شهد:ياحبيبي يابني....وهو فين دلوقتي...طميني عليه يابنتي
 مريم:هو بخير اطمنى....هو بقاله خمس سنين بيدور على سعاد
 سعاد:ياحبيبي ياخويا....انا لازم ارحلو دلوقتي...معاكى العنوا....يقاطع حديثها
 جرس الباب

شهد:مين اللي بيخبط كده...طيب طيب ياللي على الباب مالك متسرع كده
 (شهد تفتح الباب)

شهد:انتم مين وعايزين ايه

(مجموعة من المجرمين اقتحموا منزل شهد...وتم اختطاف مريم وسعاد..ثم جاء
 الدكتور محمد الى منزل شهد كما قال لسعاد على مجيئه الليله وعندما وصل محمد
 الى المنزل في الطابق الثالث وجد الباب مفتوحا على مسرعيه)

فاروق:ماتخافيش يادلال الرئيس جمعه قلى ان مريم ورحيم راحوا المول....يعنى
 زمانها جايه
 دلال:لا لا انا مش مطمئن خالص قلبي مقبوض وحاسه ان بنتي في خطر احساسى
 مايكديش

فاروق:اهدي يادلال....مش كده الله

دلال:اهدى ازاي بس والساعه داخله على 12...

فاروق:طب رني عليها وشوفي هي فين

دلال:ما انا برن عليها والتليفون بتاعه مقفول

فاروق:خلاص انا هكلم رحيم بس عشان خاطري اهدي

(اخرج فاروق الجوال الخاص به لكي يطلب رحيم)

فاروق:ايوه يارحيم يابنى

رحيم:ايوه يحاج خير في حاجه

فاروق:انتم فين يابنى...مريم فين

رحيم:ليه هي ماروحتش لحد دلوقتي

فاروق:لا يابنى وبرن عليها والتليفون بتاعها مغلق

رحيم:طب اهدى يحاج انا جاي دلوقتي

(ذهب رحيم الى □يلا الحاج فاروق الشرقاوي)

رحيم:ادي كل الحكاياه يحاج....بس والله انا نبهة عليها انها ماتروحتش دلوقتي....انا

لو عارف كل ده هيحصل ماكنتش خلتها تروح

فاروق:طب رني على عادل يادلال يمكن راحت هناك

(اخرجة دلال الجوال خاص بها لكي تطلب عادل)

عادل:مين

دلال:انا دلال

عادل:دلال...خير يادلال في حاجة حصلت

دلال:كنت عايزه اطمن ان لو مريم جات عندك انهارده

عادل:وايه اللي هيجب مريم انهارده....هى متعوده لما بتاجى عندى بتقولى قبلها انها

جايه

دلال:يعنى ايه....بنتي راحت فين

عادل:طب اهدى...انا جاي دلوقتي

(ذهب عادل الى □يلا الحاج فاروق الشرقاوي عقب الإنتهاء من المكالمه)

عادل:طب انت معاك عنوان الدكتوراه دي يابني

رحيم:مع الاسف يا عمي مش معايا...بس مع اسماء بنت الحاج

فاروق:طب انا هكلم اسماء دلوقتي واخذ منها العنوان

(تحدث فاروق مع ابنته اسماء على الجوال واعطته العنوان)

فاروق:يلا بيينا

دلال:انا جايه معاكم

فاروق:خليكي انتي يادلال

دلال:رجلي على رجلكم....عايزه اشوف بنتي

(ذهب رحيم والحاج فاروق وعادل ودلال الى منزل شهد)

عبدالعزیز:سامحيني ياشهد ماقدرتش احميكي

شهد:اسامحك على ايه ولا ايه....اسامحك على بعدك عني ولا على اولادي اللي

اتحرمت منهم طول السنين دي كلها...اسامحك على قهرتي وحصرتي على اولادي

لما اتخطفو من حطني وانت مش معايا

عبدالعزیز:غصب عني ياشهد انا دورت عليك في كل حته....ابويا هو السبب

ماكنتش اعرف ان بيخطط عشان بيعدني عنك

شهد:انا مش هنسى ابدأ اللي عمله ابوك فيا

عبدالعزیز:ابويا مات ياشهد

شهد بدموع:مات بعد ايه...بعد ماموت كل حلو كان فيا

عاصم:مش وقته الكلام ده دلوقتي....المهم عايزين نعرف مين الناس دي اللي خطفو

سعاد

ياسر: انتي تعرفي حد منهم يامرت عمي
 شهد: لا يابني... انا اول مره اشوفهم
 محمد: طب تعرفي توصفي شكلهم
 شهد: مالحقتش اركز اوى في شكلهم... يقاطع حديثها دخول رحيم وفاروق وعادل
 ودلال
 رحيم: ياسر
 ياسر بدموع: رحيم ودعمي (ياسر يعانق رحيم) اتوحشتك قوي ياود عمي... يااااه
 ماكنتش متصور ان بعد السنين دي كلها هشوفك تاني ياود عمي
 عبدالعزيز: رحيم ولدي... كيفك ياولدي
 رحيم: ولدك؟ ازاي مش فاهم حاجه حد يفهمني... واياه اللي جابكم هنا
 عبدالعزيز: انا هقولك على كل حاجه (واخذ عبدالعزيز يقص الحكايه كامله على رحيم)
 رحيم: يعني انتي امي
 شهد: ايوه يابني
 (اتجه رحيم نحو شهد وجسى على ركبتيه واخذ يقبل قدميها ويديها والدموع تنهمر
 منه بعزازه واخذت شهد تقبل رحيم في كل موضع في جسده مثل الصائم وافرط
 والدموع تنهمر من عينيها وتقول: الحمد لله يارب الف حمد وشكر ليك يارب استجبت
 دعوتي بعد كل السنين دي وخلصتني اشوف ولدي نور عنيا)
 دلال: بنتي مريم فين

في سرايا العمده حامد المصري
 جابر: انت ايه اللي جابك اهنه دلوكيت ياود المحروق انت... واياه اللي جايبه معاك ده
 حمزاوي: ده السلاح جنابك
 جابر: يخرب مطنك... واياه اللي خلاك تجيب الكميه كلياتها اهنه
 حمزاوي: اعمل ايه... والحكومه كانت محاوطه الجبل كلياته... والرجاله اتقبض
 عليهم ده غير اللي اتقتلو
 جابر: تقوم تجيب السلاح اهنه كذك اتجنيت عاد ياود المحروق انت
 حمزاوي: اها اللي حوصل جنابك....
 جابر: في حد وعيلك وانت جاي
 حمزاوي: مافيش حد وعيلي انا كنت في العربيه واول مابدأ ضرب النار جيت على
 اهنه
 جابر: طب غور من قدامي دلوكيت لما شوف هتصرف كيف

دلّال: حد يعمل حاجه... انا عايزه بنتي
 فاروق: اهدي يادلّال مش كده.... خلىنا نعرف نفكر في المصيبة دي
 دلّال: وانا لسه هستنى لما بنتي تضيع مني... انا هبلغ البوليس
 محمد: وانا من رأي كده برضو.... لازم ناخذ خطوه اجابيه... يقاطع حديثه صوت
 جوال احد افراد العصابه بعدما سقط منه اثناء حالة الفر والكر عند اختطاف مريم
 وسعاد

رحيم: تليفون مين ده
 شهد: ده تليفون واحد منهم... وقع منه هو بيجري
 (امسك رحيم بالجوال وبعدهما ضغط على الزر ظل رحيم صامتا يسمع وكان الذي
 يتحدث هو مدير الإنتاج محمد اكرم)
 محمد اكرم: عملتو ايه.... جبتو البنت اللي اسمها مريم
 رحيم: عارف لو لمست شعره منها هدفعك التمن غالي اوي
 محمد اكرم: مين؟..... رحيم الصعيدي
 رحيم: شاطر.... رحيم الصعيدي اللي هيعلمك الأدب
 محمد اكرم: طب اسمع يشاطر.... عشان ماضيعش وقتي... هما كلمتين وتنفذهم
 بالحرف الواحد.... انا ليا عند الحاج فاروق حق ولازم اخده
 رحيم: حق ايه
 محمد اكرم: انا عملت مشروع مع معلمك كسب من وراه ملايين وبعد كده رمانى
 رمية الكلاب
 رحيم: طلباتك ايه يا محمد يا اكرم
 محمد اكرم: برافو... احب فيك ذكائك يا صعيدي... كويس انك عرفتني عشان نلعب على
 المكشوف.... اسمع ياض انت قول لمعلمك محمد اكرم عايز حقه في الملايين اللي انا
 كنت السبب فيها
 رحيم: وحقك ده يطلع كام
 محمد اكرم: هما مش كثير.... هما يدوب عشره مليون بس... شوفت انا حقانى ازاي
 رحيم: اه يا عديم الشرف... يتعض الايد اللي اتمدتلك
 محمد اكرم: وقطعها كمان.... اسمع ياض انت تجيب الفلوس تاجي تاخذ حبيبة
 القلب.... غير كده اقرأ على روحها الفاتحه... وواي محاوله او حتى يخطر في بالك انك
 تبليغ البوليس بيقا مش هتلق تقرأ الفاتحه اصلا... اه وفي حاجة كمان تيجي انت

بنفسك تسلم الفلوس عشان فيه حساب قديم بيني وبينك ولازم نخلصه... انتظر منى
مكالمه تانى..سلام

رحيم:الووو
محمد اكرم:عملت اللي اتفقنا عليه
رحيم:ايوه...الفلوس معايا...وجيت لوحدي...ووقفت في المكان اللي قولتلي عليه
محمد اكرم:انزل من عربيتك
(استجاب رحيم لما طلبه منه محمد اكرم حتى جاء مجموعه من رجاله بالسياره
واخذوا رحيم معهم بعدما اغموا عينيه بخرقه سوداء وذهبوا به الى منزل محمد اكرم
وهو مكبل الايدي)
محمد اكرم:اهلا اهلا....نورتنا يا صعيدي
رحيم:فين مريم وسعاد
محمد اكرم:جبت الفلوس
رحيم:اشوف مريم وسعاد الاول
(اشار محمد اكرم لأحد رجاله لكي يأتي بمريم وسعاد بعدما امر ان يرفعوا الخرقه
السوداء على عينيه)
مريم:رحيم
رحيم:ماتخفيش
محمد اكرم:هات الشنطه
(فتح محمد اكرم الحقيبه لكي يتأكد من النقود)
محمد اكرم:تمام....كده حقي رجلي
رحيم:خلاص في حاجه تاني
محمد اكرم:ومستعجل ليه...مش نقوم معاك بالواجب الأول...ولا انت عايز تمشي
كده من غير مانعمل الواجب معاك...طب حتى انت صعيدي والكرم من شيم
الصعايده
(اقترب محمد اكرم واخذ يضرب رحيم ضربا موجعا حتى سال الدم من فمه)
رحيم بيتسم:لو راجل فوكني...وخليك راجل لراجل
محمد اكرم:يعنى هتعرف
رحيم:نشوف
(اشار محمد اكرم لأحد رجاله بفك وثاق رحيم....واخذ رحيم ومحمد يضرب بعضهم
البعض واستمره حالة الفر والكر بينهم حتى اخرج محمد اكرم سلاحه الناري واراد

ان يقتل رحيم وهذا الأمر الذي جعل مريم تصرخ وتقول: رحيم خلى بالك،.... وفي هذه اللحظة سمع الجميع صوت سريئة عربية الشرطه فاطلق محمد اكرم العيار الناري على رحيم فأصاب رحيم في ذراعه واراد ان يهرب ولكن تمكنة قوات الشرطه من القبض عليه)

مريم بدموع: رحيم.. رد عليا

رحيم: ماتخفيش انا كويس

سعاد: اخوي

رحيم: سعاد اختي... انتي كويسه

سعاد: انا كويسه.... حاول متتكلمش عشان الجرح

رحيم: من انهارده مافيش قوة في الدنيا هتبعدنا عن بعض طول ما انا عايش

سعاد: ان شاء الله ياخويا.... حسك بالدنيا

الدكتور محمد: عمي انا بطلب ايد بنتك سعاد

عبدالعزيز: وانا موافق يادكتور

ياسر: حيث كده يلا بينا على الأقصر.... وانا هعملك احلى فرح يادكتور

في سرايا العمده حامد المصري

الجميع في حاله من الفرح والسرور في جو يسوده الحب.... والكل يشارك في عرس اليوم... وبينما هم كذلك اذ جاءت عربية الشرطه وتم القبض على جابر وزوجته احلام بعدما وجدوا عنده كمية من السلاح الناري.... وقبل ان تغادر احلام السرايا وهي مكبله الايدي.... اوقتها سعاد.

سعاد: استنى يا احلام.... انتى ليكى عندي حاجه ولازم اردها لك (واقتربة سعاد من احلام ولطمتها على وجنتيها)

رحيم يجلس في مكانه المفضل وهو اسبطل الخيل واخذ يتذكر كل ما حدث له كما تذكر كل مشهد جمع بينه وبين جده العمده حامد المصري وتسيل دموعه حتى تذكر كلمة جده حين قال له: وعائزك بعد ما موت تسامحنى يا ولدي....، ثم قال رحيم بصوت يسمعه وفي عينيه الدموع: مسامحك يا جدي.... وقاطع تفكيره مريم حين جاءت ووضعت يدها على عينيه من الخلف

رحيم: مريم

مریم: ایوه مریم
 رحیم: عرفتی مکانی از ای
 مریم: ابداء... دورت عليك في السرايا ومالكش اتر.... سألت ياسر... وقلی اکید قاعد في
 الأسطبل
 رحیم: انهارده فرح سعاد
 مریم: ربنا يتم على خير... بجد فرحتلها... بجد عمی بيجبها اوي
 رحیم: لايقين على بعض
 مریم: ربنا يسعدهم
 رحیم: عقبالك
 مریم: يارب... بس هو فين ابن الحلال اللي ياجى ويخطفنى على حصانه الابيض
 رحيم يبتسم: طب تعالى قومي يلا
 مریم: على فين
 رحيم: هخطفك زي ما قولتي وهو الحصان الابيض موجود
 مریم: يعنى انت هتقدر تخطفنى
 رحيم: جربيني
 مریم: نجرب يا عم الصعيدي
 (استجابة مریم لما طلبه رحيم ونهضت من موضع الجلوس... واتجهت مریم نحو
 الحصان بصحبة رحيم واخذت مریم تتمايل بخصرها بخطوات ببطئ وكان شعرها
 ينسدل على خصرها بثيابها الجميل المتناسق وكان عباره عن فستان ابيض الذي
 جعلها في صورة ملكه...)
 رحيم: بحبك يا ملكة النساء
 مریم: وانا عشقتك بكل جوارحي
 رحيم: بس انا في قلبي كلام محتاج اقولهولك انا جاي بحلفلك ان انتي مالیه العين واني
 مشيت جيتلك معرفش رايح فين واني بحبك وناوي ابقا بطل الفيلم
 ارجوكي لا تزعلي من شخص شافك طب وقوليلي هل تقبلي ابنك يكونلك اب
 مریم: وانا قبلت

النهايه

أخذ حسام نفس بعمق ثم قال: فعلا ثعبان سمه شافي،،، ثم خرج عليه رحيم من الغرفة وقال له: الله انت لسه صاحي مانمتش لحد دلوقتي ده الفجر على اذان،،،، ثم اجابه حسام وقال: اعمل ايه ياسي رحيم يامصري اصل الروايه جميله وشدتتي بصراحه.

رحيم: يعنى عجبك

حسام: جدا... كل كوم والبشمهندس محمد اكرم كوم تانى

رحيم: اشمعنا

حسام: بيقا يوم اسود لو شاف وقرأ الروايه دى وخصوصا حضرتك مفصل عليه دور ان بيخطف وبيكسب كسب غير مشروع وراء الغش التجاري رحيم: وفيها ايه

حسام: فيها ان انت هتركب اول قطر على الصعيد.. ومش بعيد انا وتامر والريس جمعه كمان نحصلك

رحيم: ولا يهمنى... انا كتبت اللي شايفه قصادي وعملت مزيج بين الحقيقة والخيال ومش مهم اترفد اوحتى انتفي المهم ان لما نحب نكتب بيقا نكتب بقلم حر لانخشي في الله لومة لائم... ماهو لو كل واحد فينا اتكلم وكتب عن كل مكروه شافه هيعود على بلدنا واهلنا بسوء وماخفش من العاقبه البلد دى هتبقى في مكان تاني خالص لأن مش دي مصر اللي احنا نعرفها واللي قرأنا عنها في الكتب مش دي مصر صاحبة التاريخ صاحبة اعظم حضارة... وانا عن نفسي ماكنتش بتبلى على محمد اكرم بالعكس هي دي الحقيقه وانت عارف كويس ان في ناس كتير زي محمد اكرم في اكثر من شركة ومصنع كل همهم الفلوس حتى لو على حساب الناس الغلابه... الواحد من دول ممكن يمص دم الغلابه عشان خاطر يعرف يصيف هو والأسره الواطيه اللي بينتمي ليها دي ابسط حاجة اقولها لك عن الناس اللي ماتعرفش طريق ربنا... بس يا حسام بالله عليك خليني ساكت أحسن عشان انا شايل كتير ومخبي كتير جوه مني حسام: انت بتكرهم اوي كده

رحيم بيتسم: انا ليا كلمه ديما بقولها لما شوف حد من النوع ده قصادي

حسام: اللي هي؟

رحيم: الأيام بيني وبينكم يا أغنياء مصر

حسام: بس ده حقد طبقي يا صديقي

رحيم: لا... حقد طبقي لما اتمنى زوال النعمه من ايده... انما انا لما اكون عايز اعمل موازنه بين كل طبقه وطبقه مبيقاش اسمه حقد... ده بيقا اسمه عدل... عارف يحسام... البلد دى ممكن تحل كل مشاكلها في يوم

حسام: ازاي؟

رحيم: انا اقولك... كل اللي بيحصل فينا ده بسبب البعد عن ربنا نسينا شرع ربنا... انا ماقولتش ان نبقا زي الصحابه مع الرغم ان ده مش صعب ولا مستحيل... بس لو عملنا وطبقنا حاجه واحده بس من الدين العظيم ده صدقتي هنبقى في رخاء ما بعده رخاء والحاجة دي لو اتنفذت بشكل الصحيح كما امر ربنا صدقتي هتلاقي الخير يعم على اهل البلد دي كلها حسام: وايه بقا الحاجة دي اللي لو طبقناها هنبقا في خير ورخاء رحيم: فريضة الزكاة... عارف لو كل مسلم اخرج الزكاة لم تجد جائع في هذه الأمة... واهم حاجه في كل ده العدل... ولذلك قال شيخ الإسلام بن تيميه " وأمر الناس تستقيم في الدنيا مع العدل الذي فيه الاشتراك في أنواع الإثم أكثر مما تستقيم مع الظلم في الحقوق وإن لم تشترك في إثم، ولهذا قيل: إن الله يقيم الدولة العادلة وإن كانت كافرة، ولا يقيم الظالمة وإن كانت مسلمة. ويقال: الدنيا تدوم مع العدل والكفر، ولا تدوم مع الظلم والإسلام.. وذلك أن العدل نظام كل شيء، فإذا أقيم أمر الدنيا بعدل قامت، وإن لم يكن لصاحبها في الآخرة من خلاق، ومتى لم تقم بعدل لم تقم، وإن كان لصاحبها من الإيمان ما يُجزى به في الآخرة"

حسام: عندك حق في كل كلمة قولتها....

رحيم: طب يلا بقا عشان نصلي الفجر

حسام: وهو كذلك

النهاية

روفي رواية بقلم/ رحيم درويش

